

XIFANISO XA MUNHU

LOYI A HETISEKEKE



Ndza ku khensa, Makwerhu Neville. Hosi a yi ku katekisi.

Swi sasekile ku tlhela hi vuyela etabernakeni nakambe mixo lowu. "Mixo wa kahle" wo saseka swonghasi, eka n'wina hinkwenu. Nakona ndza tshembha leswaku leri ri tava ri ri siku ra kahle eka hina hinkwerhu, e—e Vukoneni bya Hosi. Kutani sweswi ndzi na dyondzo mixo lowu. Ndzi lava ku nghena ndzi kongomana na yona dyondzo leyi, hikuva i ya...ndza pfumela leswaku i ya nkoka. Kutani yi ta...Ni ku ntshunxa ntshungu kuva wu khunguvanyekile, ma swi tiva, hi tololevele ku tshama nkarhi wo leha, votala va yimile. Ndzi taya xikan'we-kan'we ndzi kongomana na dyondzo.

² Kutani sweswi, madyambu lawa, ndzi lava ku vulavula hi dyondzo leyi nge *Muleteri Wa Vutomi Bya Mina*. Kutani ndza pfumela leswaku votala lava nga ta swikota, tani hilaha va nga swikotaka, lava va nga tava kona hi nkarhi walowo wa ni madyambu. Hambi swi ri tano, loko mi ri na kereke leyi yi nga ya n'wina, hi ta...hakunene, hi mi lava leswaku mi va ekerekeni ya—ya n'wina. Ya leyo i nfanelo ya n'wina kuva kona, laha ntirho wa n'wina wa nfanelo wu nga kona, ku pfumelela rivoni ra n'wina ri voninga.

³ Sweswi, hi tshamela ro tshembhela eka sweswo, nkarhi wun'wana loko mi vuya, hi tava ni ndhawu nyana lahawani. Kambe hi kumeka hi tikeriwa eka swona, oho, hinkwako. Bodo ya vona lahaya ya matrasti yi cerile eka hinkwaswo. Kutani va va rhumerile eka ndhawu yin'we, va ta swi lulamisa; kutani va swi rhumerile eka yin'wana, kutani va swi alerile. Kutani va swi tlherisela endzhaku, kutani va yi lulamisile *kwalahawani*, va tlhela. Oho, wu tava nkarhi wuhi hi nga tava na swona! Kambe, maswitiva, Sathani minkarhi hinkwayo i mulwisi wa leswi nga kahle. Ntsena tsundzukani, mi lulamile minkarhi hinkwayo eka...

⁴ A ndzi ri eku hlamarleni leswaku u le kwihi, Anthony. Ndzi ku vonile u hlanganisa tata wa wena. Kutani ndzi langutile hinkwako, eka vayingiseri. U teri a wu tshamile lahaya. Hi tsakile kuva na wena na tata wa wena lahawani kuva mi ri na hina, Makwerhu Milano kusuka eNew York. Hi tshembha leswaku, hi ta ya endzhandzheni wa malwandle nkarhi lowu, ndzi ta kuma nkarhi wo wisa nyana hi ximun'wana, eNew York, kwalahaya siku rin'wana, loko Hosi yi swi rhandza.

⁵ Kutani hi tsakile swinene hikokwalaho ka un'wana na un'wana wa n'wina. Ntsena—ntsena swi kahle loko mi tile haleno.

⁶ Kutani hi vile ni nkarhi wa kahle madyambu ya tolo, kumbe kahlekahle ndzi swi endlile. A ndzi ri na...[Nhlengeletano yi ku, "Amen."—Muhleri.] "Na Esaya etempeleni." Kutana na n'wina...

⁷ Kutani mixo lowu, hi lava ku vulavula hi dyondzo leyinge, kumbe ku dyondzisa, kumbexani, loko hi ta swikota, "Ku aka Tabernakele leyi yi hanyaka; ku aka ku—aka Tabernakele leyi yi hanyaka ya Xikwembu lexi hanyaka yo tshama eka yona, Wanuna la hetisekeke; Tabernakele leyi yi hanyaka ya Xikwembu lexi hanyaka, laha Xi tshamaka kona." Kutani loko...

⁸ Ndza switwisia leswaku va na byona vuyimbeleri bya kahle lahwani. A ndzi byi twanga. Kutani madyambu lawa, ndzi ta ringeta ku kumeka kwalahawani. Nsati wa mina u ndzi byerile hi Makwerhu Ungren, ndza pfumela leswaku i vito ra yena, kusuka ehansi e—e Tennessee. Sweswi, a ri kwalahawani madyambu ya tolo. A ndzi n'wi voni mixo lowu, kambe ndza pfumela leswaku u kun'wana kwalahawani. Kutani ndzi tsakela ku n'wi vona loko a yimbelela madyambu lawa, loko ndzi nga swikota, leswaku, hambi ri ngava *Ehansi Kusuka Evukwetsimelweni Bya Yena*, kumbe *U Lonkulu Wena Hosi*. Ndzi ta tsakela ku twa sweswo. I vangani va tsakelaka ku twa Makwerhu Ungren xana? [Nhlengeletano yi ku, "Amen."—Muhleri.] Oho, ndzi—ndzi rhanda vuyimbeleri bya kahle. Kutani Meda u teri u na maendlelo ya barathoni. Kutani swi ndzi tsundzuxa hi Makwerhu Baxter; i muyimbeleri, na yena, tani hilaha hi swi tivaka hinkwerhu. Kutani *Ehansi Kusuka Evukwetsimelweni Bya Yena*, kumbe *U Lonkulu Wena Hosi*. Ndzi pfumela leswaku ndzi n'wi tshamisisile sweswi, nakambe...Sweswo swi tava swi lulamile, Makwerhu Ungren, madyambu lawa, loko u ta swikota, loko hileswaku u tava wa hari kona xana? U ta tshama, kumbe u ta ringeta ku tshamela xikhongelo xa ni madyambu xana? Kunene, ndzi—ndzi...Kunene, a ndzi...Ndza mi byela, leswi swona ke, loko hi...a ndzi lavi ku vangela un'wana na un'wana ku khuhlana. Kambe hikokwalaho ka yini swi ngavi tano, kutani, loko hi ta swikota, hinkarhi wa *Swilemo Swa Nkombo*, loko hi ta swi chumayela sweswo, loko kuruku mi ta ta. Ndzi tsakela leswaku ndzi swi kandziyisa, ma swi vona, leswaku swi kumeka, *U Lonkulu Wena Hosi*, nakona, nakambe, *Ehansi Kusuka Evukwetsimelweni Bya Yena*, hinkarhi walowo.

⁹ Oho, a swi sasekanga ku tirhela Hosi xana? [Nhlengeletano yi ku, "Amen."—Muhleri.] A ndzi switivi leswaku a ndzi tava ndzi endla yini loko a ndzi nga ri Mukreste!...?...Ntsena

swikahle ngopfu kuva Mukreste. Ndzi twa onge ndzi ngo tlulela ehenhla nale hansi ni huwelela, hi rito leri tlakukeke ra mina. Ku va Mukreste, ehleketani ha swona, hinkwenu hi nghanile hi famba na Kreste!

¹⁰ Ndza switiva leswaku a ndzi ri vulanga kahle vito ra wanuna loyi nkarhi wun'wana. Ri nga hava ri ri S.T. kumbe T.S., kumbe swin'wana swo fambelana na sweswo. Sumners, Makwerhu Sumner. U...ndzi lava ku n'wi khensa ni nsati wa yena lontsongo wo saseka. Ndzi pfumela leswaku a nga hava a tekile kwalomu, swi languteka i ngaku, i kwalomu ka ntsevu wa tinhweti, a ri karhi a thayipa *Tinguva Ta Nkombo Ta Kereke* leti. Kutani sweswi hi na tona ti vuyile lahawani, ti thayipiwile, ti yimele ku lulamisiwa, ivi tiya eka xivumbeko xa buku, *Tinguva Ta Nkombo Ta Kereke*. Sesi Sumner, hambi u le kwihhi, hakunene hi ta ku hakela kuva u endle sweswo. Leswaku, sweswo swi teka ntirho wo tala. Hikokwalaho ka yini, yi bumburise *xisweswo*. Yi ta ni tekela kwalomu ka ntsevu wa tinhweti ku yi hlaya hinkwayo, loko hi teka yona yi ri yoxe hi susa thepi, kutani hi yi hundzuluxa hi susa niku vuyeleta kusuka, kutani hi swi endla buku. Hi ta yi kuma yi lulamile hi yi rhumela eku presiweni, hi pfumela leswaku i nchumu lowu vanhu va fanelaka ku va na wona sweswi, kutani mi ta yi hlaya. Kutani Billy ntsena a ri eku ni kombeni, loko ndzi ta tlhelela endzhaku lahaya, timinetse tintsongo leti ti hundzeke, leswaku—leswaku—leswaku a yi—a yi lulamerile kuya eka printara. Swingaleswi, sesi, tabernakele yi ta ku hakela eka sweswo. A ndzi swi langutelanga leswaku u nga swi endlela mahala sweswo. Kutani—kutani kumbe kumbexani hi ta... Loko hi yi kuma buku leyi hi fanele ku yi vekela purayisi, kumbe swin'wana, hi ta yi vekela purayisi laha mi nga ta kuma swin'wana hambi va yi xavisa, hambi yi ngava njhani. Ntsena vulavulani na bodo, bodo ya matrasti, kumbe van'wana va vona kwalahaya, kutani va ta ku hlaysela yona. Hosi a yi ku katekisi swo nghasi hakunene.

¹¹ Makwerhu lontsongo wa mudyuharhi na Sesi Kidd lava nga tshama lahawani, kun'wana exikarhi ka dzana, ntsena vantsongo nyana. Kutani ni hlanganile na yena xinkadyana lexi hundzuuke, kutani u teri, "Kunene, lowu wu nga hava wu ri nkarhi wo hetelela kuva niku vona, Makwerhu Billy." A ku, "Ndza dyuhala."

¹² Ndzi ku, "Oho, mina! A ndzi swi lavi ku kutwa u vula sweswo. Wo va ntsena tani hi manana la nga dyuhala lontsongo na papa." Ha va rhandza Buti na Sesi Kidd. Hina, hinkwerhu, hi tano. Nakona ntsena swi...

¹³ Swi ndzi endla swin'wana loko ndzi va vona va famba ekerekene, kutani vatekani lava ntsongo va vadyuhari vo fana ni valava. Ntsena ehleketani, a va ri eku chumayeleni ka

Evhangeli ni nga se velekiwa. Kutani sweswi ndzi mukhalabya. Hambi swiritano, ntsena ehleketa, a va ri eku chumayeleni ndzi nga se velekiwa. Kutani hi mina loyi sweswi lahawani, ndzi le ku ehleketa ka leswaku ndzile ku khalabyeni. Ntsena ndzi ehleketa hi ku tshika. Ndzi vona Buti na Sesi Kidd va nghena, “Ku kwetsima a kuve eka Xikwembu! Haleluya!” Ndzi ri, “Ee, ndzi titwa kahle.” Ina, nkulukumba. Ku va vona, hilaha va nga swikotaka, hilaha hakunene va nga mihlohlotelaka ha kona!

¹⁴ Kutani mi swi xiyisisa sweswo, a va lava kuringana na xiyimo xa mina, nakambe, hambi swi ri tano va haya ensin’wini. Va tile mixo lowu va ta kombela tibuku, loko va nga ti teka tibuku va ti xavisa. Va lave na tithepi, leswaku va nga ya ehandle, va ya wina mimoya hi ku chayisa tithepi leti, va ri eka xiyimo lexi xi tshunelaka dzana ra malembe hi vukhale. Sweswi tikwihi “timpapa timbirhi” ta n’wina leti a hi vulavula ha ton a madyambu lawa ya nga hundza xana? Ina. Ndzi sungurile ku ehleketa ha swona, “Tikwihi ta mina?” loko a ta vula sweswo—sweswo tolo. Xana u na malembe mangani, Sesi Kidd? [Sesi Kidd a ku, “Ndzi na makume nhungu-n’we.”—Muhleri.] Makume nhungu-n’we. U na malembe mangani, Makwerhu Tom? [Makwerhu Kidd aku, “Makume nhungu-mbirhi.”] Makume nhungu-n’we na makume nhungu-mbirhi wa malembe hi vukhale, hambi swiritano va ha tirhisa timpapa ta vona, ti teka goza, va ha famba.

¹⁵ Hinkwaswo leswi nga fambangiki kahle eOhio, Sesi Kidd loyi wa switiva, foyini a yi rila ekaya. Siku rin’wana, u foynile, kutani n’wana lontsongo, xin’wanyana xa xinhwenyetana, ndza pfumela leswaku a kuri yena, a nga tswariwa, ni marhumbu ehandle ka xona. [Sesi Kidd aku, “Thundelo.”—Muhleri.] Thundelo, ehandle ka n’wana. Kutani dokodela a nga swi tivanga leswi a nga swi endlaka ha swona, nakona u chavile ku endla vuhandzuri. Hi khongerile. [“U endlili vuhandzuri, Makwerhu Branham, kutani u yi tlhelerisile endzeni, hikuva, va teri, ‘A nge hanyi.’ Kutani ntsena vatlieriselerile marhumbu endzeni.”] Vatlierisela marhumbu endzeni, hi vuhandzuri, kutani a va ehleketa leswaku a xi nge hanyi. Kutani xi hanyile. [“A ku na phachisi.”] Ku hava phachisi ya—ya leswaku...eka rhumbu lerikulu, leswaku swakudya swi hundza ha kona. Kutani Sesi Kidd u foynile nakambe. Hi tlhele hi khongela nakambe, kutani sweswi xi na phachisi ya kahle. Kutani hi loyi lahawani u kona, tani hi mbhoni; dokodela, na yena. Wa vona? I mbhoni ya leswaku Hosi Yesu, Mutumbuluxi lonkulu! Maswivona leswi Sathana a ringeta ku swi endla xana? Ku tsema vutomi byebyo bya n’wana byi suka. Kutani swingaleswi, wa vona, kutani na pfumela leswaku manana u tile eka Hosi. [“U tlhelerile endzhaku eka Hosi, a ri endlwini ya mina.”] U vuyele eka Hosi. Sesi Kidd u n’wi yisile eka Kreste, endzhaku kaloko masingita lawakulu ya humelerile eka n’wana wa yena.

¹⁶ Ndzi foyineriwile kusuka eCalifornia, tolo, makwerhu un'wana lontsongo wa muministara loyi a humaka kwalahaya, loyi a ndzi ri na yena loko ndzi taya eCalifornia ro sungula, malembe lawa ya hundzeke. Ntukulu wa yena wa jaha u tswariwile a ri—a ri na mune... tivhelufu tinharhu ta yena a ti pfalekile embilwini ya yena. Kutani ndzi n'wi byerile hi mhaka ya leyo. Ndzi ku, "Xikwembu lexi xi nga tumbuluxaka leswi swin'wana niku swi lulamisa, hakunene xi nga ha hanyisa ntukulu wa wena." Ntsena byela jaha leswaku a va ni nhlohlotelwa kahle.

¹⁷ Nakona jaha leri a ri ri kona eka nhlengeletano loko ndzi taya ro sungula eCalifornia, kungava ku hundzile khume nhungu wa malembe sweswi, khume ntsevu wa malembe lawa ya hundzeke, a swi ri tano. Nakona a ndzi ri eCalifornia. Kutani u... Nhlengeletano wu kucetele jaha lero ku kondza... Loko va kuma n'wana, nakona xitswariwile, va tlhela va swivona leswaku ku ni swin'wana swi nga hoxeka, a xi ri xa wasi, kutani va ringetile ku xi mpopela moywa oksejeni, nikuya emahlweni. Kutani a xi tikomba i ngaku a xi nga hanyi, nakona vadokodela va xi kamberile, va kume leswaku tivhelufu tinharhu ti pfalekile embilwini ya xona. A ti nga pfulekanga hinkwato ka tona, wa vona, ntsena—ntsena vhelufu yin'we leyi yi mpopaka. Kutani u vitanile tata wa yena, a ku, "Papa, vitana Makwerhu Branham, xikan'wekan'we. N'wi byeli sweswo hinkwaswo... 'Leswaku ntsena a kombela Kreste. Yena u ta swi endla.'" Sweswo hi swona. Oho, mina! Nkucetelo walowo, leswi va swi vonaka, wa vona, hi vulavurile hi swona, madyambu ya tolo. Nchumu wa kahle hinkarhi wa kahle.

¹⁸ Kunene, hi tshamela ro vulavula, a hi nge ngheni eka dyondzo, a hi ngevi tano xana? Switani hi xihlenge eka mixo wo titimela, xiva xi bumburile tani hilaha xi nga vaka hakona, maswitiva, kutani hinkwaswo swi va swi damarhananini. Hi tsake ngopfu kuva ni nhlanganyelo wo tani hi walowo. Ina, nkulukumba.

¹⁹ Swingaleswi sweswi a hi timiyetenihina hi hexe, sweswi, a hi ngheneni ehansi eka dyondzo sweswi. Hi ya kumbexani... a ndzi switivi loko mi nga swikota ku swivona kumbe mi nga swikoti, eka bodo yo tsalela. Kumbexana loko ndzi nga yi hundzuluxela ehenhla tani hi *sweswo*, hi xinkadyana nyana, hikokwalaho ka yini, hi ta swikota, sweswi, van'wana va n'wina, ku... [Makwerhu Edgar "Doc" Branham a ku, "U lava xindhawana eka yona xana?" —Muhleri.] U ri yini? ["U lava xindhawana eka yona xana?"] Ee, a ndzi ehleketa tano, sweswi, Doc. Ntsena kumbexana eka xinkadyana nyana. ["Kona kwala ehansi, ndzi nga ha vekela xindhawana eka yona."] Kunene, hi ta—hi ta swi endla sweswo loko hi nga kuma swintsongo... U kume xindhawana lahwani? Swi kahle.

Ntsena a hi yi hundzuluxeli eka xona. Maswikota ku yi vona kwalaho endzhaku xana? N'wina ke? Loko mi swikota ku yi vona, yimiselani mavoko ya n'wina ehenhla, loko mi swi kota ku vona bodo yaleyo yo tsalela, mi kota ku hlaya leswi nga kwalahaya. Ee. Swikahle. Kuma xindhawana. Sweswi, loko va hari eku yi lulamiseni . . .

²⁰ Ndzi hlwerile kusungula mixo lowu; kumbe, ee, ee, hi hlwele kusungula hi khume ntlanu wa timinetse. Kutani swingaleswi, manuku, hi ta teka nkarhi wa hina sweswi, hikuva a hi lavi ku nghena hi ku jaha eka swona. Loko u nghena hi ku jaha, kutani u kumeka u ri karhi u mbindzimuxa swilo leswi u yaka eku swivuleni. Sweswi, a ndzi ri eku yingiseleni ka thepi, siku rin'wana, tani hilaha ndzi nga mi byela, kutani ndzi kumeke ndzi ti twela vusiwana hi yumina; kungari leswi a ndzi ri eku swivuleni, kambe hi nddlela leyi a ndzi swivurisa xiswona hi ku hatlisa, kutani kova ntsena ku hoxetela karitukulu. Ndzi titwa tani hiloko ndzi languterile. Swi . . .

²¹ Ndzi—ndzi swivonile siku rin'wana ntsena loko vaya aka zoo leyikulu, kwalahawani exikarhi ka Louisville. Kutani Nkul. Brown, ndza pfumela leswaku hi yena, kwalahaya, u nyikerile miliyoni wa tidolara eka zoo. Kunene, loko a ndzi ri na yona, hakanyingi a ndzi ta va nyika yona leswaku va chucha swiharhi swa vona. A ndzi—ndzi pfumeli eka ku pfalela xin'wana na xin'wana tani hi sweswo. Ntsena ndzi . . . Ndzi ya ezoo kuya vona swiharhi swa vona swo siwaneka swa kahle, tiberhe, na tinghala, na swin'wana, swi ya emahlweni nile ndzhaku, swi khotswiwe vutomi hinkwabyo, ma swi vona. Swi mi endla leswaku mi nga titwi kahle. Endzhaku ka hinkwaswo, swi siviwa hi vutlharhi bya munhu loyi a nga tlhariha kutlula swona. Wa vona? Kutani va swi siva va swi hoxa evuhlongeni.

²² Kutani ndzi ehleketa hi Javulosi loyi a swi endlaka sweswo. U teka vanhu vo saseka lava a va fanele va rhendzeleka ni tindhawu letikulu ta Xikwembu, ni masimu, ni—ni swin'wana swo kotisa sweswo, kutani a n'wi veka endlwini ya khotso ya dinominexini yin'wana, kumbe mikhuva yin'wana, kumbe swin'wana, kutani a n'wi bohela kwalahaya. Kutani i nchumu wo chavisa njhani.

²³ Kutani a ndzi ti tsakeli ti zoo. Kambe ndzi titwa ndzi ri na swin'wana tani hi xin'we xa swiharhi leswi, loko u tava u pfaleriwile kutani u ri karhi u ringeta ku tintshuxa, ma swi tiva, ku—ku huma u ya endla swin'wana.

²⁴ Sweswi, hi nga se tshunelela Rito, a hi tshuneleleni Mutsari wa Rito, tani hiloko hi korhamisa tinhloko ta hina sweswi hi khongela.

²⁵ Tatana wa hina la rhandzekaka wa le Matilweni, hi hlengeletanile emixweni lowu nakambe hi Vito ra Hosi Yesu, N'wana wa Wena la rhandzekaka. Xikwembu, hi

nyama, u tile emisaveni, kutava mhamba ya swidyoho swa hina, a tlhela a fa, yena la Lulameke; leswaku hi nga ha, hi kululama ka Yena, kuva a nga lulamanga swi nga ha endla la hetisekeke eka Yena. Hi ta hi ri karhi hi tivula leswaku a hi fanelanga, Hosi. Ku hava swa kahle ha hina. Kutani hinkwerhu ka hina hova eka yindlu leyikulu ya jele. Swi ngari na mhaka leswaku hi yima eka khona yihi, ha hari ejele hambi swi ri tano. Un'wana a nge swikoti ku pfuna un'wana. Kambe, Xikwembu, eka tintswalo ta Xona leti ngariki na makumu, xi xikerile ehansi xi ta pfula minyangwa ya khotso, leswaku hi ntshuxeka. A haha pfaleriwanga sweswi. A haha ri ezoo ya misava, kambe sweswi hi ntshuxekile. Hi le handle.

²⁶ Oho, hi N'wi rhandza njhani niku N'wi nkhinsamela! Hi laha hi nga fambaka ha kona emasin'wini lamakulu ya xitssembhiso xa Yena, ni kuva hi va vona vati kombisa emahlweni ka hina! Kutani hi mahlo lawa ya nga ya hina, hi vona Xikwembu lexikulu lexi xi tichuchuleke Makumu xona hi Xoxe emahlweni ka hina, kutani xi ti endla lexi hetisekeke hi Vuxona, tani hilaha Xi swi endleleke vaprefeta va khale. Hi ku tiva leswi, leswaku va wisa ni xitssembhiso, leswaku siku rin'wana hi ta kumeka hi vuyeriwa hi ku tlheriseriwela endzhaku, endzhaku kaloko vutomi lebyi byi herile, ni ku pfuka ka vafi, va pfukela eVuton'wini lebyi nga Heriki lebyi byi nga hundziki. Mimirhi ya hina a yi nge dyuhali. Nakona hi ngaka hi nga fi. Nakona a hi nge he pfuki hi vile ni ndlala. Kutani a hi nge he lavi nchumu. Kambe hi ta famba na Xona. Hi lava ku Xi twa loko xi ku, "Nghenani entsakweni wa Hosi, lowu mi nga lulamiseriwela wona kusukela loko misava yi tava yi tumbuluxiwire." Endzhaku vudyoho byi nga se nghena, hilaha vululamiselo Xi nga byi endlisa xiswona, tani hile ka Adam na Evha, leswaku a va nga ha khomiwa hi vuvabyi kumbe ku xaniseka. Kutani sweswi Xi hi lulamiserile, nakona Xi rhange hi ku switiva leswaku hile ku teni. Vudyoho byi endlile xipfalo lexikulu, kutani sweswi vudyoho byi susiwile, hi Ngati ya Yesu. Sweswi, hi va bohiwa va Tiko ra xitssembhiso, hi xitssembhiso xa Xikwembu, laha ku nga lexi nga Heriki.

²⁷ Hi katekisi sweswi, Tatana, tani hiloko ha ha dyondza Rito ra Wena. Hi lava ku switiva leswaku hi fanele hi va vanhu va muxaka wa njhani, leswaku hi ta kota kuva Kwalaho. Hi pfuni namuntla exikolweni lexi, leswaku hi nga hava ni Mudyondzisi wa kahle Lonkulu, Moya wo Kwetsima, loyi a nga ta xikela ehansi a ta ti paluxa Yena n'wini eka hina, hi Rito ra Yena. Ha swikombela hi Vito ra Yena ni hi ku kwetsima ka Yena. Amen.

²⁸ Sweswi, xosungula, ndzi milava hi ya pfula swin'we eka Petro wa Vumbirhi, ndzimana ya vu1. Ndzi lava ku hlaya

xiphemu xa Matsalwa lawa, Petro wa Vumbirhi, ndzimana ya vu1. Kutani sweswi eka n'wina mi nga na tipenisele na maphepha...

²⁹ Kutani ndza pfumela leswaku ndzi byeriwile mixo lowu leswaku—leswaku nkarhi wun'wana, loko ndzi hundzuluxela nhloko ya mina ekule yi suka lahaya, swi endla leswaku thepi yi ya ehansi. Hakunene a ndzi nga vuli ku endla tano. Nakona ndza pfumela, nkarhi wun'wana, loko hi nga kota ku pimanisa hi kuma makhrofoni ya—ya web, kutani hi yi ncikinyhisa eka selengi lahwani. A swi nga ta khatheleka leswaku u le kwihi, a wu tava u ri kahle. A yi tava yi ri ya kahle, ntsena hinkwako lahwani, ntsena makhrofoni leyi nga henhla ka selingi.

³⁰ Kutani sweswi, tani hilaha ndza ha vulavulaka; nakona loko mi nga swikota, endzhaku ka xikhongelo, kumbe mi lava leswaku, hi nga ha xirhaba xisuka xinkeletoni lexi lahwani. Nakambe ndza ha ri na xona xithayipiwile lahwani. Ndzi ta teka xipikirani ndzi xi vekela emahlweni lahwani, loko mi lava ku swi endla nkarhi wun'wana. Nghanani ka hari nkarhi endzhengheni lowu, leswaku hi ta kota ku swi twisisa.

³¹ Sweswi hi tshunelela *Swilemo Swa Nkombo*. Ntsena hi hetile hi *Tinguva Ta Nkombo Ta Kereke*. Kutani leri i Hungu leri ri dyondzisaka, leri ri bohelaka munhu andzeni, loyi a nga ta kutsuriwa hi Ngati ya Hosi Yesu, nakona switava eka nguva yaleyo ya Kereke, nguva yaleyo ya Kereke leyi nga Heriki ekuheteleleni ka Swilemo. Sweswi ha switiva leswaku hi ni Timhalamhala ta Nkombo, Makhombo ya Nkombo, Timbita, ni kuya emahlweni, sweswo hi ta nghena eka swona, tani hiloko hi ri karhi hi famba. Kambe ha ha yimerile ndhawu yin'wana leswaku vanhu va ta kota ku tshamiseka, sweswi.

³² Kutani ndzi ehleketa leswaku leswi swi ta boha endzeni laha a ndzi ku languterile. A ndzi nga swi ehleketa ngeku pfapfarhuta xinkeletoni lexi, kambe siku rin'wana a ndzi ri na vanghana va mina vo rhandzeka, Coxes, ahansi eKentucky. Ndzi ehlerile ehansi, ndzi ehleketa leswaku kumbexani ndzi ta tlhela ndzi kuma siku rin'we ro hlota vamaxinhani nguva yi nga se pfala. Kutani a ndzi ri ehenhla ekhwatini ni munghana wa mina, Charlie, la nga yima lahaya, na Rodney, makwerhu wa yena. A ndzi kalanga ndzi xi vona hambi kuri ku xivona maxinhani. A ndzi ehleketa leswaku ndzi swi chavisile, loko ndzi tava ndzi huwelerile kwalahaya ekhwatini. Lava hi lava va nga ta eka mina, vafana, na—na Sesi Nellie na Margie, kutani loko ndzi tava ndzi mi byerile hi Sonto leswaku ndzi yile eka swona. Sweswo hi leswi swi nga ta eka mina, eka hungu leri a ndzi ya eku vulavuleni ha rona. Ni hilaha vunyingi bya vona va nga tibohissa xiswona eka swona! Kutani, oho, ndza swirhandza sweswo. A hi ri na—na moyo wa ntiyiso—ntiyiso wo huwelela, kwalahaya khwatini.

³³ Swingaleswi sweswi, a hi hlayeni sweswi, Petro wo Sungula, kumbe...Petro wa Vumbirhi, kumbexani, ndzimana ya vu1, xiphemu xa Rona.

Simon Petro, nandza ni muapostola wa Yesu Kreste, eka lava averiweke ku pfumela loku ringanaka ni ka hina hi ku saseka eku lulameni ka Xikwembu xa hina ni ka Yesu Kreste Muhlayisi wa hina:

³⁴ Ndzi tsakela hi ndlela leyi yi nga velesiwa xiswona lahaya, hikuva dyondzo ya mina hinkwayo mixo lowu yi kongomisiwile eka ripfumelo. Wa vona? Mi nge ndzi tlhela ndzi yi hlaya nakambe. Yingiselani swinene.

Simon Petro, nandza ni muapostola wa Yesu Kreste, eka lava averiweke—averiweke ku pfumela...loku ringanaka ni ka hina hi ku saseka eku lulameni ka Xikwembu...xa hina ni ka Yesu Kreste Muhlayisi wa hina:

³⁵ Xiyisisani, U vula leswaku, leswaku, “Ndzi averiwile ripfumelo leri, nakona ndzi le ku va hlamuseleni ha rona leswaku ndzi averiwile hi ku ringana ni ka hina hi ku saseka ka ripfumelo.” Ndzi lava...A hi ra misava ya le handle. Leri i ra Kereke, wa vona, eka lava va nga ka Kreste.

Tintswalo niku rhula a swi mi talele eku tiveni ka Xikwembu, ni (ku ya) ka Yesu Kreste Hosi ya hina,

Hi matimba ya vukwembu bya yena u hi nyikile swilo hinkwaswo...hi matimba ya vukwembu bya yena sweswi u hi nyikile swilo hinkwaswo leswi nga swa vutomi...ni swa vukhongeri, hi ku tiva la hi vitanekе hi ku kwetsima ni matimba ya yena:

Ha swona hi nyikiwile...hi nyikiwile ku tshembha loku kulukumba loko saseka: leswaku ha kona (swi tshembhiso leswi) mi va niku averiwa ka vukwembu hi ku sukela ku bola loku nge misaveni hi ku navela,...

³⁶ Sweswi mi nge sweswo swi nghenelela swinweleta. A hi le ku chumayeleni mixo lowu; ntsena ho va eku dyondziseni ka dyondzo leyi. “Ntumbuluko wa vukwembu.” Mi nge ndzi tlhela ndzi ya hlaya vhese leyi ya vu4 nakambe, leswaku mi nga yi hupi. “Ha swona hi nyikiwile...”

Ha swona hi nyikiwile ku tshembhisa loku kulukumba loko saseka: leswaku ha swona (swi tshembhiso leswi) leswaku ha kona mi va niku averiwa ka vukwembu, hi ku sukela ku bola loku nge misaveni hi ku navela.

³⁷ Maswivona, “misava,” hi swi tsutsumile sweswo sweswi. U le ku hlamuseleni ka leswi eka Kereke. Sweswo hi swona swi endlaka leswaku hi va hi ri lahawani mixo lowu, leswaku hi ta kumisia leswaku hi yihi ndlela ya kona, xana hi swihi

swilaveko swa Xikwembu. Ku hava munhu lahwani, loyi a rhandzaka Xikwembu, kambe a lavaka—a lavaka ku languteka swinene kufana na Kreste. Sweswi swi humesiwile swi vekiwa lahwani. Mukreste un'wana na un'wana! Ndzi munhu wa khale. Langutani eka Buti na Sesi Kidd lahwani, hakanyingi hi vona vadyuharhi lavakulu laha emuakwini. Kambe loko ndzi nga va vutisa, "Leswaku hi kwihi ku tsakela ka timbilu ta n'wina xana?" Ku nga hava kuri, "Kuva ekusuhi na Xikwembu." Loko u dyondza ha Kreste, ku ni swin'wana ha Yena leswi swi rhandzekaka, ntsena n'wina ringetani ku lulama eka Yena.

³⁸ Ndzi khomeleni eka nhlamuselo leyi. Ndzi byerile nsati wa mina, lahwani ku ngari khale ngopfu, u...ha vumbirhi ha dyuhala, kutani niku eka yena, ndzi ku, "Xana wa ndzi rhandza tani hilaha a wu tollovele ha kona xana?"

U teri, "Hakunene-nene ndza ku rhandza."

³⁹ Hiloko ndzi ku, "Wa switiva, niku rhandza ngopfu kufikela laha ndzi tsakelaka ku kuteka ndzi ku koka ndzi ku nghenisa endzeni ka mina, leswaku ntsena hakunene hi va swin'we, hakunene, hi va un'we, nakambe."

⁴⁰ Sweswi, kutani, andzisa sweswo hi dzana ra timiliyon, kutani u ta swikuma hilaha mupfumeri, loyi a welaka erirhandzwini na Kreste, a lavaka ku nghenaka eka Yena, hikuva i rirhandzu. Kutani lahwani U ya eku hi kombeni hilaha sweswo, kuya hi switshebbiso leswi, hi nga hava va averiwa va ntumbuluko wa Vukwembu bya Kreste. Lowu, mirhi lowu wu bolaka, xana hi ngava va averiwa njhani.

⁴¹ Ndzi nga ha vula swin'wana lahwani. Xivangelo xa kuva ndzi pfumela...Sweswi un'wana a nga ndzi kumanga kahle, kwalahawani ku ngari khale ngopfu. Ndzi kumile papila leri ri humaka eka nhlangano wa vaministara, leri ri vulaka leswaku ndza pfumela leswaku ku ni..."Hi swilawu swa moy. Kutani hi boheka ku tshika vanghana va hina loko hi ngari swilawu swa ximoya eka vona, hi ya teka van'wana lava hi nga na swilawu swa moy na vona." Oho, mina!

⁴² Ndzi ku, "A ndzi tivoni nandzu hi maveriveri yo tani hi ya lawa." Minkarhi hinkwayo a ndzi lwisana na sweswo. A ndzi—ndzi pfumeli eka sweswo. Hakunene-nene a ndzi tano. Ndzi pfumela leswaku Xikwembu xi hi nyika xilawu. Walowo i ntiyiso. Kutani hi va na xiave eka un'wana. Hi swona sweswo. Kutani eka wanuna leswaku a teka, u fanele ku ehleketa hi swilo leswi ko tala, a swi hlaya.

⁴³ Jaha ri ndzi vutisile siku rin'wana, ri ku, "U ehleketa leswaku ndzi nga swikota, ndzi fanele ku teka, Makwerhu Branham, eka nhwana wa tani *hi leswi na leswi?*"

Ndzi ku, "U titwa njhani loko u n'wi ehleketa xana?"

A ku, “Oho, mina, ntsena ndza n’wi rhandza.”

Ndzi ku, “Kunene, loko kuri leswaku u ta hanya u ngari na yena, swa antswa u ti tekela yena sweswi. Kambe loko ku ri hi leswaku a wu nge swikoti ku hanya na yena, swa antswa u tshika. Swingaleswi, kambe loko kuri hi leswaku swi ta ku dlaya, swa antswa—swa antswa u ya emahlweni ni ku teka,” ndzi vula tano. Kutani hi leswi a ndzi ringeta ku n’wi tshunelela, eka leswi, sweswo, loko u n’wi rhandza ngopfu.

⁴⁴ Sweswi, kona kwala, loko u nga se teka, swin’wana na swin’wana swi kumeka swi ri kahle swi tlhela swi basa. Kambe endzhaku kaloko u tekile, kutani swithavi ni miringo ya vutomi swa nghena. Sweswo hiloko u ta kumeka u ri eka rirhandzu leri u ri twisisaka eka un’wana. Loko a ku nyumisa, na yena u nyumisiwile hi wena, mi tava ma ha twisisana ha vumbirhi bya n’wina.

⁴⁵ Yaleylo hi yona ndlela leyi yi nga xiswona na Kreste. Wa vona? Hi fanele hi va na rirhandzu na Yena, kufikela laha hi kombelaka swin’wana, ni loko A nga hi nyiki rona, sweswo a swi kali swi hi ninginisa na swintsongo. Wa vona? Wa vona? Hikokwalaho ka yini? Kutani ndlela yin’we ntsena leyi u nga swi endlaka sweswo, i kuva niku averiwa ka Vukwembu bya Yena, kutani u ta kota ku twisia xivangelo xa kuva A nga ku nyiki. “Ku averiwa ka ntumbuluko wa Vukwembu bya Yena.”

⁴⁶ Kutani langutani lahawani, “Hi ku sukela ku bola loku nge misaveni hi ku navela.” Swisukeleni! Maswivona leswaku swile ka va mani xana? Swi le ka Kereke, vona valava va nga eka Kreste, va tshame ehenhleni ka swilo leswi. Ku ngari leswaku u tshamile yena hi yexe, kambe Kreste u n’wi tlakusile.

⁴⁷ Eka n’wina vamakwerhu va mina na n’wina vasesi vamakhaladi n’wina mi nga kona emixweni lowu, a ndzi vuli leswi hi xikongomelo xo vavisa. Kambe, a ndzi ri ehlengeletanwini nkarhi wun’wana lowu nga hundza, a ndzi tsundzuki loko ndzi kale ndzi swivila etabernakeleni. Ndzi swi virule eka tindhawu to tala. Ku vile ni sesi wa mukhaladi loyi a nge teri, “Xana ndzi nga nyika vumbhoni xana, kumbe ku mbhoniyela?”

“Hakunene-nene, sesi, u nga ya emahlweni.”

⁴⁸ A ku, “Ndzi lava ku endla vumbhoni lebyi leswaku byi va kukwetsima ka Xikwembu.” A ku, “Maswitiva, a ndzi—ndzi hi leswi a ndzi fanele ku va xiswona,” hiloko a ku, “A ndzi—ndzi lavi kuva tani hilaha a ndzi fanele kuva xiswona, kambe,” a ku, “nchumu wun’we lowu nga wa ntiyiso, a ndzi hilaha a ndzi tololeve kuva hakona.” Wa vona? U te a huma kun’wana. A tisiwile.

⁴⁹ Sweswo hi leswi hi switivaka leswaku hi hundzile eka rifu hi ta eVuton’wini. Hi languta endzhaku epitsini leri hi nga

handiwa kona. Wa vona? A hi leswi a hi lava kuva xiswona; a hi swona hambi leswi a hi fanele hi va xiswona; kambe nchumu wun'we ha khensa ha swona, a hi leswi hi tolloveleke ku va xiswona. Sweswo hi swona. Hi le ndleleni.

⁵⁰ “Hi ku sukela ku bola loku ku nga emisaveni.” Kuva hi sukele sweswo, ku navela niku bola ka misava, mi le henhla eka sweswo. Sweswi sweswo—sweswi sweswo i muxaka wa munhu loyi A vulavulaka na yena, munhu loyi a nga balekela swilo leswi, wa vona, ku bola ka misava.

Hikwalaho na n'wina, mi va niku chivirika hinkwako, mi engetela eku pfumeleni ka n'wina evunene; ne vuneneni eku tiva;

Ne ku tiveni eku tikhoma; . . . ne ku tikhomeni eku yingisela; . . . ne ku yingiseleni evukhongeri;

Ne vukhongerini eku rhandza vamakwerhu; ne ku rhandzeni ka vamakwerhu eku rhandza hinkwavo.

⁵¹ Sweswi U hi nyikile masungulo lahawani leswaku hi nga swi endlisa ku yini, kutani hilaha hi nga ta swi endlisa xiswona. Sweswi, tani hilaha ndzi vuleke, hinkwerhu ka hina hi ringeta ku tshunelela Xikwembu. Hi swona swi endleke leswaku ni hlawula Hungu leri mixo lowu, eka kereke, hi ku tiva leswaku vanhu va famba. Madyambu ya tolo, ndzi teri, “I vangani lava va nga lahawani, va humaka ehandle ka doroba?” Kwalomu ka makume nkaye-nhungu wa tiphesente ta vanhu, ta lava va humaka ehandle ka doroba. “I vangani lava va nga lahawani va humaka eka mpfhuka wa dzana ra timayili xana?” Hikokwalaho ka yini, tiya emahlweni, ndza pfumela, makume nhungu wa tiphesente. “I vangani lava nga lahawani lava va humaka eka mpfhuka wo tlula dzana ra timayili xana?” Kutani kusushi na—na xa nharhu xa vanhu lava nga lahawani lava va humaka eka mpfhuka wo tlula dzana, ntlhanu wa madzana ya timayili hi mpfhuka. Ehleketa ni ha swona, hi vanhu lava va fambaka. Kunene, vanhu lava a va tanga ekerekeni va tela ntseña leswaku va ta voniwa. A ku na . . . tani hilaha misava ya le handle yi nga ha vonaka timbhuri laha endzhawini. I vanhu lava va fanaka hinkwavo, va vusiwana, lava va ambeleke hi oda. Ku hava va tidzuniso lavakulu lava humaka eka lava va ti endlaka khwayere ya Tintsumi, tiogene ta tiphayiphi, ni mafestere yan'wana ya tighilazi ta xinaka. Mi ni minkarhi yo tika ya kuva mikuma ko tshama ebenceni kutani mi kumeka mi yima hi khumbhi. A va telanga swona swo fana na sweswo. Kambe va tile hikokwalaho ka le ndzeni ka vona ku nga na swin'wana leswi swi vonaka ku saseka loku mahlo ya ntumbuluko ya nga swi voniki. I mahlo ya ximoya lawa ya khomaka kusaseka ka Kreste. Sweswo hi leswi va telaka swona.

⁵² Swingaleswi, masiku yo hlaya hi nga se va na nhlengaletano, ndzi khongerile hi ku landzelelana. Ndzi ya

enhoveni, ni hoxa exikhwameni xa mina... Ndzi byela nsati, "Leswaku ndzi ya ehandle ku ya hlota va maxinjani mixo lowu." Kutani ndzi hoxa penisele na phepha ra swibokisana exikhwameni xa mina. Loko se rixa ri kumeka ri vonakala nyana, a ndzi tshamile ehansi ndzi tiseketela hi nsinya kun'wana, ndzi yimisela mavoko ehenhla, kutani ndzi ku, "Hosi, xana ndzi nga endla yini namunlhha? Xana U nga ndzi nyika yini swa vana va Wena?"

⁵³ Kutani loko ndzi bukuta xin'wana lexi xi tikombaka xi lava ku pfurha, ku ta swin'wana swo kotisa leswi. Loko Vukona bya Yena byi tshunelela, ndzi sungurile kutwa swin'wana tani hi ndlela leyi yi nga empfhukeni, swin'wana hi maendlelo lawa. "Mbirhi hi andzisa hi mbirhi i mune." Swi tshunelela, "Mbirhi hi andzisa hi mbirhi i mune. Mbirhi hi andzisa hi mbirhi i mune. Mbirhi hi andzisa hi mbirhi i mune." [Makwerhu Branham a swi vuyelela hi ku hatlisa—Muhleri.] Kuya emahlweni, nile mahlweni, nile mahlweni, tani hi sweswo. I Vukona bya Yena byi nghenaka.

⁵⁴ Tiyimisi wena n'winyi, kutani endzhaku ka xinkadyana nyana loko ku tshoveleleka ka wena ku fambile. Lahaya ku ta xivono, "Famba endhawini yo endlisa *leswi na leswi*, nile ka nchumu wo endlisa *leswi na leswi*." Wa vona? Suka, eka ku kunguhata miehleketo ya wena eka Xikwembu, leyi yi humaka emisaveni, ekule ni misava, ehandle emananga, eka wena n'winyi.

⁵⁵ Kutani Xi sungula ku ta, "Xin'we, xin'we..." Ndzi ku, nambara yin'wana, kumbe swin'wana, ntsena swin'wana leswi swi sungulaka hi mpimo, swi nghena hi ku titivata. Hiloko swi ta hi ku hatlisa, niku hatlisa. U tshama kwalahaya u yimisela mavoko ya wena ehenhla, u nga vuli nchumu, ntsena yimisela mavoko emoyeni. Xosungula mi xitivaka, vuwena bya wena hinkwabyo byi susiwile. Kutani u vona swilo leswi Yena a swi lavaka leswaku u swivona, a mi kombisa swilo leswi swi nga tata.

⁵⁶ Nkarhi wun'wana swi fika endhawini, kufikela laha ndzhawu yin'wana, kutani yi yimaka. Yi ngayi eka xivono. Kutani Matsalwa ya cheriwa kun'we. [Makwerhu Branham a thokoza tintiho ta yena ka nharhu—Muhleri.] Ndzi khoma penisele ya mina, leswaku ndzi nga swi rivali, kutani ni swi tsala ehansi, ni swi tsala ehansi.

⁵⁷ Kutani ndzi vuyile ekaya ndzi ta swi langutisa, niku swi hlaya. Kutani nkarhi wun'wana swi kumeka swi nga twali eka mina loko ndzi tshamela ro swi vuyelela. Kutani swingaleswi, endzhaku nyana, hi leswi lahawani! Ku bukuta kwaloko, swi tlhela swi famba nakambe. Kutani ndzi kuma xibukwanyana xo kotisa *lexi*, ntsena ndzi sungula ku swi tsala ehansi, hi ku tika tani hilaha ndzi nga swikotisa xiswona, leswi a Xi

ndzi byela swona. Ndzi ehleketa, "Hosi, ndzi rhelela ehansi etabernakeleni ni ya va byela. Ndzi... 'Ndzi rhelela.' A ndzi va khomele swin'wana." Kunene, sweswo hi leswi swi nga tisa xiswona. Hi swona sweswo hakunene. Ku kondza, xo sungula, Xi ndzi nyika xona, ndzi ngaka ndzi nga xi humesi.

⁵⁸ Swingaleswi, kutani, ehenhleni ka ku chukuchela loka laha mi nga ndzi vona ndzi ku langutile. Nakona leswi, xosungula, ndzi nga sungula. A ndzi kalanga ndzi xikuma xiphemu lahawani kukondza kwalomu ka siku kumbe mambirhi, ni ri enhoveni.

⁵⁹ Sweswi, vanhu lava va—va... Petro wa vulavula, lahawani, hilaha hi nga averiwaka ntumbuluko wa Vukwembu bya Yena. Sweswi, un'wana na un'wana wa hina u le ku ringetenka ku kula hi xifaniso xa Xikwembu.

⁶⁰ Sweswi, endzhaku kaloko hi tava hi hetile hi Swilemo swa Nkombo, kutani, hi nkarhi walowo wa ku yimba ka Xilemo xa Vunkombo, kumbe ku chuchiwa... Hikuva, ha switiva leswaku xilemo i yini, i ku chucha ministri, ku chucha Swilemo swa Nkombo. Kutani hi ta swivona sweswo eka chati. I ku chucha Hungu, swin'wana leswi swi nga lemieriwa.

⁶¹ Madyambu ya Sonto lowu nga hundza, ndzi chumayerile hi, "Xikhiya." Nakona xikhiya i ripfumelo. Ripfumelo ri khoma xikhiya, nakona xikhiya i Matsalwa. Kutani Kreste i Rivanti. Wa vona? Swingaleswi ripfumelo ri teka swikinero swintsongo swa Matsalwa swi khiyinula kukwetsima ni vukahle bya Xikwembu, eka vanhu va Xona. Wa vona? Swingaleswi, swi, ripfumelo ri khoma xikhiya lexi xi khiyunulelaka Kreste evanhwini; ra khiyinula, ri swi paluxa.

⁶² Swingaleswi, namunthla, hi ya eku ringetenka ku teka xikhiya xexo xifanaka, kuya khiyinula ndlela yi va vunene bya Mukreste eka xifaniso xa Xikwembu, leswaku, a va Tabernakele leyi yi hanyaka ya Xikwembu lexi xi hanyaka ku tshama eka yona.

⁶³ Tsundzukani, Xikwembu xi paluxa Vuxona hi tindlela tinharhu. Nkarhi wo sungula, Xi tipaluxile xona N'winyi hi Langavi ra Ndzilo, leswi swi nga vitaniwa Vutatana. Kutani Xikwembu xona xexo, xi tivonakarisile eka Yesu Kreste, laha Xi nga aka mirhi, xi aka mirhi lowu. Xa vunharhu, hi ku fa ka mirhi walowo, Xi kwetsimisile Kereke leyi Xi nga ta kota ku tshama eka yona. I Xikwembu lexi a xi ri ehenhla ka hina; Xikwembu lexi nga na hina; Xikwembu lexi xi nga eka hina; xa hari Xikwembu xin'we.

⁶⁴ Hi xona xivangelo xa kuva xi vitaniwa Tatana, N'wana, Moya wo Kwetsima. Ku ngari Swikwembu swinharhu; tihofisi tinharhu ta Xikwembu xin'we. Vavile ni miehleketo ya leyo ntsena eNicene Council, a hi tava hi nga kanganyisekanga hinkwerhu ka hina, a hi tava hi ri tano xana? Hi swona sweswo.

Ku ngari swikwembu swinharhu. Vanhu a va nga switwisisi loko Yesu a tava a vulavurile hi Tatana, nakona Yena na Tatana va Un'we. Kunene, kwalahaya nchumu hinkwawo hi walowo. Hakunene, ntsena ku swi petsunula. Hakunene-nene. Wa vona? A hi Swikwembu swinharhu. Tihofisi tinharhu! Vanharhu va- . . .

⁶⁵ I yini xana? Xikwembu xi pfumelela ntumbuluko wa Xona. Xikwembu xi lava ku gandzeriwa. Rito *Xikwembu* swivula “xibye xo gandzela eka xona.” Nakona i Xikwembu xi ringetaka ku veka vanhu va Xona eka xiyimo xa kahle, leswaku xi nga ha kuma eka vona leswi Xi va tumbuluxeleke swona. A Xi kalanga xi mi endla leswaku mi va swin’wana ehandleni ka kuva n’wana wa xinuna ni waxisati wa Xikwembu. Loko mi swi hupile sweswo, swa kuva n’wana wa xinuna ni waxisati wa Xikwembu, mi hupile maraka.

⁶⁶ Kutani “ku hupa,” rito *v-u-d-y-o-h-o* swi vula “ku hupa maraka,” ku hupa maraka. Kutani, loko ndzi ri eku copeni ka xin’wana, ku copa xipikirani kuringana mpfhuka wa makume ntlhanu wa majarata, kutani ni duvula; ni teka xibamu xa mina ehansi ni duvula, kutani ni xi hupa, hi mune kumbe ntlhanu wa ti inci, xana ku humeleta yini? Xibamu xa mina xi lava ni xi komba ehenhla nyana. Kutani ku ni swin’wana swi nga hoxeka. Kutani loko ndzi hupa ripfumelo eka Xikwembu, loko ndzi hupa kuva Mukreste . . . Xikwembu xi ku vekile lahwani leswaku u va Mukreste. Loko u sukile eka tlhelo rin’wana, vuyela endzhaku u hundzulukela ehenhla. Nakona kova na nchumu wun’we ntsena lowu wu nga ta ku yisa ehenhla, walawo i Matsalwa. Moya wo Kwetsima eMatsalweni, ma ku hundzuluxa, ma ku vuyisela eka lexi xi copiwaka nakambe. Sweswo hi swona.

⁶⁷ Sweswi hi ya eku dyondzeni ka Rito ra Yena. Stefano u teri, eka Mintirho 7. Nale ka . . . Ntsena a hi swi hlayeni sweswo, hi vulavula ha swona, sweswi, hi vulavula hi Tabernakele ya Xikwembu. Sweswi, Stefano u teri. Kuva . . . Ku tava na Tabernakele leyi yi hanyaka ya Xikwembu lexi xi hanyaka. Stefano u vule tano, eka Mintirho ndzimana ya vu7. Kutani ndza pfumela hi . . . Eka Mintirho 7, hi sungula hi vhese ya vu44.

Vatata wa hina a va ri ni tabernakele ya vumbhoni emananga, hilaha loyi a nga vulavula na Muxe, ngi a n’wi lerisile ku yi endla, hi xifaniso lexi a xi voneke.

Kute loko vatata wa hina va yi nyikiwile, va ya nghena na yona . . . ya Matiko, lawa Xikwembu xi ma hlongoriseke emahlwени ka vona vari na Yesu kutani yi tshama kona, kufikela minkarhini ya Davida;

Yena Davida a kuma tintswalo emahlweni ka Xikwembu, kutani a kombela leswaku a lavela Xikwembu xa Yakob etabernakele.

Kambe hi yena Solomon la nga xi akela eyindlu.

Ntsena La nge henhla henhla a ngaka a nga aki titempeleni leti endliveke hi mavoko ya vanhu, hilaha muprofeta a vuleke loko a te,

Tilo i xiluvelo xanga, yona misava i vunavelo bya milenge ya mina: yindlu leyi mi nga ndzi akelaka yona yi ngava leyo yini? Ku vula Hosi: ni xivandla lexi ndzinga wisaka ka xona xi nga va xihi?

⁶⁸ Sweswi eka...Sweswi, “tabernakele,” i, hakunene, ndzhawu leyi hi yaka hi ya wisa eka yona, sweswi, hi kuma swo tenga nyana, ni kuya emahlweni, tani hi ku wisa eku etleleni, kumbe kuya emahlweni. Sweswi, va-Heveru 10, nakona vhese ya vu5, Paul wa swi nghanisa.

Hikwalaho siku a nga ta misaveni, u te, a nga rhandzaka Magandzelo... (Yaloye i Kreste)... Magandzelo hambi yi ri mihlengo, kambe u ndzi lunghisele mirhi:

⁶⁹ Xana Tabernakele sweswi i yini? Mirhi, Xikwembu xi tshama etabernakeleni ya Mirhi.

⁷⁰ Xikwembu xikan’wekan’we, ehenhla, loko Xi enhlela ehansi entshaveni, hambi loko-loko nkuzi kumbe ntswele yi nga khumbha ntshava, a yi fanele ku dlawa. Xikwembu xa kwetsima.

⁷¹ Madyambu lawa ya nga hundza, loko Tintsumi leti ti tava ti tifunengetile swikandza swa Tona. Tiserafim leto kwetsima ni swikandza swo kwetsima, a ti swi tivi hambi kuri ku switiva leswaku kudyoha swivula yini, kutani tifanele ku Ti funengeta swikandza swa Tona, eka Vukona bya Xikwembu; ti tifunengeta minkondzo ya Tona, hi vumunhu.

⁷² Sweswi, Xikwembu lexi kwetsimaka xi ngaka xi nga rivaleli vudyoho, swingaleswi a kuri hava lexi a xi khumbha ntshava leyi Xikwembu a xi ri eka yona.

⁷³ Kutani Xikwembu xi akile nyama xi tlhela xi tshama exikarhini ka hina, hi xivumbeko xa Yesu Kreste, N’wana wa Xona, ntumbuluko lowu wu nga wa Xona. Kutani N’wana yaloye u nyiketile vutomi bya Yena, nakona nsiha wa Ngati ya Xikwembu wu handzukile, leswaku Vutomi byi nga ha humela ehandle hi Ngati, eka hina.

⁷⁴ Ha Ngati yaleyo hi basisiwile. Kutani sweswi ngati ya hina, vutomi bya hina, lebyi byi taka hi ku navela ka timhaka ta masangu, swi tisile vutomi bya hina emisaveni. Ngati ya Yesu Kreste yi hi basisa, yi ncinka ntumbuluko wa hina, hiku hi rhumela Moya wo Kwetsima ehenhleni ka hina; kutani hi va eka ntumbuluko wa Vukwembu bya Xikwembu, kutani hi va ndhawu leyi Xikwembu xi tshamaka eka yona. Yesu u teri, “Hi

siku lero mi ta switiva leswaku Ndzi le ka Tatana, na Tatana u le ka Mina; na Mina ndzi le ka n'wina, na n'wina mi va eka Mina.” Wa vona?

⁷⁵ Kutiva tani hilaha Xikwembu xi nga eka Kereke ya Xona. Kereke sweswi yi fanele ku teka ndhawu ya Kreste, yi yisa emahlweni ministri wa Yena. “Loyi a pfumelaka eka Mina, mintirho leyi Ndzi yi endlaka u ta yi endla na yena. Ku ngari kungani, misava yi ngaka yi nga ha Ndzi voni; kambe n'wina mi ta Ndzi vona, hikuva Ndzi tava na n'wina, hambi ku tshama na n'wina, misava yi kondza yi hela.” Wa vona? Hi sweswo, ku yisa emahlweni mintirho ya Yena.

⁷⁶ Sweswi, Xikwembu, kumbe Bibele yi teri lahwani, leswaku. Stefano u vulavule hi Solomon loko a aka tempele, “Kutani La nga Henhla henhla a nga tshami eka titempele leti nga endliwa hi mavoko. ‘Hikuva Tilo i Xiluvelo xa Mina, kutani misava i vunavelo bya minkondzo ya Mina. Kutani hi xihi xivandla xa Mina xo wisa?’ ‘Kambe Mirhi wa Wena wu lunghiseriwele Mina.’” Amen. Kwalaho mi nga kona.

⁷⁷ “Mirhi lowu U nga Ndzi lunghisela.” Xikwembu xi tshama eka xifaniso xa munhu, xi tikombisa xona hi Xoxe eka Xivumbiwa xexo. Ku gandzela loku ku hetisekeke! Xikwembu lexi nga eka hina, kuva kuri Tabernakele leyi nga ya Xona, Xikwembu xi tikombisa. Oho, hi nga tshama njhani eka sweswo kufikela laha nkarhi wun’wana mi nga havaka na ku taleriwa lahwani, laha ku humaka emun’wini. Xiyisisani, leswaku, Xikwembu minkarhi yo tala, minkarhi hinkwayo, xa tikombisa xona hi Xoxe emunhwini.

⁷⁸ Xexo a xi ri Xikwembu lexi nga ka Muxe. Langutani eka yena, u tswariwile a ri murhangeri; Kreste. Hinkarhi lowu a nga tswariwa hi wona a kuri niku xanisiwa ka vana, hi ku ringeta ku n’wi kuma; swa fana ni leswi swi nga humelela Kreste. Nakona u—u ntshuxiwile hi nkarhi walowo; swive tano nile ka Kreste. A ri munyiki wa nawu; swive tano nile ka Kreste. Muxe u yile ehenhla, makume mune wa masiku, kutani a kuma milawu, kutani a xikela ehansi. Kreste u yile emananga, mune wa makume wa masiku, a tlhela a vuya, a ku, “U twile hi ta vona lava khale, ‘U nga tshuki u oswa.’ Kambe, Ndzi ri eka n’wina, loyi a langutaka wansati, hi ku n’wi navela, u n’wi oswile.” Wa vona? Hinkwaswo swilo leswi swo hambana, hi leswi, Xikwembu xi swikombisaka xona hi Xoxe.

⁷⁹ Langutani eka Yosefa, u tswariwile a ri jaha ra ximoya exikarhini ka—ka ntlawa wa vamakwavo. Hinkwavo a va ri vavanuna va kahle, hinkwavo ka vona va patriaka. Kambe, loko Yosefa a ta, a hambanile. A kota ku vona xivono, a nyika ni nhlamuselo ya norho, kutani u vengiwile hi vamakwavo hikokwalaho ka sweswo. Hikokwalaho ka ntirho wa lowu

Xikwembu xi nga wu veka eka yena emisaveni leswaku a wu endla, vamakwavo va yena va n'wi vengele sweswo. Wa vona? Kutani hinkwaswo a swi kombetele exihambanwini. Nakona, langutani, u xavisiwile hi kwalomu ka swiphemu swa makume nharhu swa silivere, hi vamakwavo va yena. Va n'wi hoxa ekheleni, leswaku a fa, hi vamakwavo va yena. Va n'wi humesile ekheleni lero, a ya a ya tshama evokweni ra xinene ra Faro. Nakona a kuri hava munhu loyi a nga yaka eka Faro, loyi a lawula misava hinkarhi walowo, a kuri hava na un'we loyi a taya eka Faro, ntsena ha Yosefa. Kuhava munhu loyi a nga yaka eka Xikwembu, ntsena ha Kreste. Kava loko Yosefa a ta sukela xigotlo, a nge se famba, ku vile na mhalamhala leyi nga chayiwa, kutani vatsutsumi va tsutsumele eka yena, va fika va huwelela, "Va khinsama hi matsolo! Yosefa u le kuteni!" A swi nga ri na mhaka leswaku u le kwikihi, kumbe a wu endla yini, ntirho lowu a wu wu endla wu na nkoka kufikela kwikihi; a wu fanele ku ba matsolo ehansi ku kondza Yosefa a fika lahaya.

⁸⁰ Kutani loko Mhalamhala yi rila, rin'wana ra masiku lawa, tsolo rin'wana ni rin'wana ri ta khizama na ririmini rin'wana na rin'wana ri ta vula vumbboni. Loko Kreste, Yosefa wa hina, a ta siya ku Kwetsima a vuya, ntirho wa n'wina wu tava wu nga hari na nkoka kwalaho. Tsolo rin'wana na rin'wana ri ta khizama, ni ku vula leswaku Yena i N'wana wa Xikwembu. Hi swona sweswo.

⁸¹ Oho, hi N'wi vona njhani eka Davida! Hilaha Davida, hosi leyti ariweke, ku nga cukumetiwa xidlodlo lexi xi nga xa yena, hi vamakwavo va yena, n'wana loyi a nga wa yena, a tshama ehenhleni ka Ntshava ya Mutlhwari, tani hiloko a gonyela ehenhla, ehenhla ka Ntshava ya Mutlhwari, u langutile endzhaku eYerusalem kutani a rila; hikuva kwalahaya ku ni vanhu va ka vona, lava a nga va tirhela ni kuva dyondzisa hi ta Xikwembu, kutani vanhu lava va nga va ka vona va n'wi hundzukela vatlhela va n'wi hoxetela hi swilo, va n'wi tshwutela va tlhela va n'wi hleka, loko a ta sungula ku gonya xiganga nakona a ariwile. Oho, ni hilaha a hetisekeke ha kona N'wana wa Xikwembu, endzhaku ka nhungu wa madzana wa malembe; Hosi leyti ariweke, exikarhini ka vanhu Lava va nga va Yena, a tshama ehenhla ka ntshava a rilela Yerusalem, tani hi Hosi leyti ariweke.

⁸² A kuri yini xana? Xikwembu xi tikombisaka xona hi Xoxe eka vaprofeta lava, va kombisaka Kreste.

⁸³ Kutani lahaya ku ta Un'we loyi a ri na ku hetiseka ka Xikwembu. A ri Xikwembu exikarhini ka hina.

⁸⁴ Kutani kusukela nkarhi walowo, Wa tikombisa yena hi Yexe eka Kereke ya Yena, eka tlhelo leri ra le Xihambanwini. Swingaleswi, ma swi vona, hi le ku ringetenka ku kumeka eka ndhawu leyti yo tshama, Tabernakele ya Xikwembu lexi hanyaka. Sweswi ku ni vanhu van'wana . . .

⁸⁵ Ha swi xiyisisa lahwani, U teri, “Xosungula hi va na ripfumelo, vunene, vutivi, ku tikhoma, ku tiyisela, vukahle kumbe vukhongeri, ni rirhandzu ra vumakwerhu.” Swikahle. Tintswalo ta vumakwerhu, kutani mi engetela rirhandzu. Mi nge ndzi hlaya leswi, hinkwaswo, nakambe, leswaku mi tava ni ntiiyiso wa ku swi kuma sweswi. Mi nge hi ya sungula eka vhese ya vu5.

Hikwalaho, *na n'wina mi va niku chivirika hinkwako, mi engetela eku pfumeleni ka n'wina evunene; ne vuneneni eku tiva;*

Ne ku tiveni eku tikhoma; ne ku tikhomeni eku yingisela; ne ku yingiseleni evukhongeri;

Ne vukhongerini eku rhandza vamakwerhu; ne ku rhandzeni ka vamakwerhu eku rhandza hinkwavo, laha ku nga rirhandzu.

...hikuva swoleswi loko swi ri ka n'wina, swi tele, swi ngaka swi nga mi tshiki miri lava lovaka ni lava nga vekiki mihadzsu eku tiveni ka Yesu Kreste Hosi ya hina.

⁸⁶ Kutani lahwani Petro u hi humesela swin'wana, hilaha hi nga fikelelaka hakona lahaya.

⁸⁷ Sweswi ndzi lava ku vula leswi, leswaku, ku ni vanhu van'wana lava nga ni xindhawani xa vunene lebyi, vutivi, vutlharhi, ku tiyisela, nikuya emahlweni, sweswo a swi kali swivula leswaku i Mukreste. Sweswi ntsena hi...hi le ku dyondziseni ka xikolo xa Sonto. Kutani walowo i ntiiyiso. Kumi vanhu van'wana lava va nga ni xiave xa leswi, valava a va kali va tiendlisa kuva va Kreste. Kambe sweswo a swi vuli nchumu... Sweswo a swi nge endleki. Swi tani hi xinyenyana xa ntima xi ringetaka ku ti tlhoma tisiva ta phigogo etipikwini ta xona, leswaku a ti endla phigogo. Ntsena u tikhomissa tingana yena hi yexe. Swa antswa u tshama u ri xinyenyana xa ntima. Wa vona? Loko a ringeta kuva na maendlelo ya swilo leswi a ngari Mukreste, ntsena u va a humile endhawini.

⁸⁸ Swi fana na nkuwa lowu wu ringetaka ku tswala maapula. Wu ngaka wu nga swikoti, wa vona, hambi loko wuri nsinya. Kambe wu ngaka wu nga swikoti ku tswala maapula.

⁸⁹ Swifana na meyila leyi yi ringetaka ku humesa wulu, yi ringetaka kuva nyimpfu loko ya—ya hari meyila. Maswivona, a nge swikoti ku humesa wulu. A nge swikoti. Wulu i nyiko eka nyimpfu, ku ngari eka meyila. A nga ha ringeta kuva na maendlelo yo kotisa nyimpfu, kambe hambi swi ri tano wa hari meyila. Wa vona? Swingaleswi, u ri, “Kunene, ndzi nga ha dya kukotisa nyimpfu. Ndzi nga ha endla *leswi* ku kotisa nyimpfu.” Nakona a swi na mhaka leswaku u nga endla yini, u fanele kuva nyimpfu leswaku u tava na wulu.

⁹⁰ Kutani mi nge ni yima nyana lahwani xinkadyana. Nyimpfu a yi endli wulu. Yo va na wulu hikokwalaho ka kuva yiri nyimpfu. Vanhu votala va ringeta ku vula leswaku, “Kunene, ndzi ta ringeta ku endla swa kahle. Ndzi ta ringeta ku endla *leswi*.” U nga kali u aka nchumu. Ee, a wu nge swikoti. Nyimpfu a yi endli tano, a yi komberiwanga, a yi languteriwanga ku aka wulu. Yo yi tswala wulu, nakona yi endla tano hikokwalaho ka kuva yiri nyimpfu.

⁹¹ Kutani loko u ri Mukreste, ntsena u tswala mihadzu ya Moya. A wu—a wu yi endli. A wu ringeti hambi kuri ku yi endla. U ringeta . . . U nga ti endli *swin'wana leswi* u nga riki swona. Ntsena u va leswi u faneleke kuva xiswona, kutani swi tihlayisa swona hi swoxe. Mikale mi va twa vanhu loko va ku, “Kunene, ndza mi byela. Ndzi . . . Ndzi joyine kereke. Hakunene ndzi—ndzi fanele ku tshika ku *hemba*? U le ku ringetenka ka ku vumba *swin'wana* nakambe, sweswi. A wu nge swikoti ku swi endla, swingaleswi ku hava xivangelo xo ringeta ku swi endla, kuhava xo tlula—xo tlula me—me meyila xi nga ti endlelaka wulu xona hi xoxe. A ngaka a nga swikoti ku swi endla.

⁹² Kumbe, vukuvuku leri ri ringetaka ku dya na tuva, vukuvuku ri ringeta—vukuvuku ri ringeta ku va tuva. Mi nga ha swi vona loko xikunguva lexi humaka lahay, xi ku, “Ma swi tiva, hi mina tuva,” kutani a ti tlhoma tisiva nyana eka yena, a ku, “Wa vona, ndzi languteka tani . . .” Wa vona? Ntsena u tava a humile eka xivumbeko. Yaloye i—i munhu loyi a tivilaka leswaku hi yena *swin'wana* leswi a nga riki swona. Wa vona, a wu nge swikoti.

⁹³ A wu nge vuli i ku, “Sweswi langutani, ndzi fanele ndzi va ni vunene, swingaleswi ndzi tava na vunene. Ndzi fanele kuhanya vukwembu, swingaleswi ni tava na *byona*.” Hikokwalaho ka yini, wo va eku ringetenka ku titlhoma tisiva ntsena. Hambi leswi ti nga ku fikelela, kambe u ngaka u nga vekeli tisiva eka xinyenyana lexi hoxekeke. Wa vona? Ntsena swi ngaka swi nga tirhi. Nakona swikombisa leswaku i vutikukumuxi muni lebyi byi nga eka xinyenyana xexo. Wa vona? Mi nga ha swivona xikunguva xa khale xi ringetaka kuva na tisiva to tala ta tuva, xi ku, “Langutani lahwani, wa vona, ndzi tuva”? Wa vona? Hikokwalaho ka yini, hinkwerhu ha switiva leswaku hi yena xikunguva. Wa vona? Wa vona? Hi swona hinkwaswo sweswo. Hi nga ha vula leswaku hi yena xikunguva.

⁹⁴ Kunene, yaleyo hi yona ndlela leyi swi nga xiswona, kuringeta ku—ku vumba Vukreste. A wu nge swikoti ku swi endla. Xosungula lexi u nga xi endlaka, i ku tswariwa ra vumbirhi. U fanele ku ncinka. Wa vona? Kutani loko u tava u ncincile, u va xivumbiwa lexintshwa. Kutani u va kahle, sweswi. Wa vona? Sweswi a wu kali u vilela hi tisiva, ti ta tihlayisa tona hi toxé, loko—loko u tswariwile ra vumbirhi. Ina, nkulukumba.

⁹⁵ Tani hilaha ndzi tolreveleke ku vula leswaku. Loko u—u teka honci, u yi hlambisa u yi ambexa suti ya mutluti, kumbe baji ra suti ra swakudya swa ni nhlikanhi, kumbexani, eka yena, kutani u n'wi humesa lahaya; u taya egojini ra ridaka a ya vumbuluka. Hikuva, ma swi vona, a yi nge pfuki yi endle swa kahle. Hi yena honci. Walowo i ntumbuluko wa yena. Ku vumbuluka i ntumbuluko wa yena, nakona (yena) leswi n'wana hinkwaswo ka swona u ta tihlayisa yena n'winyi.

⁹⁶ Sweswi xiyisisani. Mi boheka ku tswariwa ra vumbirhi, sweswo hi swona, mi ncinka. Ku fanele kuva niku ncinka.

⁹⁷ Mi ri, “Kunene, Makwerhu Branham, ndzi tiva wansati un’wana loyi a nga lahwani, hikokwalaho ka yini, a nga kalanga a endla nchumu lowu wu nga hoxeka. I wansati wa kahle. Kumbe, wanuna wo endlisa *leswi na leswi*, i wanuna wa kahle. A nga kali a endla nchumu. Ma swi tiva leswaku a nga karhati munhu.” Sweswo a swikali swivula na nchumu. A nga hava a ri makhelwani wa kahle, kambe a nga Mukreste wa kahle ku kondza a tswariwa ra vumbirhi.

⁹⁸ Yesu u teri, “Handle kaloko munhu a tswariwa ra vumbirhi,” Mukwetsimi Yohana 3, leswaku, “a nge wu voni hambi kuri ku wu vona Mfumo.” Sweswi, sweswo swi vula leswaku, *wa vona*, swivula “ku twisia.”

⁹⁹ Mi languta eka swin’wana na swin’wana, mi ku, “Ntsena a ndzi swivoni.” Mi vula leswaku a mi swi twisisi.

¹⁰⁰ Munhu a nge swi twisisi leswaku hikokwalaho ka yini vanhu va huwelela. Munhu a nge swi twisisi leswaku hikokwalaho ka yini ririmbi ra ximunhu ri ncinka kutani a vulavula hi tindzimi. Munhu wa ntumbuluko a nge swivoni hilaha ku kwetsima ka Xikwembu kutaka emahlweni ya munhu, kutani a nga ha vona xivono a byela munhu un’wana ha swin’wana, ni leswi a faneleke ku swi endla; a va byela swilo leswi swi lavaka ku humeleta, niku lulamisa swilo leswi nga ta humeleta, tani hilaha Hosi yi hi endleleke swona kwalahawani madyambu ya tolo, hambi swiritano. Wa vona? Wa vona? Mi—mi miehleketo ya ntumbuluko yi ringeta ku swi vumba. “Kunene, xana u endlile yini? Kumbe, i muxaka wihi wa vuxisi lowu a wu tirhisaka xana? I mano wahi lawa a nga na wona?” Loko a vona munhu a vulavula hi tindzimi, va ta ku... kutani un’wana a tihlamusela niku vula hilaha xirho xin’wana xa Mirhi xi nga swi endla, ni hilaha va nga faneriki ku swi endla. Wa vona? Wa vona? Va ehleketa leswaku i muxaka wun’wana wa vuxisi. “Ku ni swin’wana swi nga lunghisiwa exikarhini ka vona.”

¹⁰¹ A ve nge swi twisisi ku kondza vanhu valava va hundzuka. Kutani loko a tswariwile ra vumbirhi, kutani u le ka ntila wa xinakulobye, hikuva hi yena xivumbiwa lexintshwa.

Muhleketeriwa yaloye wa khale, ximunhu-hatwa xo kanakana hilaha a ri ha kona, u file. Sweswi, u xivumbiwa lexintshwa. Swingaleswi, ma swi vona, a nga fanelanga ku engetela swin'wana eka leswi, sweswi, hikuva xikan'wekan'we swi languteka swi engeteriwile.

¹⁰² Xiyisisani, mi boheka ku tswariwa ra vumbirhi. Kutani loko mi tswariwile ra vumbirhi, a mi nge swikoti ku tswariwa ra vumbirhi loko mi ri hava ripfumelo. Sweswo hi swona. Swingaleswi, ma swi vona, eka chati ya mina lahawani, ni na masungulo lawa ya fanaka, ripfumelo i masungulo ya hinkwaswo ka swona. "Loko kuri hava ripfumelo swi ngaka swi nga endleki leswaku u nga tsakisa Xikwembu. Loyi a taka eka Xikwembu u boheka ku pfumela leswaku Xi kona, niku vuyeriwa ka lava va Xi lavaka hi ku tiyimisela." Wa vona? U boheka kuva tano. Kutani loko u hambanyisa Bibele, loko u hambanyisa Rito kuva ri ri ntiyiso, ntsena u nga ha ti tshamela endzhaku kufikela laha xosungula u swi pfumelaka.

¹⁰³ Vudyoho xana i ncini? I ku ka u nga pfumeri. Ku na ti elemente timbirhi ntsena leti ti lawulaka xivumbiwa xa vumunhu. Kwalaho ku nga hava kuri ku kanakana kumbe ripfumelo, xin'we xa swona. U fuwile hi xin'we xa leswi swi lawulaka vutomi bya wena. Ntsena swi ya hi ku u na ripfumelo ro tani hi kwihi, u nga ya ehenhla ku fika kwihi.

¹⁰⁴ Kambe, xosungula, kufanele kuva ripfumelo. Mi nge ni yima eka masungulo ya lawa xinkadyana. Sweswi, ripfumelo hi leswi u fanelaka ku swi pfumela. Ripfumelo i yini... "Ripfumelo i nchumu wa swilo leswi ku tshembhiwaka eka swona." Hi, walowu u vaka na wona loko u ri na ripfumelo, hikuva swi paluxiwa eka ripfumelo. "Ripfumelo i nchumu wa swilo leswi ku tshembheriwaka eka swona," va-Heveru 11, wa vona, "vumbhoni." Xana i yini? Xana i muxaka wihi wa vumbhoni xana? Vumbhoni lebyi kwetsimaka.

¹⁰⁵ Swingaleswi, loko mi ku, "Makwerhu Branham, ndza pfumela leswaku Xikwembu hi xona muhanyisi." Kunene, loko mi swi pfumela sweswo, kutani Xi amukeleni tani hi muhanyisi wa n'wina, ku ngari ku hemba, kahlekahe u ri karhi u pfumela leswaku hi timbanga ta Yena u hanyisiwile, ku hava lexi xi nga ta ku jikisa eka sweswo. I nchumu lowu nga tshamiseka. Sweswi u nga hava na ku tshembha, ntsena u ri karhi u tshamela ro papalata *leswi* niku papalata *sweswo*. Kambe loko u ri na ripfumelo, wa swi tiva, hikuva i vumbhoni. Khale mi ri na byona. A ndzi ri...

¹⁰⁶ I vangani, un'wana na un'wana, loyi a nga twa Oral Roberts mixo lowu, loko a ri eku chumayeleni mixo lowu, Oral Roberts? Ndzi—ndzi n'wi twile a vula swin'wana kumbe swin'wana ha sweswo leswaku ku na ripfumelo, ra ku ntshuxiwa, u khongela xikhongelo xa ripfumelo, xa ku ntshuxiwa. U teri,

"Tihlanganisi hi ku khumbha xiya ni moya, endla vuhlanganisi hi ku khumbhana na swin'wana, hi ndlela ya ku . . ." Wanuna a ri eku endleni ka sweswo, leswaku sweswo swi nga ha nyika vanhu swin'wana leswi va nga ha tlhandlekaka mavoko eka swona. Swin'wana, mi ri, "Ndzi na rona sweswi, hikuva u ndzi byerile ku khumbha xiya ni moya xa mina. Ndzi na rona." Wa vona? Sweswi, sweswo hi swona hinkwaswo ka swona. Kambe, sweswi, ripfumelo ra xiviri a ri kali ri lava u khumbha xin'wana xa sweswo. Sweswi, a ndzi le ku soleni ka Makwerhu Oral, a ndzi endli swona. U le ku tirheni ka ntirho lowukulu, nakona i munhu loyi a khongelaka, nakona ndzi—ndzi tshamela ro ehleketa swotala hi Oral Roberts. Swi bihe ngopfu a hi na swo tala ha vona.

¹⁰⁷ Kambe leswi ndzi ringetaka ku swivula, leswaku—leswaku, ripfumelo a ri kali ri lava nchumu. Wa vona? Ripfumelo ri pfumela Rito ra Xikwembu. Leswaku ripfumelo ri ta hi ku "khumbha"? Ee. "Ripfumelo ri ta hi ku yingisela, nakona ku yingisela Rito ra Xikwembu." Sweswo swa ri nghenisa. Ri kwalahaya. Wa vona? Kutani ripfumelo, tani hilaha ri nga vuriwa, a ri na mpfhuka eka rona. Ripfumelo ri kona sweswi. Ripfumelo ri lahawani. Sweswi tani hiloko kuri na un'wana . . .

¹⁰⁸ N'wana yaloye lontsongo, siku rin'wana. Manana yaloye Sesi Kidd na vona lava a va vulavula ha swona, laha a vari ni xihlangi xexo lexintsongo lexi a xi ri ni marhumbu ya humele ehandle, kuri hava ni laha ku nga pfuleka eka rhumbu leri kulu, leswaku swakudya swikota ku hundza. Sweswi, manana loyi, loko a twa Sesi Kidd ni lava a va vula vumbhoni, u pfumele leswaku loko ngi a nga tihlanganisa, kutani ni khongelela n'wana yaloye. Sweswi, wa vona, Xikwembu xi hi nyika vanhu . . .

¹⁰⁹ Van'wana va hina hi na ntokoto na Xikwembu, swa—swa mampela laha Xikwembu xi vaka tani hiloko xi famba lahawani, tani hiloko, niku vulavula na Makwerhu Neville kumbe un'wana loyi mi nga tolovelana na yena. Kutani hina nkarhi wun'wana hi kombela vanhu lava leswaku va hi khongelela. Sweswo hi leswi hi faneleke ku swi endla. Kutani loko hi ri na ripfumelo wanuna yaloye kumbe wansati yaloye, hambi i mani la hi khongelaka, u vulavula na Xikwembu, kutani ripfumelo ra hina ri gripiwile. Ri khomanile. Ri tshamisekile.

¹¹⁰ Lahawani. Mu-Rhoma u humile kuya hlangana na Yesu. Nakona u teri, "A—a ndzi faneriwanga hikuva Wena u ta ehansi ka lwangu ra mina. A ndzi tano. A—a ndzi faneriwanga. Nakona a ndzi—ndzi kalanga . . . a ndzi—ndzi ti hlaiyi hi ndlela yaleyo. Kambe," a ku, "n'wana wa mina wa jaha u vabya swinene. Nakona ntsena Wena vula Rito, wa vona, kutani jaha ra mina ri ta hanya."

¹¹¹ Xana akuri yini? Mpfhuka a wu vuli nchumu. Wa vona? Hikuva, Xikwembu hi lexi xi tshamaka xi ri kona. Xikwembu hi lexi xi nga na matimba hinkwawo. Kutani hinkwako Xikwembu xi kona, matimba hinkwawo ya kona. Kutani Xikwembu, kuva xi ri lexi xi tshamaka xi ri kona, sweswo swi endla Xikwembu kuva xi kumeka hinkwako, hinkwako. Wa vona? Xikwembu ntsena xikahle eJarimani, eSwitzerland, nale hansi eAfrika, hi xinkadyana xexi, tani hiloko Xi ri kwalahaya. Oho! Kwalaho mi nga kona.

¹¹² Swingaleswi sweswi u teri, “A ndzi faneriwanga hi kuva Wena u ta elangwini ra mina. Ntsena Wena vula Rito.” Xana a kuri yini xana? A kuri ripfumelo lero ra mu-Rhoma. A swi pfumela.

Kutani Yesu u teri, “Tifambeli. N’wana wa wena wa hanya.”

¹¹³ Kutani u tekile, rendzo ra masiku mambirhi. Kutani hi siku leri tlhandlamaka, a fika ekaya, u hlanganile ni van’wana va malandza ya yena. Kutani va ku, “N’wana wa wena wa hanya.”

¹¹⁴ Kutani mu-Rhoma u rhurhumerile swinene, ku kondza a ku, “Hi wihi nkarhi wa siku lowu a nga sungula ku antswa ha wona? I xiphemu xihi xa siku xana?”

A ku, “Kwalomu ka awara ya khume n’we, u sungurile ku antswa.”

¹¹⁵ Nakona mu-Rhoma a switiva leswaku hi wona nkarhi waluwa Yesu a nge te, “Jaha ra wena ri hanyile,” nakona u vile niku pfumela. Amen.

¹¹⁶ Xa matimba hinkwawo, xa minkarhi hinkwayo, xa vutlhari hinkwabyo, lexi nga riki na makumu, xexo i Xikwembu. Swingaleswi, loko va tava va foynile va ku, “Khongela!” Ku tihlanganisa kwaloko! Kutani ripfumelo ra wena ri tisile Xikwembu. I nchumu lowu wu tisaka xikhongelo na Xikwembu, kun’we, eka mbhono. Xikhongelo! Ripfumelo ri ncinka kusuka *lahawani* kuya *lahaya*. Ri swi tisa swin’we kun’we.

¹¹⁷ “Vula Rito. Leswi ndzi swilavaka leswaku U swi endla i ku vula Rito, kutani hinkwaswo swi tava kahle.” Wa vona, A nga kalanga a lava kuva kwalahaya. “Ntsena vula Rito.” Hikokwalaho ka yini? Xikwembu xi kona minkarhi hinkwayo. Xi na matimba hinkwawo. Xi ni matimba tani hiloko xi ri ehansi ka misava tani hiloko Xi ri ehenhla ka misava, kumbe eka tlhelo rin’wana. Hi Xona Xikwembu. “Kutani nchumu wun’we lowu U nga wu endlaka i ku vula Rito ntsena,” u vule tano.

¹¹⁸ Kutani, sweswi, ripfumelo ri endla hinkwaswo ka swona. Ripfumelo ri endla hinkwaswo ka swona. Swingaleswi u boheka kuva na ripfumelo leswaku ri va masungulo. Hinkwabyo

Vukreste, vun'wina hinkwabyo, hinkwaswo leswi mi nga tava xiswona, swi kongomisiwile ehenhleni ka ripfumelo eRitweni. Xexo hi xona xivangelo xa kuva ndzi pfumela Rito. Wa vona?

¹¹⁹ Ndzi ngaka ndzi nga vekeli ripfumelo ra mina eka leswi nga riki na nchumu. Loko a ndzi ya eku rivekeleni ehenhla ka kereke, xana hi yihi kereke leyi a ndzi ta ri vekela eka yona: Khatholiki, Lutheran, Methodist, Baptist, Mapentekostal xana? Xana hi yihi leyi a ndzi ta ri vekela eka yona xana? A ndzi tivi. Hinkwavo va ti kwecemurile ni swin'wana na swin'wana, va ncinka mintila, ni hinkwaswo.

¹²⁰ Kambe loko ndzi veka ripfumelo ra mina eRitweni ra Yena, ra nghena. Kuhava na un'we loyi a nga Ri tolokaka. Hi Leri lahawani, LESWI HOSI YI SWIVULAKA. Kutani ndzi pfumela Sweswo. Hi rona tshaku lero.

¹²¹ Dokodela wa kahle lontsongo wa kwala dorobeni, chomi ya mina, Dokodela Sam Adair. Hi vile vafana kun'we. Hinkwerhu ma n'wi tiva Sam. Kutani u teri eka mina, a ku, "Bill . . ." Endzhaku kaloko xivono xexo xi tile, xi n'wi byerile laha a nga ta aka kona ndzhawu ya yena, hilaha wu nga ta langutekisa xiswona. Sweswi fambani kwalahaya, mi ya n'wi vutisa loko nkarhi wun'wana ku ngari ntiyiso. Mambirhi kumbe manharhu wa malembe swi nga se humeleta, ndzi n'wi byerile hi laha wu nga tava kona. Ndzi ku, "Hakanyingi u ta kumeka u teka biloko ya doroba." Kwalahaya a kuri hava nchumu handle ka nchumu wun'we lowu wu nga exikarhi ka yena na wona, kutani yaleyo a yi ri ndhawu leyi a yi pfuxiwa. Dokodela Adair u na vunyingi bya yona, ni mutivi wa mirhi. Hi swona hinkwaswo sweswo. Dokodela Adair u pfale sweswo hi ku hetiseka, xivono xexo. Laha, ndzhawu leyi a nge te, "Yi ngaka yi nga khumbhiwi hambi kuri ku khumbhiwa ku ringana makume mbirhi-ntlhanu wa malembe. Swi le nawini."

¹²² Ndzi ku, "Dokodela, Hosi yi ku nyikile yona, hikokwalaho ka vumunhu bya wena."

A ku, "A ndzi kahle."

¹²³ Ndzi ku, "Wo va mfutsu. U na xikhamba ehandle, rikoko leri u nga ta ri languta eka vanghana va wena lava humaka kwalahawani, kambe endzeni i munhu loyi a hetisekeke. Huma eka xikhamba xexo." Ndzi ku, "Xikwembu xi ku nyike yona."

¹²⁴ A ku, "A ndzi se tshama niku kanakana, Billy, kambe sweswo ndzi fanele ku swi kanakana."

Ndzi ku, "Famba u ya ehofisini ya wena." Hiloko a huma a ya kona.

¹²⁵ Hi mixo lowu landzelaka, u ndzi vitanile, a ku, "Na fa hi gwitsi."

¹²⁶ Ndzi ku, "Mhaka i yini?" A kuri kwalomu ka Mawuwani. Ndzi ku, "Mhaka i yini, Dok?"

¹²⁷ A ku, “Ndhawu ni yi xavile, Billy. A va ri ni nhlengeletano madyambu ya tolo eBoston, kutani mina ndhawu ni yi xave namuntlha ni mixo.”

Ni ku, “Ndzi ku byerile.”

¹²⁸ A ndzi ri kwalahaya siku rin’wana, ndzi vulavula na yena. Loko xibamu xi ta bulukela exikandzeni xa mina... U teri, “Ndza anakanya loko a ndzi tava ndzi swi byerile gidi ra vanhu lava a va ta lahawani, tani hi sweswo.” Xana i yini? Sweswi, loko Xikwembu xi vulavula swin’wana, swi fanele ku humelela.

¹²⁹ Madyambu lawa ya nga hundza vanghana van’wana va nghenile. Va xi twile xivono xexo lexi a xi vulavula hi mhalamhala leyi a yi ri na rimhondzo ra makume mune-mbirhi wa ti inci, na bere yo basa ku kwalala. A ndzi tivi leswaku i vanhu vangani lava a va tile endlwini, va ri karhi va lava ku vona sweswo. Ndzi ku, “Hi leyi thepi yo pima. Fambani erimhondzweni.” U swi twile swi vuriwa swi nga se humelela. Wa vona? Hikokwalaho ka yini? Loko Xikwembu xi vula swin’wana, swi fanele ku humelela. Xexo hi xona xivangelo, xikongomisiweke.

¹³⁰ Sweswi, hi *leyi* plani ya ku ponisiwa. Kutani loko xivono xa Yena xi humelela hi ku hetiseka, hi ndlela leyi va vulaka leswaku va yi endla, nakona kereke ya leyi ya switiva leswaku i ntiyiso, kutani Rito ra Xona rona ke? Wa vona? Sweswo swi na ntiyiso swinene kutlula xivono. Loko xivono xi nga vulavuli hi Rito, swingaleswi xivono xexo xi hoxekile. Kambe i Rito, kusungula, hikuva Rito i Xikwembu. Wa vona? Swingaleswi, Xi tshama xi ri kona minkarhi hinkwayo. Xi swi vurile sweswo lahawani, kutani xi swi humelerisa eCanada. Amen. Wa vona, hi lexi Xi tshamaka xi ri kona. Hi swona.

¹³¹ Xosungula, u fanele ku tswariwa ra vumbirhi. Kutani loko u tswariwile ra vumbirhi, u va na ripfumelo; u pfumela Rito. Ku kondza u tswariwa ra vumbirhi, u ta phikizana na Rona. Loko ntseña u voyamile eka vukhongeri, kutani—kutani u ri na—na—na vutivi byintsongo bya ximunhu bya leswaku u ta endla swa kahle, a wu nge pfuki u swikotile ku pfumeliana na Rito ra Xikwembu. A wu nge swikoti ku swi endla. U fanele ku tswariwa ra vumbirhi. Kutani, ku tswariwa ra vumbirhi, swi tswala ripfumelo. Hi swona. Swingaleswi, endzhaku kaloko u kume ripfumelo, leri ri nga *lahawani*, r-i-p-f-u-m-e-l-o, ripfumelo, swingaleswi u le ka xiyimo xa ku kula.

¹³² Sweswi, vanhu votala va ya e altarení, va ya khongela, va ku, “Hosi, ndzi rivaleli.” Kutani ntokoto lowukulu wa ku kwetsimisiwa wu ta ehenhleni ka vona, na swin’wana. Kutani u va na nkarhi lowukulu, u yima e altarení, u ri karhi u huwelela. U tlhelela endzhaku, i ku, “Ku katekile Xikwembu, ndzi na rona.” Ee, ntseña u lo sungula endhawini leyi u nga kulaka. A wu se endla nchumu sweswi. Wa vona? Nchumu lowu u nga wu endlaka i kuva u andlala masungulo.

¹³³ Sweswi u ya aka yindlu, kutani u chela masungulo, i ku, “Jaha, ndzi n’wi kumile.” Wa vona? U kumile masungulo laha u nga ta aka yindlu ya wena kona. Swingaleswi u nga ha yi aka yindlu.

¹³⁴ Swingaleswi kwalaho hilaha nchumu wu nghanaka, mixo lowu, hi ya vulavula hi swona sweswi. Hi swona. Yindlu, masungulo lawa i yo sungula. Xana hi wahi masungulo ya Vukreste xana? Ripfumelo eka Rito ra Xikwembu. Yalawa i masungulo ya n’wina. Kutani mi sungula ku kula. Kutani mi sungula, mi sungula ku engetela eka masungulo lawa.

¹³⁵ Sweswi, ku aka yindlu, u vekela leswi nga swa kahle ni swin’wana. Makwerhu Woods, kutani van’wana va va vatli lava ni va n’wa tikontiraka lava nga lahwani va nga hi byela leswaku va akisa ku yini yindlu. Wa vona? Kambe ni ya eku mi byeleni leswaku mi akisa ku yini yindlu ya ximoya, laha Xikwembu xi nga tshamaka kona. Xi lava ku tshama eka n’wina. Xi lava ku mi endla mi kotisa Xona. Xi mi lava leswaku mi va xivonivoni, xivoninga, kumbexana, Xivumbiwa xa Xona.

¹³⁶ Maswitiva, eminkarhini ya khale loko va ha tolloverile ku endla nsuku, loko va nge se va na xin’okiso lexi nga ta yi hisa, a va tollovele ku wu khandletela nsuku, va khandletela ku kala ku huma ridaka, ra nsimbhi na koporo na swin’wana, swi huma, nakona va ya emahlweni niku khandletela, kutani va yi hundzuluxa, va yi khandla. Makula ma swi endla sweswo na sweswi, va khandletela nsuku, kutani va wu khandletela. Maswitiva leswi va nga swivulaka hi leswaku nsimbhi hinkwayo yi sukile eka wona, ni thyaka hinkwaro ni swin’wana, ni thyaka ra tinsimbhi ri humile eka wona? Loko loyi a nga eku khandleteleni swi nga fika laha a tivonaka, tani hi xivoni, eka xona. Wu va wu basile wu tlhela wu tengi kufikela laha wu kombisaka mukhandli.

¹³⁷ Yaleylo i ndlela leyi Xikwembu xi yi endlaka. Xi teka nsuku lowu Xi nga wu kuma emisaveni, kutani Xi wu khandla, hi Moya lowo Kwetsima, xi wu hundzuluxa, xi wu hundzuluxa nakambe, xi wu hundzuluxa na kambe, xi wu khandla ku kondza (Xi amukela) Xi nga kota ku ti vona Xona. [Makwerhu Branham a phokotela mavoko ko hlaya kuya fika emakun’wini ya xivulwa lexi—Muhleri.]

¹³⁸ Kutani sweswo hi leswi hi fanelaka ku swi endla, ku va hi kombisa N’wana wa Xikwembu. Kutani sweswi hi fanele ku endla ntirho wa Yena. U teri, “Loyi a pfumelaka eka Mina...” Mukwetsimi Yohana 14:7, “Loyi a pfumelaka eka Mina, mintirho leyi Ndzi yi endlaka u ta yi endla na yena.” U sungurile ku va xivonivoni xa mintirho ya Kreste.

¹³⁹ Kambe vunyingi bya hina hi ringeta ku endla mintirho ya Kreste ku nga se fika xivonivoni xa Kreste eka hina. Swingaleswi ku ni khombo kwalaho. Hikuma swilo leswi

swi ri karhi swi humelela. Maswitiva. Ndza switiva. Ha swi vona leswi, swi va swikhunguvanyiso endleni. Hi kuma nhulu ya xikorokoro xa vaministara, xa va Kreste, va endle nhulu endleleni, swi ya hikokwalaho ka kuva va nga swi fambanga kahle.

¹⁴⁰ Kutani sweswo hi swona swi endlaka leswaku ni va lahawani mixo lowu, i ku ringeta ku dyondzisa kereke leyileyintsongo, na mina, leswaku hi ngava ndhawu ya njhani laha Xikwembu lexi xi hanyak xi nga ta tshama kona. I vangani lava va swi tsakelaka kuva xisweswo xana? [Nhlengeletano yi ku, “Amen.”—Muhleri.] Ndhawu leyi yi tshamaka Xikwembu lexi xi hanyak!

¹⁴¹ Sweswi leswi hi leswi hi swi endlaka. Hi xihi xo sungula xana? Kuva na ripfumelo, niku tswariwa ra vumbirhi. Sweswo i ku andlala masungulo.

¹⁴² Swingaleswi, endzhaku kaloko hi tava hi andlarile masungulo, xa vumbirhi wa tlhandlekela eka masungulo ya wena. “U engetela eka ripfumelo ra wena,” Petro u teri lahawani. Engetela eka... Xosungula u na ripfumelo, kutani u engetela vunene eka ripfumelo ra wena. Leyi i kholomu leyi yi landzelaka. Xosungula, chela masungulo ya wena, ya ripfumelo. Kutani, eka ripfumelo ra wena, engetela vunene.

¹⁴³ Sweswi, kona kwalahaya ku hi bile ku hi wisela vunyingi bya hina ehansi. Ina, nkulukumba. Ina. “Engetela vunene eka ripfumelo ra wena.” Sweswo a swi vuli ntsena leswaku u hanya vutomi bya vunhwana, maswitiva, tani hi wansati kumbe wanuna, ni kuya emahlweni. Sweswo a swi na ntirho lowu swi nga wu endlaka ha sweswo.

¹⁴⁴ Bibele yi teri, hi hlaya lahawani eka Buku ya Luka, laha Yi nge, “Vunene byi sukile eka Yena.” A hi swona sweswo? [Nhlengeletano yi ku, “Amen.”—Muhleri.] Loko kuri hi leswaku hi ta fana na Yena, hi fanele hi va na vunene, kwalaho. Hi fanele hi va na byona, leswaku hi ta fana na Yena. I risimu ro sungula leri ndzi nga tshama ni ri rhandza, eka—eka tinsimu, rin’wana ra le ta kahle, a kuri, *Ku Fana Na Yesu*. Kunene, loko ndzi ya eku faneni na Yesu, ndzi fanele kuva na vunene, kutani loko byi hundza byebyo byi nga ha hundza byi ya emahlwени byi suka eka mina kuya evanhwini. Hikuva, “Vunene byi humile eka Yena byi ya evanhwini.” Vunene! Kutani u nga se byi pfumelela leswaku byi huma, u fanele kuva na byona ku sungula. Loko u ngari na byona, byi ngaka byi nga humi. Kuhava nchumu eka byona swi nga byi humesaka.

¹⁴⁵ Ku nga humelela yini loko un’wana a ringeta ku humesa vunene lebyi nga ka hina, kutani cheke yi ta tlhelela yi ri “hava mali”? Wa vona? Ee, ee, ku hava nchumu lahaya laha yi nga humesiwaka kona, kambani ku tlula-tlula. Un’wana u mi languta tani hi Mukreste, kutani mundzuku a mi vona

lahawani mi ri karhi mi ya emahlweni tani hi mudyohi, ku hava vunene byo tala lebyi byi nga humesiwaka eka sweswo. Wa vona? Hi swona.

¹⁴⁶ Vunene byi fanele byi va eka hina. Kutani ku kondza hi kuma vunene...Kutani loko hi kuma vunene bya ntiyiso, hi nga ha byi engetelela eka ripfumelo ra hina. Yalawa i masungulo lawa ya landzelaka ya khumbhi. Sweswi, xosungula mi fanele kuva na ripfumelo. Ripfumelo ri ri roxe ri ngaka ri nga swikoti. Mi fanele kuva na...Petro u teri, "Engetelani vunene eka ripfumelo ra n'wina." Mi fanele kuva na vunene, hi ndlela yo byi engetelela eka ripfumelo ra n'wina.

¹⁴⁷ Sweswi, swingaleswi, swi nga hava, kuri xivangelo xa kuva mi byi pfumala, hikuva tikereke to tala ta namuntlha ti mi dyondzisa leswaku mi ngavi na byona, kumbe masiku ya byona ya hundzile. "A va fanelanga kuva na byona. Ntsena nchumu lowu mi faneleke kuva na wona i ku joyina kereke. Ina, masiku ya hundzile."

¹⁴⁸ Vunene, un'wana na un'wana wa switiva leswaku vunene swivula yini, wa vona, nakona hi fanele hi va na byona. Loko vunene byi suka eka Yena, ku horisa wansati loyi a vabya, Wa ha langutele vunene byebyiya eka Kereke ya Yena, hikuva hi Yena xikombiso xa hina. Kutani loko Yena a ri ni vunene lebyi a nga byi nyikaka vanhu, u hi languterile na hina leswaku hi va na vunene lebyi hi nga ta byi nyika vanhu. Nakona xana vunene i yini? Vunene i ntamu, matimba.

¹⁴⁹ Van'wana va vona a va pfumeli hambi kuri ku pfumela eka matimba ya Xikwembu. Va ri, "Sweswo—sweswo—sweswo swi hundzile. Nchumu lowu u nga wu endlaka i ku tsarisa vito ra wena ebukwini, u tlhela u haxiwa, kumbe u cheriwa, kumbe u khuvuriwa, kumbe ku nga hava yini swin'wana. Kutani hi swona hinkwaswo u fanelaka ku swi endla sweswo."

¹⁵⁰ Kambe Petro u teri lahwani, "Engetelani vunene." Sweswi, Petro u vulavula hi ku aka Yindlu ya Xikwembu, wa vona, Tempele ya Xikwembu, yi lunghiseleriwela ndhawu. Kutani endzhaku kaloko u vile ni vunene, u fanele u va...Endzhaku kaloko u ri ni ripfumelo, u boheka kuva na vunene lebyi byi nga havaka na rona. Hi swona sweswo. Vanani ni vunene eka misava hinkwayo.

¹⁵¹ Ndzi chumayerile nchumayelo kuringana kwalomu ka makume mbirhi wa malembe lawa ya nga hundza, ndza pfumela, eka Muf. Nkul. Xiluva. Xiluva, wa mufundhis. Ndzi wu tekile eka tsalwa laha Yesu a nge teri, "Tsundzukani mukhuva, lowu makhonwa ya nhova ma milaka ha wona. Kasi Ndza mi byela leswaku, Solomon na yena e ku dzuniseni ka yena hinkwako a nga funengelanga kukotisa rin'we ra wona."

¹⁵² Langutani eka xiluva. Xi huma ehansi laha ku nga nona. Kutani minete yin'wana na yin'wana ya siku xi fanele xi

tshunelela misava. Wa vona? Nakona xana xi fambelana kwihi ni vunene lebyi xi byi tshunelelaka xana? Xa byi humesa. Xi endla leswaku kuva niku vonaka ka kahle eka mukhensi. Xa ti pfulela xona hi xoxe vulombe, leswaku nyoxi yi ta nghena yi kuma xiave xa yona. A xi vileli. Ntsena xi na byona, ku byi humesa. Ku nga humelela yini loko nyoxi yi fika yi nghena kwalahaya; yiri hava macheleni yo nyawula, ku ri hava vulombe? Xinyoxana xexo xi ta tin'waya nhloko ya xona xi ku, "Xana i muxaka wihi wa xiluva xo fana na xexo xana?"

¹⁵³ Loko munhu a ta, a ringeta ku kuma ku ponisiwa, u ya eka kereke leyi yi pfumelaka leswaku masiku ya mahlori ya hundzile?

¹⁵⁴ Tani hi Jack Coe u tshame a ku. Loko hi ya eka rhestuwarente, kutani a hi ri na menuy lowukulu wa kahle; hi sungurile ku wu hlaya, nyama ya T-boni na swin'wana. A ku, "Ndzi ta teka T-boni."

"Kunene, yaleyo a yi ri ya siku leri ri nga hundza. A ha ha ri na yona sweswi."

¹⁵⁵ Hambi swirlitano hi andlarile menuy ehansi hi languta, wa vona, hi swona sweswo, hikuva va hava nchumu lexi u nga xidyaka, hi ndlela yin'wana. Swingaleswi u nga haya laha rhestuwarente yi nga na leswi swi nga dyiwaka.

¹⁵⁶ Na munhu wa ximoya, loko a kula, u lava leswi a nga swidyaka. Lero i Rito ra Xikwembu. Ndzi pfumela Rito rin'wana na rin'wana ra Yona.

Xikwembu xi ni tafula leri xi nga ri andlala
laha ku phameriwaka vakwetsimi va
Xikwembu,
Xi le ku rhambeni vanhu va Xona lava xi nga
va hlawa, "Leswaku va ta eku dyeni."
Xa phamela hi mana ya Xona, Xa hi nyika
swilaveko swa hina hinkwaswo,
Oho, swa nandziha ku dya na Yesu nkarhi
hinkwawo.

¹⁵⁷ Hi swona sweswo. Ina, nkulukumba. U na Wona. Kereke yina Wona, Kereke ya Xikwembu lexi xi hanyaka, lexi xi akaka eka munhu yaloyi a hetisekeke, wa vutivi bya Kreste. Sweswi, sweswi mi fanele mi va na vunene.

¹⁵⁸ Kutani niku kwalaho, nchumu wo sungula mi wu tivaka, kuna munhu loyi a rhandza ku nuhetela risema. A nga ti rhandzeli swa yena. U na risema. Loko a nga se humesa risema leri a nga na rona, u fanele a va na rona kusungula. A nge se humesa vulombe, u fanele kuva na byona kusungula. A nga se humesa kusaseka ka yena, u fanele a va na kona kusungula.

¹⁵⁹ Loko u nge se humesa vunene, u fanele kuva na byona. Swingaleswi, byi engeteli eka ripfumelo ra wena, vunene. Amen. Ma swi twisisa? Hi nga yima nkarhi woleha eka sweswo, kambe nkarhi wu ta hi balekela. Engetelani vunene eka ripfumelo ra n'wina. Sweswi, xosungula i ripfumelo, ku ta vunene.

¹⁶⁰ Kutani, xa vunharhu, u engetela vutivi. Vutivi, sweswi, sweswo a swivuli vutivi bya le misaveni, hikuva sweswo i vuphukuphuku eka Xikwembu; kambe vutivi byo avanyisa, kuavanyisa (yini xana?) swa kahle eka swo biha. U swi avanyisa njhani, swingaleswi, loko u ri na vutivi bya Xikreste na vunene bya wena na ripfumelo? Wa avanyisa loko Rito ri ri ntiyiso kumbe ri nga ri ntiyiso. Nakona loko u nga veka etlhelo mikhuva ya wena, niku ka u nga pfumeri ka wena, hinkwaswo leswi u swi koxaka leswi u nga swi endla, swingaleswi u na vutivi bya ku pfumela leswaku Xikwembu xi ngaka xi nga hembi. "Rito rin'wana na rin'wana ra munhu i vunwa, kambe ra Mina i ntiyiso." Wa vona? Sweswi mi kuma vutivi. Byebyo i vutivi byale henbla. A wu fanelanga u va na tidigri ta mune tale kholichini yin'wana, kumbe swin'wana swo fana na sweswo, kuva na byona, hikuva hinkwabyo vunene lebyi byi nyikiwa eka n'wina hi Xikwembu, leswaku byi vekiwa ehenhlemi ka masungulo ya ripfumelo ra wena, leswaku u nga ha ta eka ku hetiseka ka xivumbeko lexinene, xa munhu loyi a hanyakwa wa Xikwembu. Ina, nkulukumba.

¹⁶¹ Engetela, engetela vutivi, hikuva, vutivi bya Rito ra Xona. Mi fanele ku swi pfumela hi ndlela leyi. Tani hi, wa pfumela namuntha leswaku... niku swi amukela, leswaku masiku ya mahlori a ma hundzanga. Vutivi hi leswi swi nga vula hi Xikwembu, Xikwembu xa swikota ku endla.

¹⁶² Abraham a pfumela sweswo. Kutani loko a hari na dzana ra malembe hi vukhale, a nga kalanga a dedeleka eka xitshembhiso xa Xikwembu hi kuva a nga pfumeli. Langutani leswaku ri languteka ri hlekisa njhani Rito lero. Hi yena munhu, dzana ra malembe hi vukhale, a langutela n'wana loyi a nga ta tswariwa emutini wa yena, hi wansati loyi a nga na makume nkaye wa malembe hi vukhale. Wa vona? Kwalomu ka makume ntlanu wa malembe ma hundza a ha byarhile, a tshama na yena kusukela loko a—a ri xinhwenyetana, kumbe eka xiyimo xa khume. Kutani hi loyi, xinambyana xa vutomi bya yena a xi file. Ni xivelekelo xa Sara a xi file. Ni ku tshembha hinkwako a ku fambile, tani hi laha a kuri ku tshembha. Kambe, hambi swi ritano, ku lwisana na ku tshembha, a pfumela eka ku tshembha, hikuva a ri na vutivi lebyi Xikwembu a xi swikota ku hlayisa hinkwaswo leswi Xi nga switshembhisa.

¹⁶³ Sweswi, loko u swi kumisa xisweswo, kutani engetela sweswo eka ripfumelo ra wena. Loko u ri na vunene bya

ntiyiso, byi engeteli eka ripfumelo ra wena. Loko mi nga famba ehandle exitarateni lahwani, mi hanya tani hi Mukreste, mi va ni maendlelo ya Mukreste, va na Mukreste, engetela sweswo eka ripfumelo ra wena. Loko u ri na vutivi . . .

¹⁶⁴ Mi ri, “Kunene, a ndzi switivi sweswi loko Matsalwa *lawa ntsena* ya ri kahle. Sweswi hi leyi Mintirho 2:38, a ndzi switivi leswaku ndzi nga fambisa ku yini na Mintirho 28:19. A ndzi tivi.” Swikahle. A wu-wu engeteli nchumu, hikuva a wu se va na Rona sweswi. Wa vona? Xana u ya endla yini? Hikuva, a wuna vutivi lebyi hetisekeke ku tiva hi swa Xikwembu, hambi swi ri tano, leswaku Bibele a yi kali yi kanetana hi Vuyona. Yi tshike yi ri yoxe. U nga havuli nchumu ha yona. Wa vona? Yi tshike yi ri yoxe.

¹⁶⁵ Kambe loko u ta kota ku swi vona leswaku Matsalwa a ya kanetani, leswaku u nga ha vula sweswo; nakona u nga ha swivona, leswaku, hi nhlavutelo wa Xikwembu, Rito hinkwaro ri tsariwa eka swihundla, nakona ntsena vutivi bya Xikwembu hi byona byi nga Ri paluxaka; kutani loko u fika u ku, hikahata Rito rin’wana na rin’wana ra Xikwembu hi “amen,” kutani swi engeteli eka ripfumelo ra wena.

¹⁶⁶ Oho, mi tava vanhu vo saseka kahle sweswi. Wa vona? Mi le ku teni, wa vona. Na yini xana? Hi ripfumelo, na vunene, kutani vutivi. Maswivona leswaku munhu loyi u akiwa njhani xana? Mi nga ha swivona leswaku a ku—a ku na ndlela yo swi balekela. Leyi hi yona ndlela ya kuva xifaniso xa Kreste. Ina, nkulukumba.

¹⁶⁷ Ku avanyisa, ku avanyisa kahle. Ku avanyisa loko kuri ntiyiso kumbe wu ngari wona, ku pfumela Rito ra Xikwembu. Avanyisa loko kuri ntiyiso kumbe wu ngari ntiyiso, hambi ndzi nga tirhela mikhova kumbe ku tirhela Xikwembu. Avanyisa loko kuri ntiyiso kumbe wu nga ri wona, ndzi fanele ku tswariwa ra vumbirhi kumbe ku joyina kereke. Kutani emasungulenya wena. Avanyisa kahle, loko muchumayeri a ku, “Masiku ya mahlori ya hundzile.” Bibele yi teri, “Yesu Kreste hi yena tolo, namunlhha, ni hilaha ku nga heriki.” Sweswi hi swihi leswi u nga ta swi pfumela xana?

¹⁶⁸ Loko mi ku, “Ndzi ta teka Xikwembu.” Sweswi, sweswo a mi swivuli hi ku tivulela loko mi ku, “Kunene, ndza—ndza switeka,” ntsena swihuma embilwini. Kambe, swin’wana leswi nga eka n’wina, ripfumelo ra n’wina risukumeta ri huma kwalahaya. Kwalaho mi nga kona. Ripfumelo ra n’wina ri ri, “Ndza switiva leswaku wa hari Yena. Amen. Ndzi N’wi mbhoniyerile kufana. Ku hava lexi xi nga swi susaka eka mina. Ndza switiva leswaku Yena wa hanya.” Amen. Kutani engetelani sweswo eka ripfumelo ra n’wina. Ri andlaleni ehansi eka masungulo. Mi ta sweswi, mi ta ehenhla eMfun’weni. Mi fika endhawini sweswi. Hi swona.

¹⁶⁹ Sweswi, lexi landzelaka, muchumayeri u ta mi byela, nakona vanhu votala va ri, “Swi... Swilo leswi mi swi hlayeke eBibeleni, a swi ri swa siku rin’wana. Sweswi, ndzi ta mi byela leswaku hikokwalaho ka yini. Hikuva, a hi swilavi swilo leswi namuntlha. A hi swilavi. Wa vona? A hi nge swikoti. A hi fanelanga hi ti toloveta swilo leswi, ku hanyisiwa hi swa Vukwembu. A hi ti toloveti ku vulavula hi tindzimi, ekerekeni, leswaku—leswaku kereke ya hina yi lulama. Nakona a hi swi endli *leswi*.”

¹⁷⁰ Hi ta nghena eka sweswo. Ndzi na Matsalwa lawa ndzi nga matsala ehansi lahwani ha sweswo, wa vona, hambi hi nga swi endla kumbe hi nga swi endli, sweswi.

¹⁷¹ Kambe lahwani u teri, “A ndzi tivi. A hi fanelanga ku swi endla sweswo namuntlha. Nchumu wun’we lowu ndzi ehleketa leswaku hi nga wu endla, hi fanele ku dyondza ku vulavula kahle emahlweni ka tshungu. Hi taya hi ya kamberiwa miehleketo hi loyi a tirhanaka na miehleketo, ku vona leswaku ha swikota ku ti kungela hina hi hexe, loko IQ ya hina yi ri ehenhla ku ringanelu ku swi endla, ni—ni kuya emahlweni tani hi sweswo. Ndza ehleketa... Nakona hi khomile nhlengeletano leyikulu swinene. Hi aka minhlangano ya hina.”

¹⁷² A hi le ku akeni ka nhlangano. A ndzi lahwani mixo lowu ku ta aka nhlangano. Kreste a nga ndzi rhumelanga ku ta aka nhlangano. Kreste u ndzi rhumele ku ta aka lava ntsongo kuya eka xivumbeko xa Yesu Kreste, leswaku va nga hava yindlu ya matimba ni ndhawu leyi yi tshamaka Moya, hi Rito ra Yena. Hi Rito ra Yena, wa vona, ri aka lava nga talangiki eka ndhawu yaleyo. Kungari ku aka nhlangano kuya eka dinominexini leyikulu, kambe ku aka lava nga talangiki kuya eka majaha na vanhwana va Xikwembu. Yaleyo hi yona miehleketo. Wa vona? Mi engetela eka ripfumelo ra n’wina, vunene; eka vunene bya n’wina, mi engetela vutivi. Kunene, sweswi mi ta endhawini.

¹⁷³ Sweswi loko va sungula kuvula leswi, “Kunene, a hi fanelanga ku swi amukela sweswo namuntlha.” Ma boheka ku swi endla. Swo boha.

¹⁷⁴ Matsalwa ma ngaka ma nga hembi. “Nakona ma hava nhlamuselo yale xihundleni,” Bibele yi vule tano. Ntsena mi Yi pfumerisa xi leswi Yi nga tsarisiwa xiswona Kwalahaya. Wa vona? Mi fanele kuva na swona swilo leswi. Nakona ndlela yin’we ntsena leyi mi nga swikotaka kuva na swona, hiloko mi tswariwile ni vutivi bya le Matilweni. Nakona ku tswariwa ni vutivi bya le Matilweni swi ta kombisa Rito. Wa vona?

¹⁷⁵ Mi fanele ku pfumela, kungari ripfumelo ro tiendlisa eka swona. Kuhava na xin’we eka leswi swi nga swa ripfumelo ro tiendlisa, wa vona, loko u ringeta kuvula leswaku, “Ndzi na

rona.” U ngavi xinyenyana xa ntima lexi xi titlhomeke tinsiva ta phigogo eka wena, wa vona, hikuva ti ta wa tisuka. A hi ta ntumbuluko a ti hlukelanga kona. Ntsena tilo damarhetiwa.

¹⁷⁶ Ndzi ehleketa hilaha Davida a nga vula lahaya, Tipisalema ya 1, “U ta kotisa nsinya lowu wu nga byariwa ekusuhi ni mati ya milambu.” Maswitiva, ku ni ku hambana kaloko u lo byariwa nikuva u lo rhumiwa, ku damarhela. Tani hi nsinya wa khale wa nkulu, lowu wu nga byariwa, lowu wu ti lukaka ehansi wu khomelela kahle. Swirhabyana leswintsongo swa khale swi khomelerile kwalahaya, a wu switivi leswaku kuya humeleta yini ha swona. A swi na timintsu. Swihava masungulo. Wa vona?

¹⁷⁷ Sweswo swi kotisa vanhu lava va humaka eka seminara kumbe swin’wana, wa vona. A va na... “Kunene, Dokodela wa So-na-so u ndzi xiximile eka ministri.” A swi kali swiva niku hambana ni leswi sweswo a swi ri xiswona.

¹⁷⁸ Kreste u ni tswalerile eka wona, wa vona, wa vona, hi riphumelo ra n’wina. Wa vona? Mi tswariwile ra vumbirhi ni ku tswariwa eka wona. Kutani endzhaku kaloko mi tswariwile eka wona, leswi i swilo leswi Yena a swi languteleke eka n’wina ku swi engetela. Ntsena tshamelani ro swi engetela. Sweswi hi ya hi kongoma ntila.

¹⁷⁹ Sweswi kutava na nchumu wun’wana eka vutivi lebyi, hi nga ha vulavula ha swona, vutivi bya vukwembu. Wa vona? “Xana Bibele eka siku leri Yi lahlekeriwile hi nhlamuselo ya yona ke?” Wa vona, va, vanhu vo tala va mi byela hi sweswo, leswaku Bibele kahlekaiale a yi vuli swona sweswo. Loko Xikwembu xi ndzi langutile, ni kuva xi ndzi lulamisa eka vudyoho, nakona loko ndzi ri n’wana wa Xikwembu, Xi endla sweswo. Xi mi endla hi ndlela yaleyo, majaha ni [Xindhwana lexi nga riki na nchumu eka thepi—Muhleri.] vanhwana. Loko mi endla swin’wana leswi nga hoxeka, Xa mi lulamisa. Kutani loko Xikwembu xi ri na n’wina ngopfu, kutani Xa mi langutisa niku mi lulamisa, hi swihi swin’wana leswi Xi nga na swona eka Rito ra Xona, laha ku nga xikombiso xa n’wina, laha ku nga xona hi Xoxe!

Ekusunguleni a kuri na Rito, nakona Rito a ri ri na Xikwembu, nakona Rito a xi ri Xikwembu.

Kutani... ri endliwe nyama, ri tshama exikarhini ka hina,...

¹⁸⁰ Rito i nhlavutelo wa Yesu Kreste, Bibele yi vule tano, Kreste kuva a nhlavuteriwile eRitweni ra Yena. Kutani loko A mi langutisile loko mi tlula milawu ley, U mi avanyisela swona, i kangani A ri karhi a languta nawu wa Yena lowu wu mi avanyisaka! Amen.

¹⁸¹ Yana emahlweni, jaha, u nga ndzi byeli swilo sweswo!

¹⁸² Ndzi pfumela eka bya xiviri, vutivi bya Moya lowo Kwetsima. Vutivi bya Moya lowo Kwetsima minkarhi hinkwayo byi ta hikahata hi Rito “amen.” Loko u kuma swilo leswi leswi swi tikombaka swi kanetana swona hi swoxe, eBibeleni, u tshama ehansi u swi dyondza, niku khongela hi ku khongela hi ku hetiseka tani hi sweswo. Kutani xosungula u xitivaka, Moya wo Kwetsima wu sungula ku famba wu nghena. Endzhaku nyana u wu vona wu bohana kun’we, kutani kwalaho u na wona. Wa vona? Sweswo i vutivi.

¹⁸³ Van’wana va vona vari, “Kunene, sweswi, Bibebe yi vula tano leswaku hi Yena tolo, namuntlha ni hilaha ku nga heriki.”

¹⁸⁴ Kutani kereke yi ri, “Eka matwele man’wana, wa hari Yena.” Hu-huu! Hu-huu! U tseme vangwa, kwalahaya. Wa vona? Ina, nkulukumba. Ee, nkulukumba. Wa hari Yena. Ina, nkulukumba.

¹⁸⁵ “Yesu Kreste hi yena tolo, namuntlha, ni hilaha ku nga heriki.” A kuna ku hambana eka Yena, eka hinkwaswo. U hanya eKerekeni ya Yena, a endla swo fana. “Ku ngari kungani,” tani hilaha ndzi tshaheke kungari khale ngopfu, “ku ngari kungani misava a yi nga ha Ndzi voni, kambe n’wina mi ta Ndzi vona. Hikuva,” A ku, “Ndzi tava na n’wina, hambi ku tshama na n’wina, kuya fika emakun’wini ya misava.” Nakambe, A ku, “Mintirho leyi Ndzi yi endlaka mi ta yi endla na n’wina.” Nakambe, A ku, “Ndzi tava Vhinya. N’wina mi tava marhavi.” Nakona rhavi ri hanya ntsena hi Vutomi bya Vhinya. Hambi kuna yini eka Vhinya swi huma hi rhavi. Wa kwetsima! Kutani, “Kreste hi yena tolo, namuntlha, ni hilaha ku nga heriki.” Wu humesa Vutomi bya Hosi Yesu Kreste. Amen.

¹⁸⁶ Vutivi; byi ngari bya misava (ku anakanya). Ku anakanya kun’wana ka vutivi bya misava. Wa vona? Kambe ripfumelo a ri na ku anakanya. Xikwembu xa mi paluxela nchumu *wun’wana-wun’wana* lowu wu yaka eku humeleleni, n’wa tisayense un’wana na un’wana emisaveni a nga ha mi byela leswaku, “Ra kanetana. Swi ngaka swi nga humeleli.” Ma swi pfumela, hi ndlela yin’wana. Wa vona? Ina, nkulukumba. A Yi kali yi anakanya. Bibebe yi teri, “Hi cukumeta ku anakanya ka hina.” A wu anakanyi loko u ri na ripfumelo. Ripfumelo a ri na ku anakanya. Ripfumelo ri tiva laha ri nga kona. Ripfumelo ra tirha. Ripfumelo ra khomelela. Ri ngaka ri nga tsekatszeki. Kuhava lexi nga ri tsekatszekisaka. A ndzi na mhaka ni leswaku *leswi* swi ri yini, *sweswo*, *swin’wana*. A ri tsekatszeki, na swintsongo. Ri tshamisa sweswiya kwalahaya, ri rindzela, ri rindzela, ri rindzela, ri rindzela. A ri kali ri endla ku hambana. Ri tshamisa kwalahaya.

¹⁸⁷ Xikwembu xi byerile Nowa leswaku swilo leswi swi ta humelela. A swi pfumela. Wa vona? Xikwembu xi byerile

Muxe leswaku swilo leswi swi ta humelela. A swi pfumela. Xikwembu xi byerile vadyondzisiwa leswaku swilo leswi swi ta humelela, “Fambani ehenhla ePentekosta mi ya rindzela.” Va tshamile kwalahaya. Ina, nkulukumba. Hi swona.

¹⁸⁸ Sweswi, vutivi, sweswi, kungari vutivi bya misava, kambe i vutivi byale Matilweni. Kutani vutivi byale Matilweni, laha Xikwembu xi nga xihlovo xa vutivi hinkwabyo, nakona Xikwembu i Rito. Swingaleswi, loko miri ni vutivi byale Matilweni, mi pfumela Rito, nakona mi anakanya swin’wana na swin’wana hi Rito.

¹⁸⁹ Kutani nandzu lowu wa xibalo lowu kereke a yi ri eka wona, kumbe lowu a ndzi ri eka wona. Un’wana wa vavanuna nkarhi wun’wana, eka ku tengə loku ntsongo, u ndzi byerile. A ku ndzi ku... “A venge kumi nchumu lexi nga hoxeka.” Kutani swingaleswi va sungurile ku...

¹⁹⁰ Ndzi ku, “Kunene, swingaleswi, loko kuri hava nchumu lexi nga hoxeka, hikokwalaho ka yini mi nga suki enhlaneni wa mina xana?” Wa vona? Wa vona? Kutani ndzi yile emahlweni, ndzi ri karhi ndzi n’wi byela hi Matsalwa man’wana.

¹⁹¹ A ku, nakolorhi wa kahle lonkulu na sigarete evokweni ra yena, u teri, “Nkul. Branham, ndzi xichudeni xa Bibele.”

Ndzi ku, “Ndzi tsakile ku twa sweswo.”

¹⁹² A ku, “Sweswi ndzi lava ku switiva leswaku hi swihi swiyila-yilani leswi, mi chaja swidukwana leswi mi swi rhumelaka ehandle, swiyila-yilani sweswo swintsongo swa ku khongelela swidukwana niku swi rhumela ehandle, ‘swiambalo swa vona swa ntoto,’ mi swi vitanisa xiswona, ‘xiambalo.’” A ku, “Swingaleswi mi chaja swona.”

Ndzi ku, “Ee, nkulukumba. A kuna ku swi chaja.”

Hiloko a ku, “Kunene, eka swiyila-yilani leswi.”

¹⁹³ Ndzi ku, “U swi vitana swiyila-yilani, nkulukumba. Wa ha ku ndzi byela kungari khale leswaku a wu ri xichudeni xa Bibele.”

A ku, “Ndzi xona.”

¹⁹⁴ Ndzi ku, “Ndzi tshaheli Mintirho 19:11.” Vutivi! U tiphasile yena hi yexe eka yona, u ringetile ku ncinka nhloko-mhaka. Ndzi ku, “Swingaleswi ndzi tshaheli Yohana 5:14.” A nga swi endlanga. Ndzi ku, “Swingaleswi Yakobo 5:14.” A nga swikotanga. Ndzi ku, “Xana wa yi tiva Yohana 3:16 xana?” Wa vona? Vutivi, byo saseka, bya misava! Kambe loko...

¹⁹⁵ A ku, “Kambe, Nkul. Branham, u le ku ringetenka ku ringeta nandzu lowu hi Bibele. Hina hi wu ringeta hi milawu ya tiko.”

¹⁹⁶ Ndzi ku, “Nkulukumba, xana a hi milawu ya tiko leyi yi nga kongomisiwa eBibeleni xana? Swingaleswi i vululami.” Amen! Hakunene.

¹⁹⁷ Vutivi; byi nga ri bya misava. Vutivi bya Ximoya bya Rito, ku tiva leswi Xikwembu xi nga swivula, ku endla leswi Xikwembu xi nga swivula, hi swona sweswo. Kutani loko u ri na swona sweswo nakona u pfumela swilo leswi, leswaku ka hari Yena eka hinkwaswo swilo leswi Rito ri vula leswaku i ntiyiso, u hikahata xin'wana na xin'wana hi "amen." Swi lulamile. Engetela sweswo eka ripfumelo ra wena. Sweswo hi swona. Ina.

¹⁹⁸ Loko un'wana a ringeta ku mi byela, leswaku, "Bibebe yi lahlekeriwile hi matimba ya yona. Ku hava xo fana ni lexi va nge i nkhuvulo wa Moya wo Kwetsima." A haa. U nga swi engeteli sweswo. A swi nge tirhi. Swi tawa swi suka. Tani hiloko u damarheta vumba eribyeni, byi ngaka byi nga tiyi. Byi ta nhlahlekta.

¹⁹⁹ Kutani vanhu va mi byela leswaku, "Bibebe a ya ha tshembheki namuntlha. Wena tivoneli sweswi. U nga fambi u ri karhi u pfumela sweswo. A swi ntiyiso." Mi swi twile sweswo nkarhi hinkwawo. Ku vulavula loku ntsongo, "U ngaka u nga tshembhi Bibebe." Kunene, loko-loko mi ri na sweswo emiehleketweni ya n'wina, mi nga–nga ringeti ku swi engetela, hikuva swingaka swi nga tirhi. Muako hinkwawo wu ta wela ehansi kwalahaya.

²⁰⁰ Wu fanele wu vumbiwa hi Moya wo Kwetsima. Ndzi vula ku khomana kun'we, ridaka leri ri wu lemelaka. Ni leswi swi swi lemelaka... Ma yi tiva ndlela...

²⁰¹ Chupu leri nga endliwa hi vhalkhanayizi minkarhi hinkwayo ri teka nkarhi wo leha kutlula xitlhivi xa khale lexi xi nga tlhiveriwa. Ku hisa nyana ku khomelela eka xitlhivi xa khale lexi xi nga ethayereni, xosungula lexi mi xi tivaka, ku endla leswaku thayere lero ri hisa nyana, ri tsutsuma nyana swintsongo, kutani ri ta n'oka. Ina, nkulukumba. Wa vona?

²⁰² Kutani yaleyo hi yona mhaka laha swi nga na vanhu votala namuntlha. Va ringeta ku damarhela vutivi bya vona eka yutivi bya misava, hi glulu nyana ya khale ya misava, kutani, loko miringo yi ta, "Kunene, kumbexana ni hoxile." Wa vona? Kutani moya wu famba, u va u phya hi timinentse tintsongo. Hinkwako ku huwelela ka wena niku tlulela ehenhla nile hansi ku nga ha ku pfuni nchumu. Vanhu va ku vona u ri endzhaku eka tlhivi leriya nakambe. Wa vona? Sweswo hi swona.

²⁰³ Kambe loko u tshama kwalahaya ni mbilu leyi yi ringaneleke ya Moya wo Kwetsima, ku kondza laha wu ku endlaka chupu rin'we. Sweswo hi swona. Wena na chupu mi va xin'we. Loko u ta tshama kwalahaya ku kondza wena na xitshembhiso xin'wana na xin'wana xa Xikwembu mi vaka xin'we, kutani engetela sweswo eka ripfumelo ra wena. Loko u nga swilavi, u nga engeteli nchumu eka hinkwaswo.

Mi ri, “Rito ringaka ri nga tshembhiwi.” U nga ringeti ku engetela sweswo.

²⁰⁴ Mi ri, “Switshembhiso leswi nga lahawani, swa nkhuvulo wa Moya wo Kwetsima, a wu hlayeriwela va apostola va khume mbirhi ntsena,” tani hi tikereke tin’wana namuntlha ti nge, u nga ringeti ku swi endla sweswo. Kwalahaya hilaha masungulo ya vona ya nga kona, hinkwavo ka vona va lamarile. Wa vona? Tani hilaha Ozias a ri ha kona, madyambu ya tolo, loko a tava a vonile masungulo ya wanuna loyi lawa a tshembhela eka wona, hinkwavo ya n’wi lamatile, a biwile hi nhlokonho, a swingari kahle. Sweswi, “Ntsena a swi ri swa va apostola va khume mbirhi, va apostola va khume mbirhi ntsena.”

²⁰⁵ A ndzi rhelerile eka Makwerhu Wright...Ndzi pfumela leswaku va le ndzhaku kun’wana lahaya. Madyambu man’wana, a kuri ni muministara ehansi kwalahaya, a ndzi ri eku vulavuleni, ni ri na mune kumbe ntlanu wa vachumayeri. Muchumayeri loyi u tlakukile a ku, “Sweswi, ndzi lava ku mi byela swin’wana vanhu va mina vo rhandzeka. Oho, ndzi ehleketa leswaku mi vanhu va kahle.”

²⁰⁶ Ndzi ku, ndzi byerile un’wana, ndzi ku, “Yaloye—yaloye hi un’wana wa kona a nga tshama lahaya. Langutani.”

²⁰⁷ Swingaleswi, Junior Jackson, endzhaku lahaya, ntsena u kumekile a ri karhi a vulavula. Hiloko a ku...a ri eku chumayeleni hi tintswalo ta Xikwembu. Oho, mina!

²⁰⁸ A ri eku tshweni, a rindzerile. U yimile kwalahaya nakona a ri eku ringetenka ku twisisa. “Sweswi, ndzi lava ku vula leswaku Nkul. Branham loyi a nga lahawani, ndza mi byela, hi yena antikreste.” Kutani u sungurise xisweswo, vusiku hinkwabyo.

²⁰⁹ Van’wana va vachumayeri va sungurile...Ndzi ku, “Yimani nyana. Sweswi, mi nga vuli nchumu, vamakwerhu. Kuna un’we ntsena wa vona ni ntlawwa wa hina.” Ndzi ku, “Ntsena n’wi tshikeni a ri yexe sweswi. U pamburile mina.” Ndzi swi lavile, hi yumina, ku biha ngopfu, a ndzi switivanga leswaku ndzi nga endla yini. Wa vona?

²¹⁰ Swingaleswi, a ku, “Nkul. Branham hi yena antikreste,” nakona u yile emahlweni niku vula hinkwaswo mi swi tivaka, ha mina. A ku, “U vurile lahaya, ‘A ku nkhuvulo wa Moya wo Kwetsima.’” A ku, “Bibele yi teri a va ri khume mbirhi ntsena lava va nga kuma Moya wo Kwetsima.” Loko u vulavula hi ku hanyisiwa ka swa Vukwembu, “I va apostola va khume mbirhi lava a va ri niku hanyisa ka swa Vukwembu.” A ku, “Ha vulavula loko Bibele yi vulavula, ha miyela loko Bibele yi miyela.” Ndzi yimile ku kondza a ti gudlagudla ku ringana hafu ya awara kwalahaya.

²¹¹ Ndzi ku, "Yima nyana. Ndzi tsale swo tala lahawani," ndzi ku, 'ndzi nyiketi nkarhi wa ku hlamlula swin'wana." Kutani loko ndzi tlakuka, ndzi ku, "Wena nkulukumba, u vule leswaku wa 'vulavula laha Bibele yi vulavulaka,' kereke ya yena yi swi endlile, 'nikuva yi miyela laha Yi miyelaka.' Hinkwenu ka n'wina mi timbholi. 'Ina.'" Ndzi ku, "Sweswi, a ku 'A kuri va khume mbirhi ntsena lava va nga amukela Moya wo Kwetsima.' Bibele ya mina yi ri akuri na dzana na makume mbirhi, xibakele xosungula." Amen! Hi muxaka wolowo wa ku humesa vutivi, maswivona, leswi a ri eku swi ringeten.

²¹² Ndzi ku, "Swingaleswi Paul a nga kalanga a amukela Moya wo Kwetsima loko a ku i wu amukerile xana." Wa vona?

²¹³ Ndzi ku, "Ehansi eka . . . Loko Filipi a tava a enhlela ehansi a ya chumayela ma-Samariya. Va khuvuriwile hi Vito ra Yesu. Ntsena, Moya wo Kwetsima a wu tanga eka vona. Kutani va rhumiwile ku ya teka Petro na Yohana, va ta va fika va va tlhandleka mavoko, hiloko Moya wo Kwetsima wu ta eka vona. Ndza pfumela leswaku valava a va ri va khume mbirhi xana?"

²¹⁴ Ndzi ku, "Eka Mintirho 10:49, loko Petro a ha ri eka yindlu yale henhla, kutani loko a ta vona xivono xa leswaku vaya eKoleniya. Loko Petro a ha vulavula marito lawa, Moya wo Kwetsima wu wele eka vona lava va nga twa Rito." Ndzi ku, "Bibele ya ha vulavula na sweswi. Kereke ya wena yi le kwihi?" Yi le ndzhaku eka leswaku yi tava kona. Hi swona. Wa vona?

²¹⁵ Ndzi ku, "Ku hanyisiwa hi swa Vukwembu, u teri, 'Ntsena i va apostola va khume mbirhi lava a va ri na ku hanyisa ka swa Vukwembu.' Bibele yi vule leswaku Stefano u rhelele a ya Samariya a ya hlongola madimona niku hanyisa vavabyi, nakona ku vile ni ntsako lowukulu etikweni. Nakona a ngari un'wana wa lava va khume mbirhi. A nga ri muapostola. A ri mudiyakoni." Amen. Amen.

²¹⁶ Ndzi ku, "Nakona Paul a ngari un'wana wa lava khume mbirhi a va ri eka kamara rale henhla, nakona a ri na nyiko ya ku hanyisa."

²¹⁷ Ndzi ku, "Ntsena langutisa tinyiko to hanyisa! Kutani u dewula eka tona, endzhaku ka makume nharhu wa malembe, a ha ri eka va-Korinto, a ri karhi a xixima tinyiko to hanyisa eka Mirhi wa Kreste." Oho, mina!

²¹⁸ Sweswi, vutivi byebyo lebyi u nga byi dyondza eka buku yin'wana, swa antswa u byi cukumetela ethinini ra thyaka. Tana eka lebyi vutivi. Loko Xikwembu xi teri, "Hi yena tolo, namuntlha, ni hilaha ku nga heriki," i ku, "Amen." Ina, nkulukumba. Ina, nkulukumba. Kungari lava va khume mbirhi; i bya hinkwavo. Loko u kuma muxaka walowo wa—wa

ripfumelo, loko ripfumelo ra n'wina ri swi hikahata, xin'wana na xin'wana, hi "amen," kutani u ri, "Hi swona," engetela sweswo eka rona.

²¹⁹ Xa vumune. Hi fanele ku hatlisa, hikuva ndzi ntsena... Ntsena i titwa kahle loko u yima lahwani u vulavula hi swona. Amen. [Makwerhu a ku, "Hi le ku tiphineni."—Muhleri.] Ina. Xa vumune... Ndza khensa.

²²⁰ Engetela "ku tikhoma." Oho, mina! Hi fikile eka ku tikhoma. Sweswi, mi vile ni ripfumelo, xo sungula; mi fanerile kuva na sweswo, ku sungula hi swona. Kutani u engetela vunene eka ripfumelo ra n'wina, loko kuri muxaka lowunene wa vunene. Kutani mi engetela vutivi, loko kuri muxaka lowunene wa vutivi. Sweswi mi ya engetela ku tikhoma.

²²¹ Ku tikhoma a swi vuli leswaku, "u tshika ku nwa xihoko," lahwani, hambi. Ee, ee. Ku tikhoma a swivuli ku tshungula xihoko, kungari eka mhaka leyi. Lebyi i vutikhomi bya xi Bibele, vutikhomi bya Moya wo Kwetsima. Sweswo ntsena kova swin'wana swa ku navela ka nyama, kambe hi vulavula hi kutikhoma ka Moya wo Kwetsima. Sweswo swivula leswaku, i ri lawula njhani ririmi ra wena, kungari leswaku u va muhlevi; hilaha u nga lawulaka hakona xifafa xa wena, kungari ku tshama u ri karhi u haha masiku hinkwawo un'wana na un'wana loyi a vulavulaka swa ku tlhava wena. Oho, mina!

²²² Jaha, vunyingi bya hina hi ya eku weni hi nga se sungula, a hi ngevi tano xana? Wa vona? Kutani ha hlamlala leswaku hikokwalaho ka yini Xikwembu xi ngari kona eka Kereke ya Xona, leswaku va endla mahlori lawa va nga ya tolovelu ku ma endla. Ina, nkulukumba. Wa vona?

²²³ Engetela swilo leswi. Engetela ku tikhoma eka swona. Oho, ku tikhoma, xana u hlamlula njhani hi vumunhu loko vukarhi byi vulavula na wena. Un'wana u ri, "N'wina ntlawa wa vakwetsimi lava va vumbulukaka ehansi lahaya!" Mi nga tluleli ehandle mi petsa na mavoko ya n'wina sweswi. Wa vona? Kungari sweswo. Kambe vulavula hi rirhandzu ra vukwembu, ku tikhoma, ku yingisela. Xana hi yona ndlela leyi u lavaka kuva ha yona xana? [Nhlengeletano yi ku, "Amen."—Muhleri.] Loko u khunguvanyeka eka swin'wana, u nga tlheriseli hi ku khunguvanyeka. Mi nge Yena a va xikombiso xa n'wina.

²²⁴ Loko va ku, "Loko U ri N'wana wa Xikwembu, hundzula maribye lawa ya va vuswa," A tava a swi endlile, niku kombisa leswaku hi Yena Xikwembu. Kambe A ri ni ku tikhoma. Loko va tava va N'wi vitanile, "Beelzebub," U teri, "Ndza mi rivalela eka sweswo." Hi swona sweswo? Va tsuvurile malevhу exikandzeni xa Yena, va tlhela va n'wi tshwutela exikandzeni xa Yena, va ku, "Xika exihambanweni!"

²²⁵ A ku, "Tatana, va rivaleli. A va xitivi lexi va xi endlaka."

²²⁶ Loko, A hari na nyiko, A tiva swilo hinkwaswo, hikuva eka Yena kuna ku hetiseka ka mirhi wa vukwembu. Va N'wi vonile loko a endla masingita, hi ku byela vanhu leswi swi nga hoxeka ha vona, ni kuya emahlweni tani hi sweswo. Va n'wi pfarile hi gume enhlokweni ya Yena tani hi sweswo, emahlweni ya Yena, kutani va N'wi ba enhlokweni hi nhonga, va ku, "Profeta, hi byeli leswaku i mani loyi a nga Ku ba. Hi ta ku pfumela." Wa vona? A ri na ku tikhoma.

²²⁷ Sweswi, loko mi swi kumisa xisweswo, engetelani eka ripfumelo ra n'wina. Loko wa ha haha niku cema, niku ba mpongo, niku rhasa, ni kuya emahlweni, a haa, u hava na... U ngaka u nga swi engeteli sweswo, hikuva a swi nge engeteleki. Wa vona? Swingaka swi nga tsanyuki. A wu nge swikoti ku teka xiphemu xa rhaba, maswitiva, mi xi ndlandlamuxela eka xiphemu xa nsimbhi. Ntsena swi ngaka swi nga tirhi. Ee, yi fanele yi va leyi yi vevukeke, tani hilaha rhaba yi nga xiswona. Wa vona? Kutani loko ripfumelo ra wena niku tikhoma ka wena kuva muxaka wun'we wa ku tikhoma ka Moya wo Kwetsima lowu Yena a ri na wona, kutani swi ta ndlandlamuxa na Yena. U swi engetele eka byona.

Loko vunene bya n'wina byi kotisa vunene bya Yena, kutani byi ta engeteleka eka byona.

²²⁸ Loko vutivi bya n'wina byi kotisa vutivi bya Yena, "Ndzi ta eku endleni ka ku rhandza ka Xona, O Xikwembu." Wa vona? Na Rito ra Tatana, U hlurile dimona rin'wana na rin'wana. Matilo na misava swi ta hundza, kambe Rito ri ngaka ri nga hundzi. Wa vona? Loko mi kuma muxaka walowo wa vutivi, swi ta ndlandlamuka na ripfumelo ra n'wina.

²²⁹ Loko u kuma ku tikhoma ka muxaka lowunene, tani hi loku Yena a nga na kona, ku ta tlhandlamuka. Loko u ri hava, wo va ntsena munhu loyi a nga akiwa hafu, wa ripfumelo ro lovekiwa, kumbe ku tikhoma, "Oho, a ndzi fanele ndzi n'wi phakatile a wela ehansi, kambe—kambe kumbexana swa antswa ndzi nga swi endli, hikuva va nga ha nghenisa vito ra mina a phapheni ha swona." Walowo a hi muxaka wa ku tikhoma lowu A vulavulaka ha wona. U nga ringeti ku swi engetela. A swi nge tirhi. Kambe loko u nga swikota hakunene, niku nyanganya loku ku humaka embilwini ya wena, rivalela munhu un'wana na un'wana, khomelela ku rhula ka wena, ku pfumeleli ku famba, wa vona, kutani swi ta ndlandlamuka. U nga ha engetela eka ripfumelo ra wena. Yhoo!

²³⁰ A swi hlamarisi loko kereke yi komile. A hi swona sweswo xana? A swi hlamarisi. Ndzi nga ha ku, "Hundzukani mi khuvuriwa, Bibele yi vula tano, hi Vito ra Yesu Kreste." Nakona Trinitarian leyi yi nga tiyimisela a yi swi pfumeli sweswo, yi ri, "Sweswo i vuantikreste bya khale. Hi yena Vito ra Yesu. Hi yena Jesus Only." Languta ehandle, jaha, a ndzi

ku tivi ku tikhoma ka wena sweswi. Wa vona? Hikokwalaho ka yini u nga ti, i ku, "A hi swi anakanyi swin'we Leswi, Makwerhu Branham. Ndzi tsakela ku twa Leswi loko swi hlamuseriwa"? Wa vona? Kutani tana u ta Swi yingisela. Nakona Swi vekiwile emahlweni ka wena, kutani u fambela ekule; hi ta—hi ta nghena eka sweswo eka timinetse tintsongo, eka "vukwembu," wa vona. Kambe loko u-loko u haha u tichuchile, u lava krtlula xiboho xin'wana na xin'wana, a haa, sweswo—sweswo a hi swona. Wa vona? A mi na ku tikhoma ka Bibele hambi loko u swi endla sweswo; u hlamula njhani loko u tlherisela. Kutani loko u ri na swona hinkwaswo leswi, u nga ha engetela leswi eka ripfumelo ra wena.

²³¹ Swingaleswi, endzhaku ka sweswo, xa vumune, u lava ku engetela ku yingisela eka ripfumelo ra wena. Loko u ri na ripfumelo, "ri tirha ku yingisela," Bibele yi vule tano. Wa vona? Swingaleswi, *leswi* i ku yingisela. Sweswi, xexo i xa vumbirhi lexi xi yaka eku akeni ka xivumbeko lexi. Maswitiva, Xikwembu xi na nhundzu ya ntiyiso eka Muako wa Xona.

²³² Maswivona leswaku hi kome njhani, buti, sesi? Wa vona? Maswivona leswaku hikokwalaho ka yini, hi le kwihixana? Ina, nkulukumba. Wa vona? Hi na ku kwetsima, hi va na ku huwelela na swin'wana, hikuva hi na ripfumelo. Kambe loko hi ta eka swilo leswi *lahawani*, Xikwembu xi ngaka xi nga hi aki eka xivumbeko xexo. Wa vona? A Xi nge swi endli. Xi ngaka xi nga hi endli hi va ehenhla eka ndhawu ya muxaka walowo. Hi ri na swilo leswi hinkwaswo. Hi wa, hi vumbuluka na swona. Wa vona? Xi ngaka xi nga swikoti ku aka Kereke ya Xona.

²³³ Ku tiyisela na yini? I muxaka muni wo tiyisela xana? Xosungula, i kuva na ku tiyisela na Xikwembu. Loko u ri na ra ntiyiso, ripfumelo ra xiviri, u tava naku tiyisela ka xiviri, hikuva ripfumelo ri tirha hi ku tiyisela. Loko Xikwembu xi vula swin'wana, wa swi pfumela. Hi swona hinkwaswo. U va na ku tiyisela.

²³⁴ U ri, "Kunene, ndzi Xi komberile madyambu lawa ya nga hundza leswaku xi ndzi hanyisa, nakona ndza ha vabya mixo lowu." Oho, mina! I ku tiyisela ka njhani?

²³⁵ Xikwembu xi byerile Abraham, nakona endzhaku ka makume mbirhi-ntlhanu wa malembe a ku pfumaleka na singita rin'we. A ha pfumela. A tiyisela na Xikwembu. A haa.

²³⁶ Minkarhi hinkwayo Xi rhangiseni. Xi pfumeleleni xi va nchumu lowu wu landzelaka eka ku tsemekanya. A wu nge swikoti ku Xi tsemekanya, swingaleswi minkarhi hinkwayo Xi rhangiseni. "Xi vule tano, nakona swi ya eku humeleleni." Wa vona? Xi rhangiseni. Hi swona sweswo.

²³⁷ Nowa a ri nikti tiyisela. Ina. Nowa a ri na ka ntuyiso, ku tiyisela ka vukwembu. Xikwembu xi teri, "Ndzi ya hlasela misava hi mpfula," nakona Nowa u chumayerile dzana

na makume mbirhi wa malembe, hambi swi ri tano. A ri ni vunyingi bya ku tiyisela. Ku hava na thonsi leri ri weke hile Tilweni. A kuri hava nchumu. Ntsena tani hi ritshuri tami hilaha ri nga tshama ri va kona, kuringana dzana na makume mbirhi wa malembe, kambe a yingisela.

Swingaleswi, Xikwembu xi ringeta ku tiyisela ka n'wina. Sweswo hi swona. Xikwembu xa va ringeta.

²³⁸ Endzhaku kaloko Xi byerile Nowa, sweswi Xi teri, "Nowa, Ndzi ku lava u ya emahlweni u nghena engalaveni. Ndzi ta nghanisa swiharhi kwalahaya, nakona Ndzi—Ndzi ku lava u nghena endzeni. Gonya u ya eswitepisini swale henhla, sweswi, swingaleswi u nga ha languta ehandle, hi fasitere ra le henhla. Sweswi, Ndzi ku lava u nghena kwalahaya. Ndzi ku lava u byela vanhu, 'Mundzuku, leswi A ndzi swi chumayela kuringana dzana na makume mbirhi wa malembe, swi ya eku humeeleni.' Hi swona, u rhelela ehansi u ya va byela."

²³⁹ Xana sayini yo sungula a yi ri yihi? Nowa u nghenile engalaveni. A kuri hava mpfula. Nowa a tilulamisela, kutani a ambala xiambalo xa mpfula, na hinkwaswo, leswaku a nga languta ehandle, kan'we hi xinkadyana. A ti lulamisela. Kambe hi siku leri tlhandlamaka . . .

²⁴⁰ Ndzi pfumela leswaku a nga va a byerile ndyangu wa yena, ni n'wingi wa yena ni hinkwavo, a ku, "Oho, mina! Mundzuku u ya vona swin'wana leswi u nga se tshamaka u swi vona. Hikuva, hinkwako eswibakabakeni, swi tava swa ntima. Kutani ndlati na rihati swi ta teka ndhawu. Ntlharhi lerikulu ra Xikwembu ri taya ri ya hatima exibakabakeni. Xi ya eku avanyiseni ntlawa lowu wa vadyohi lava va nga hi tekela ehansi, kuringana malembe lawa ya dzana na makume mbirhi. Ntsena languta u vona." Wa vona?

²⁴¹ Van'wana va vapfumeri va hafu, ma swi tiva, lava va nembeleleke hinkwako kutani va nga ngheni hambi kuri ku nghena, ma swi tiva. Wa—wa hari na vona, ma swi tiva. Swingaleswi va—va vatile, va ku, "Kunene, mukhalabya a nga hava a ri na ntiyiso, swingaleswi hi taya ehenhla hi ya rindzela masiku mantsongo, kumbe ku rindzela tiawara tintsongo emixwensi, kutani hi vona."

²⁴² Siku leri tlhandlamaka, ematshan'wini ya papa ra ntima, hi leri dyambu rixaka tani hi ntolovel. Nowa a languta ehandle. A ku, "Heyi, kuhava na papa."

²⁴³ Munhu ya loye u fike, a ku, "A ha, ndza ku tiva a wu ri un'wana wa vona. Ma swi vona, u le ku nembeleleni lahwani."

²⁴⁴ "Kunene, ndzi khomel, nkulukumba. Ha-ha. Kumbexani ntsena ndzi—ndzi—ndzi, ma swi tiva, ntsena a hisekela, ma swi tiva. Swa muxaka wolowo, wa vona. Ha-ha-ha."

²⁴⁵ Kambe, Nowa, a ri ni ku tiyisela. U teri, “Loko yi nga ni namuntlha, yi tana mundzuku.” Hikokwalaho ka yini? Xikwembu xi vule tano.

“Xana Xi ku byele rini sweswo, Nowa?”

²⁴⁶ “Hi malembe ya dzana na makume mbirhi lama nga hundza. Ndzi huma ekule loku, swingaleswi ntsena ndzi yi rindzerile lahawani sweswi.” Ma swi vona sweswo xana? Endzhaku nyana . . .

²⁴⁷ Hi kuma leswaku, Xikwembu xi huma ekule loku, xi rindzerile Kereke, na yona, kambe Yi tava lahaya. N’wina mi nga vileli. Xi Yi tshembhisile.

²⁴⁸ Hinkwerhu hi rindzerile ku pfuxiwa ka vafi. Ku tava ni van’wana. Mi nga vileli. Xikwembu xi swi tshembhisile. Ntsena rindzelani hi ku lehisa timbilu. Ma etlela, sweswo a swi nga endleki . . . Mi fanele ku va ni vurhongo nyana swi nga si humelela, kambe mi ta pfuka hi nkarhi wolowo. Xi swi tshembhisile, ma swi vona. Vurhongo, wa vona, lebyi hi byi vitanaka vurhongo bya rifu, ma swi tiva. Lebyi hi byi vitanaka rifu, ntsena swirhongwana, kumbe ku etlela eka Kreste. Ku hava swo fana ni ku fela eka Kreste. Vutomi ni rifu a swi hanyi xikan’we. Wa vona? Ntsena hi va ni vurhongo, vurhongo lebyi vanghana va hina va nga ta ka va nga hi vitani eka byona. Hi Yena a ri Un’we loyi a nga hi vitanaka. “Loko A ndzi vitana, kutani ndzi ta N’wi hlamula,” ku vule Yobo. Yobo u etlerile sweswi ku ringana mune wa magidi wa malembe. Mi nga vileli. U ta—u ta pfuka. Mi nga vileli. Wa ha ri eku rindzeleni.

²⁴⁹ Nowa u rindzerile. Siku ra vumune ri hundzile. Ku nga ri ni mpfula. Hinkwaswo swi kahle. Swi ta humelela.

²⁵⁰ Ndzi nga ha twa Manana Nowa loko a ta a ku, “Papa, xana u ti- . . . ?”

“U nga vulavuli hi mukhuva walowo.”

²⁵¹ A ri ni ku yingisela, hikuva a ri ni ripfumelo. Ina, nkulukumba. A ri ni vunene. A ri ni vutivi bya leswaku Xikwembu a xi lulamile. A ri ni vutikhomi. A nga hahanga a tichucha, a ku, “Kunene, a ndzi swi tivi leswaku swi vula yini. Ndzi lahlekeriwile hi xidumo xa mina kwalahaya ehandle.” Ee, ee. “Vanhu a va hari na mhaka na mina. Ndzi ta ya ehandle lahaya ndzi sungula, hi vutshwa nakambe.” Ee, ee. A ri ni ku yingisela. Xikwembu xi swi tshembhisile. Xikwembu xi ta swi endla. Xikwembu xi ta swi endla, hikuva Xikwembu xi vule tano.

²⁵² Kutani ndzi nga ha vona jaha ra yena ri ta, ri ku, “Papa, wa swi tiva . . . ” A tlhandleka voko ra yena ehenhla ka misisi ya yena leyo leha yo basa, ma swi tiva. Kutani a ri ni dzana ra malembe hi vukhale, ma swi tiva, a tshamile lahaya. A ku,

“Ndza switiva leswaku u mupatriarka wa khale. Ndza—ndza ku rhandza, papa. Kambe swi nga endleka leswaku u ri ni ku hoxisa swintsongo xana?”

“Oho, ee. Ee.”

“Xana hikokwalaho ka yini?”

“Xikwembu xi vule tano!”

²⁵³ “Kunene, papa, leri i siku ra vuntsevu hi tshamile lahawani ehenhla. Hi tshamile lahawani eka ngalava ley Leyikulu, yakhale, yo oma yi nga tshama lahawani. Nakona yi boxeboxekile, endzeni nile handle. Kutani a hi ri eku yi akeni malembe lawa hinkwawo. Kutani u yimile ehandle lahayu u chumayela, ku kondza u basa nhloko u tlhela u va na mpandlha. Kutani u lahawani ehenhla sweswi, u le ku ringetenka kuvula *leswi na leswi*. Kutani vanhu va le ku hlekeli, va hoxetela na matamatisi yo bola ni swin’wana ethelo ra yona. Languta lahayu leswi u swi endlaka. Hikokwalaho ka yini, ma swi tiva . . .”

“Tiyisela, jaha.”

“Xana u ni ntiyiso xana?”

“Yi ta na!”

“N’wingi wa yena a ku, “Tatana, wa swi tiva . . .”

“Yi ta na!”

²⁵⁴ “Kambe malembe lawa hinkwawo, hi rindzerile. Hi lulamiserile. Kutani u hi byerile leswaku yi ta na, vhiki leri nga hundza. Kutani ha hari kwala e ndzeni, ni tivati tipfariwile hinkwato, kutani ho jikajika kwala ndzeni ntsena, ni dyambu ri vavuka tani hi ntoloveloo.”

“Kambe yi ta na!”

“U swi tiva njhani xana?”

“Xikwembu xi vule tano!”

²⁵⁵ Sweswi hi swi kuma hi ndlela yaleyo, swi engeteleni. Kambe loko mi nga swi kumangi hi ndlela yaleyo, mi nga—mi nga ringeti ku swi engetela. A swi nga tirhi. A swi nga tirhi eka ku hanyisa. A swi nga tirhi eka nchumu. Wa vona? Swi fanele ku bendela endeni hi switirhisiwa swo fana leswi swi ndlandlamuxaka. Hi swona sweswo. Mi fanele ku swi engetela. Tiyiselani eka xitshembhiso xa Xikwembu. Ina, nkulukumba. Nowa a swi pfumela. Nakona a ri ni ku tiyisela eka Xikwembu, dzana na makume mbirhi wa malembe.

²⁵⁶ Muxe, a tiyisela eka Xikwembu. Ina, nkulukumba. “Muxe, Ndzi twile ku rila ka vanhu va Mina. Ndzi vonile ku vaviseka ka vona. Ndzi enhlile ku ta va kutsula. Ndzi ya rhumela wena.”

²⁵⁷ Ni ku hambana kuntsongo exikarhi ka yena ni Xikwembu, kutani Xikwembu xi n’wi kombile ku kwetsima ka Xona. A ku, “Hi mina loyi ndza famba.” Loko a tshame a vona ku kwetsima ka Xikwembu, ma swi vona, a ri ni ripfumelo.

Xi ku, “Xana i yini lexi nga vokweni ra wena, Muxe?”

A ku, “I nhonga.”

A ku, “Yi cukumeteli ehansi.”

Yi hundzukile nyoka. A ku, “Oho, mina!” U sungurile . . .

²⁵⁸ Xi ku, “Yi khome, Muxe. Loko Ndzi kotile ku yi hundzula nyoka, Ndzi nga tlhela ndzi yi hundzula nakambe.”

²⁵⁹ Aha! [Makwerhu Branham a phokotela mavoko ya yena ka nharhu—Muhleri.] Amen! Loko Xikwembu xi nga ndzi nyika vutomi bya ntumbuluko, Xi nga ha ndzi nyika Vutomi bya ximoya! Loko Xikwembu xi nga ndzi nyika ku tswariwa loku ko sungula, Xi nga ha ndzi nyika ni ku Tswariwa ra vumbirhi! Amen! Loko Xikwembu xi nga hanyisa *leswi*, hi ku hanyisa loku ku nga ka Vukwembu, Xi nga ha swi pfuxela nakambe evukwetsimeleni bya Xona, hi siku ro hetelela. Hi swona sweswo.

²⁶⁰ “Ndzi nga ha hoxela nhonga leyi ehansi kutani yi hundzuka nyoka. Ndzi nga ha tlhela ndzi yi hundzula nhonga. Yi khome hi ncila.”

²⁶¹ Muxe u korhamerile ehansi kutani a yi khoma. Kwalahaya a yi ri kona, nhonga. U sungurile ku engetela vutivi manuku. Wa vona?

“Xana ku humelela yini hi voko ra wena, sweswi, Muxe?”

“A ku na nchumu.”

“Ri hoxe exifuveni xa wena.”

²⁶² “Swi lulamile. Ku nga . . .” Ri basile hi nhlokonho. “O Hosi, languta voko ra mina!”

“Ri tlheriseli exifuveni xa wena, Muxe.”

²⁶³ U ri tlheriserile hi mukhuva *wolowo*, ntsena ri hundzukile ri va . . . Ntsena u sungurile ku swi engetela hi ndlela *leyi*, swingaleswi, wa vona. Ina, nkulukumba.

²⁶⁴ U rhelerile ehansi kwalahaya. Kutani ku hambana ko sungula . . . U fikile kwalahaya ehansi. A ta a huma kwalahaya a fika a ku, “Hosi Xikwembu xi teri, ‘Ntshika vanhu va Mina va famba.’ Faro, ndzi lava leswaku u tiva leswi. Ndzi ta tani hi muyimeri wa Xikwembu. U fanele ku ndzi yingisa.”

²⁶⁵ Faro a ku, “Ku yingisa? Xana wa swi tiva leswaku ndzi mani xana? Ndzi Faro. Ndzi yingisa wena, nhlonga?”

²⁶⁶ A ku, “U ta ndzi yingisa, kumbe u lovisiwa. U ta endla xin’wana xa leswi u swi lavaka.” Hikokwalaho ka yini? A swi tiva leswi a vulavulaka hi swona. A ri ni xileriso. A ri ehansi kwalahaya. A vulavurile na Xikwembu. A ri ni ripfumelo. A tiva laha a ri kona.

“U lava leswaku ndzi yingisa wena? Suka lahwani!”

“Ndzi ta ku kombisa.”

“Ndzi kombisi xikombiso.”

U hoxile nhonga ehansi; yi hundzuka nyoka.

²⁶⁷ “Hikokwalaho ka yini,” u teri, “ya lawa i mano nyana ya masalamusi yo chipa! Tana lahawani xinkadyana. Tanani lahawani, Yanne, wena na Yambre, hoxani tinhonga ta n’wina ehansi.” Va tihoxile ehansi, kutani ti hundzukile tinyoka.

²⁶⁸ A ku, “Sweswi, wena nchumu wo chipa, tana lahawani eka mina, mu-Egipta, Faro wa Egipta. Kutani u ta lahawani ni mano nyana ya masalamusi yo chipa, vuxisi nyana bya wena,” ma swi tiva, ku hlaya miehleketo. Ma swi tiva leswaku ndzi vula yini. Ndza tshembha leswaku mi le ku hlayeni ha swona. “Ku kanganyiseka ka miehleketo kumbe swin’wana, wa swi vona, ina, u ta lahawani ni swin’wana swa sweswo.” A ku, “Kunene, hi nga endla swo fana ni leswi u swi endlaka.”

²⁶⁹ Xana Muxe a ri mani? A nga kalanga a ku, “Oho, Nkul. Faro, ndza—ndza tisola, nkulukumba. Ndzi tava nhlonga ra wena.” Ee, nkulukumba.

²⁷⁰ U yimile a nga ninginiki. Amen. A yima kwalahaya. Xikwembu xi teri, ntsena a nga ri niku kanakana embilwini ya yena, “Miyerisa xi sweswo. Ndzi ta ku komba swin’wana.” Loko u endlile leswi hakunene Xi nge u swi endla, swi languteka onge swi hoxekile; mi nga tsekatskeki, mi tiyisela.

²⁷¹ Muxe u teri, “Ma swi tiva, loko ndzi yi veka eka masungulo yalawa, a ku ri ni ku tiyisela kwalahaya, swingaleswi ntsena ndzi ta rindzela ku vona leswi Xikwembu xi nga ta swi endla.”

²⁷² Kwalahaya a kuri ni tinyoka ta khale, ti ri karhi ti tshombonyoka hinkwako, ti ri karhi ti pfurhetela, ti belana ni minoti. Xo sungula mi xi tivaka, nyoka ya Muxe yi fambe yi, “Mitetela, mitetela, mitetela,” kutani yi miteterile hinkwato ka tona. A ri ni ku tiyisela.

Lava rindzelaka Hosi, va tava ni matimba
lamantshwa,

Va ta haha hi timpapa kukotisa gama.

A hi swona xana? [Nhlengeletano yi ku, “Amen.”—Muhleri.]
Wa vona? Ina.

Va ta tsutsuma va nga karhali, va famba va
nga tali.

Wa vona, ntsena rindzelani Hosi. Vanani ni ku tiyisela. Wa vona? Ina, nkulukumba.

²⁷³ Swingaleswi Israel a ri ya eku humesiweni. Ku hambana lokukulu ku tile, kutani Muxe u rindzerile.

²⁷⁴ Swingaleswi u kumekile emananga. Ntsena i rendzo ra masiku manha- kumbe mune. Kova timayili ta mune wa makume kusukela laha a nga tsemekanya kona kwalahaya, kona kwalahaya va nga tsemakanya laha va nga tlhela va

tsemekanya nakambe. Kambe, Muxe, emananga, u rindzerile makume mune wa malembe. Ku tiyisela. [Makwerhu Branham a hleka—Muhler.] Amen. Hi swona sweswo. U rindzerile makume mune wa malembe. Oho! Ina, nkulukumba.

²⁷⁵ Kutani hi fanele ku tiyiselana ni van'wana, na hina. Wa vona? Nkarhi wun'wana... A hi—a hi swikoti ku lehisela van'wana timbilu. Hi ehlaketa leswaku hi fanele ku fana na Muxe. Muxe a ri ni ku tiyisela eka vanhu. Langutani, sweswo hi swona leswi swi nga endla leswaku va nga yi emahlweni. Wa vona? Loko mi ri eku ringetenka ku endla swin'wana...

²⁷⁶ Tani hi loko, ndzi ringetile ku tisa Hungu leri etabernakeleni, ku vona leswaku xirho xin'wana na xin'wana xa tabernakele xi va xi *Leswi*. Swa nonohwa ku swi endla. Ndzi ringetile ku tiyisela; leri i lembe ra yumakume nharhu-nharhu. Wa vona? Ndzi ri karhi ndzi tiyisela. Vavasati va haya emahlweni ni ku boba misisi ya vona, ntsena swa ha fana. Kambe ntsena ndzi tiyisela. Wa vona? Ntsena tiyiselani. Rindzelani. Mi fanerile. Loko mi nga ri na swona, mi nga ringeti ku swi akela eka leswi swi nga ehansi *lahawani*. Vanani ni ku tiyisela.

²⁷⁷ Hambi nkarhi wun'wana, loko ntlawa wa vanhu va marhavela va tsandzekile ku lehisa mbilu, va vangerile Muxe ku endla leswi nga hoxeka. Kambe, hambi swi ri tano, loko swi ta eka ku kombisiwa, Xikwembu xi hlambisiwe timbilu hi swiendlo swa vona. Xi ku, "Ti hambanisi na vona, Muxe. Ndzi ta dlaya ntlawa wa vona hinkwawo, kutani ndzi sungula wu ntshwa."

²⁷⁸ U ticukumeterile ekheleni, kutani a ku, "Xikwembu, u nga swi endli." Yini? Ku tiyisela vanhu lava a va n'wi endlela vurhavela.

²⁷⁹ Swa ndzi hlamarisa loko hi nga swi endla sweswo? Loko mi nga swi endli, mi nga ringeti ku aka eka *leswi*, hikuva a swi—swi nga hundzuki, ma swi tiva. Ya leyo hi yona ndlela ya lowo rhanga a nga ti ndlandlamuxela eka *leswi*, nakona yaleyo hi yona ndlela ya un'wana na un'wana wa vona a faneleke ku ndlandlamuka. Loko mi nga swi endli, a mi nga fiki eka xifaniso xa ndzhawu leyi ku tshamaka Xikwembu lexi hanyaka, loko mi nga ri na ku tiyisela, ku tiyisela, eka van'wana. Hi swona.

²⁸⁰ Vana va Vaheveru a va tiyisela. Hakunene, a va ri na kona. Xikwembu xi va tshembhisile, xi va byela leswaku, "Mi nga khinsameli xifaniso hambi xi ri xihi." Kambe a va ri ni ku tiyisela. Va teri, "Xikwembu xa hina xa swi kota. Kambe, hambi swi ri tano, a hi nga khinsameli xifaniso xa wena." Ku tiyisela, hi ku tiva leswaku, leswaku Xikwembu xi ta n'wi pfuxa nakambe hi masiku ya makumu.

²⁸¹ Vutomi lebyi a byi vuli nchumu, eka hinkwaswo. Wa vona? Xikwembu xi ta byi pfuxa nakambe hi masiku ya makumu. Kambe loko swi ta eka ku khinsamela xifaniso, hi ngaka hi nga swi endli. Sweswi, hi ta nyika Khezara leswi nga swa Khezara, kambe, loko Khezara a nghenelela eka swa Xikwembu, Xikwembu i xo sungula.

²⁸² “Xikwembu xi teri, ‘Mi nga khinsameli xifaniso xexo,’ kutani a ndzi nga xi khinsameli. Xikwembu xa hina xa swi kota ku hi ntshuxa. Loko Xi nga swi lavi, a ndzi nga khinsameli xifaniso.”

A ku, “Hi swona, ku na khele ra ndzilo.”

²⁸³ “Kunene,” u teri, “oho, ndza vhumba leswaku, mpfula yi ta na vusiku lebyi kutani swi vekeni ehandle hinkwaswo.” Kambe a swi endlekanga. A va a ha tiyisela.

²⁸⁴ Hi mixo lowu landzelaka, loko va yisiwile emahlweni ka tihuvo, lahay a ku tshamile Nebukadnetsa. A ku, “Hi swona, majaha, xana mi ti lulamiserile ku ndzi tsundzuka tani hi hosi ya n’wina xana?”

“Hakunene-nene. Hanya hilaha ku nga heriki, O hosi.”

“Sweswi khinsamelani xifaniso xa mina.”

“Oho, ee.”

²⁸⁵ “Kunene, mi ya eku hisiweni. Mi vavanuna lavo tlhariha. Mi ni malwandla. Mi vile va pfuni lavakulu eka hina. A mi ri minkateko emfun’weni wa hina. Xana a mi swi twisisi leswaku a ndzi swilavi ku swi endla leswi? Kambe ndzi endlile xihlambanyo lahayawani, nakona xi fanele ku landzeleriwa. A ndzi swilavi ku mi hoxa lahay. Oho, vavanuna, xana ku humelela yini ha n’wina xana?”

²⁸⁶ “Ndza swi tiva leswaku sweswo swi twala swi ri ni risima. Kambe, Xikwembu xa hina xa swi kota ku hi kutsula. Kambe hambi swi ri tano . . .” A va ri ni ku tiyisela.

²⁸⁷ Va sungurile kuya exiehlweni. Un’wana a languta un’wana. “Swi lulamile. Hi swona.” A va ri ni ku tiyisela. Va fambile goza rin’we, Xikwembu a xi nga ri kona kwalahaya. Magoza mambirhi, a Xi nga ri kona kwalaho. Magoza manharhu, magoza ya mune, magoza ya ntlhanu, ntsena va tshamela ro famba, hambi swi ri tani a Xi nga ri kona kwalaho. Kutani a nghena ekheleni ra ndzilo. A va ri ni ku tiyisela. Kambe a Xi ri kwalahaya. Wa vona? Ntsena ndzilo wo ringanele wu va bile, wu hisa manvhele ya mavoko ya vona na milenje. Kutani loko a fika a ba etshawkini ra khele, a Xi ri kwalahaya. Wa vona? A va ri ni ku tiyisela.

²⁸⁸ Swi ve hi ndlela yaleyo ni le ka Daniel. Daniel a ri ni ku tiyisela. Hakunene. A nga ta hela matimba. Ee, nkulukumba. Xana u endlile yini? Xi va pfulerile mafestere va khongela, hi

ndlela yin'wana. A xi ri xilaveko xa Xikwembu. A tiyisela. U rindzerile Xikwembu, hi kutiva leswaku Xikwembu xa swi kota ku hetisisa Rito ra Xona. Va n'wi hoxile ekheleni ra tinghala, va ku, "Hi lava leswaku tinghala ti ku dya."

²⁸⁹ A ku, "Swilulamile sweswo." A ri ni ku tiyisela. Hikokwalaho ka yini xana? "Kunene, ndzi rindzerile nkarchi lowu hinkwawo, eka Xikwembu. Loko kuri hi leswaku ndza ha ta rindzela magidi yo hlaya nyana ya malembe, ndzi ta pfuka hi siku ra makumu. Swingaleswi, tiyiselani, rindzelani."

²⁹⁰ Paulo a ri ni ku tiyisela. U swi endlile hakunene-nene. Langutani leswi Paulo a fanele ku swi endla. U vulavurile hi ku tiyisela!

²⁹¹ Vanhu va pentekostal vona ke? Ntsena loko va ri na xileriso lexi nge, "Rindzelani ku kondza," wa vona, "rindzelani ku kondza mi tatiwa hi Matimba." Ku fikela rini xana? A va kalanga va va ni xivutiso, leswaku swi ta va rini? Ntsena a va ri ni nhlamulo, "Rindzelani ku kondza."

²⁹² Va yile kwalahaya va fika va ku, "Swilulamile, majaha, kumbexana hi khume ntlhanu wa timinetse kusuka sweswi Moya wo Kwetsima wu tava eka hina kutani hi ta ya hi ya va ni ministri wa hina." Khume ntlhanu wa timinetse tihundzile, ku nga vonaki munhu. Siku rin'we ri hundza, ee; mambirhi, manharhu, mune, ntlhanu, ntsevu, nkombo.

²⁹³ Van'wana va vona va nga hava va teri, "Heyi, mi nga ehleketi leswaku hi na Wona?"

"Ee, ee, ee, ee." Hi swona sweswo. Ee. Swi lulamile.

²⁹⁴ "Swa antswa mi huma, majaha." Javulosi u teri, "N'wina—n'wina—n'wina ma swi tiva leswaku mi swi kumile leswi mi swi lavaka. Yanani emahlweni, sungulani ministri wa n'wina."

²⁹⁵ "Ee, ee, ee. A hi se Wu kuma, hambi swi ri tano. Hikuva, Xi teri, 'Lahaya ku ta humelela, leswi swi nga ta teka ndhawu hi masiku ya makumu: Hi milomo ya manghanghamelo ni tindzimi tin'wana leti Ndzi nga ta vulavula eka vanhu lava, kutani leswi hi leswi Hinkwaswo swa leswi Ndzi swi vuleke,' wa vona, Esaya 28:19." Yi teri, "Lowu hi—lowu hi Wona, mi—mi ta Wu kuma loko... Hikokwalaho ka yini, hi ta switiva loko Wu ta. Hi ta switiva loko Wu ta. Hi ta xi tiva, 'Xitshembhiso xa Tatana.'" Kwalahaya u rindzerile nkaye wa masiku. Kutani hi siku ra vukhume, "A hi ri kwalahaya." A va tiyisela, eku rindzeleni.

²⁹⁶ Sweswi, loko mi ri na kona ku tiyisela ka muxaka wolowo, endzhaku kaloko Xikwembu xi mi tshembhisile mi tlhela mi swi vona eBibeleni, "I swa mina," swingaleswi rindzelani. Swingaleswi, loko mi ri ni ku tiyisela ka muxaka wa lowo, ku engeteleni eka ripfumelo ra n'wina. Kutani mi vona leswaku mi le henhla ku fika kwihi laha mi ku kumaka sweswi? Mi kumeka

mi ya ehenhla *lahawani* sweswi. Hi swona. Xikomba-nkarhi xa le vokweni xa hi siya, na xona, xana a hi swona? Hi swona. Hi swona. Swi engeteleni leswi eka ripfumelo ra n'wina.

²⁹⁷ Minkarhi hinkwayo Xi veke ni emahlwesi ka n'wina, mi ri karhi mi tsundzuka, leswaku hi Xona lexi mi tshembhiseke. A hi mina, ndzi tshembhiseke. A hi mufundhisi, a mi tshembhiseke, kumbe Makwerhu Neville. A hi muministara un'wana, a tshembhiseke. A hi muprista un'wana kumbe phophu. A hi munhu wa misava. A xi ri Xikwembu lexi endleke xitsembhiso, nakona Xikwembu xa swi kota ku hlayisa hinkwaswo leswi Xi swi tshembhiseke. Hi swona. Loko u ri ni ripfumelo ra muxaka wa lowo, ra ku tiva leswaku Xikwembu xi swi tshembhisile! Mi ri, "Makwerhu Branham, ndza vabya. Ndzi lava ku hanyisiwa swi bihile swinene." Swi amukeli. I nyiko leyi yi nyikiwaka eka n'wina, ina, nkulukumba, loko u nga pfumeli. "Kunene," mi ri, "Ndza pfumela." Kutani mi swi rivala. Hi swona sweswo. Swi helerile. Wa vona?

²⁹⁸ Vanani ni ku tiyisela, loko mi ri ni ku tiyisela. Loko mi nga ri na kona, mo va eku lahlekeni lahayani Muakweni lowu, wa vona. Ku ta wisela hinkwaswo swa swona ehansi, nchumu wa lowo wun'we. Mi fanele kuva na wona. Mi nga ku engeteli, hikuva, ku ta mbundzumuxa muako wa n'wina loko mi nga ri na kona ku tiyisela, loko mi nga ri na byona vunene lebyi mi nga byi engetelaka eka ripfumelo ra n'wina leri mi nge mi na rona. Kutani loko mi nga ri na rona ripfumelo, kutani mi ringeta ku vekela vunene eka rona, byi ta fayeleta ripfumelo ra n'wina. Wa vona? Mi ri, "Kunene, sweswi, yimani nyana. Kumbexani leswi hinkwaswo i xihoxo, hi ndlela yin'wana. Kumbexana Xikwembu a hi Xikwembu. Kumbexana a ku na Xikwembu." Wa vona, byi ta fayetela kuva swiphemu swi mbirhi. Wa vona?

²⁹⁹ Kambe loko mi ri ni ripfumelo ra xiviri, swingaleswi vekelani vunene bya xiviri eka rona, ku ta vutivi bya xiviri, ku landzela vutikhomi bya xiviri, ku landzela ku tiyisela ka xiviri. Wa vona? Mi le ku fambeni mi ya ehenhla ka ntila. Hi swona.

³⁰⁰ Xa vunlhanu, engetelani vukwembu. Oho, mina! Vukwembu byi fanele ku engeteriwa. Xana vukwembu swi vula yini xana? Ndzi ri langutile eka tidikixinari ta mune kumbe ntlhanu kutani a ndzi kalanga ndzi ri kuma leswaku ri vula yini. Eku heteleleni, a ndzi ri ehansi eka Makwerhu Jeffery lahaya, hi ri kumile eka-eka dikixinari. *Vukwembu* swivula "ku fana ni Xikwembu." Oho, mina! Endzhaku kaloko mi ri ni ripfumelo, vunene, vutivi, vutikhomi, ku tiyisela, swingaleswi fanan na Xikwembu. Heyi!

³⁰¹ Mi ri, "A ndzi nga endli sweswo, Makwerhu Branham." Oho, ina, mi nga swi kota.

³⁰² Ntsena mi nge ndzi mi hlayela Matsalwa ma ntsongo lahawani, ntsena xinkadyana. Matewu 5:48. Hi ta hlaya leyiwani hi twa leswaku yi ri yini, Matewu 5:48, kutani hi vona loko mi fanerile ku fana na Xikwembu. Ma swi tiva leswaku Bibele yi ri, "Mi swikwembu nyana." Yesu u vule tano. Hikokwalaho ka yini xana? Vunene hinkwabyo, hinkwaswo leswi nga eka Xikwembu, swi le ka n'wina. Matewu 5:48, "Sweswo-ke na n'wina . . ." Yesu a vulavula, hi ku phikelela.

*Sweswo-ke na n'wina mi hamba mi h-e-t-i-s-e-k-a,
(Xana i yini sweswo xana?) hetiseka, ku kotisa Tata
wa n'wina . . . la nge tilweni a hetisekeke.*

³⁰³ Mi na ndlela sweswi *lahawani*, loko mi nga si komberiwa ku swi endla sweswo. Hinkwaswo swilo leswi swi fanele ku engeteriwa ku sungula. Swingaleswi loko mi fikile lahawani, Wa mi kombela sweswi leswaku mi hetiseka, mi va ni vukwembu, mi va majaha ni vanhwana va Xikwembu. Hi swona sweswo. Xana i swilo swingani leswi ndzi nga swi vulaka hi ku longoloka!

³⁰⁴ A hi pfuleni eka va-Efesa 4, kutani hi kuma leswi, nga endzeni ka Buku ya va-Efesa, yi swivulaka ha leswi, na yona, hilaha—hilaha hi nga swi endlaka ha kona. Va-Efesa, ndzimana ya vu4, kutani hi sungula hi vhese ya vu12. Va-Efesa 4, kutani hi sungula hi vhese ya vu12. Hi swona. A hi sunguleni lahawani lahawani eka vhese ya vull.

*Kutani wa hari yena la nyikeke van'wana, va va
vapostola; van'wana, vaprofeta; . . .*

³⁰⁵ Ma ya tsundzuka madyambu ya tolo xana? Mi nga ringeti ku teka hofisi ya munhu un'wana. Wa vona?

*. . . kutani van'wana, va vuri va evhangeli; van'wana,
varisi . . . kutani van'wana, vadyondzisi;*

³⁰⁶ "Hikokwalaho ka ku hetiseka ka Xikwembu"? Xana yi hlayekisa xisweswo xana? [Nhlengeletano yi ku, "Ee."—Muhleri.] Xana i ku hetiseka ka yini xana? ["Vakwetsimi."] Xana i va mani vakwetsimi xana? Hi lava nga kwetsimisiwa. Amen. Hi lava nga sungula ehansi *lahawani*.

*. . . va ta hetisa vakwetsimi, va endla ntirho wa
ministri (ministri wa Yesu Kreste), va akisa miri wa
Kreste (ku akisa, ku Wu aka, ku akisa): ku kondza . . .*

*Hi ta kondza hi fika hinkwerhu evun'weni bya
vupfumeri, ni . . . bya ku tiva N'wana wa Xikwembu,
ne vukulukumbeni, bya wanuna la hetisekeke, (oho,
mina), ni le mpin'weni wa xiyimo lexi hetisekeke xa
Kreste:*

³⁰⁷ "Ku hetiseka," swi lava vukwembu. Mi fanele ku engetela eka ripfumelo ra n'wina, vukwembu. Wa vona, mi sungula ehansi *lahawani*, hi vunene. Swingaleswi mi ya eka

vutivi. Swingaleswi mi ya eka vutikhomi. Swingaleswi mi ya eka ku tiyisela. Sweswi mi le ka vukwembu. Vukwembu! Oho, mina! Nkarhi wa hi siya. A hi voneni. Kambe ma swi tiva leswaku vukwembu swi vula yini. Mi yimbelerile risimu leri:

Hi ta fana na Yesu, hi ta fana na Yesu,
Emisaveni ndzi navela kufana na Yena;
Erendzweni ra vutomi hinkwabyo kusuka
emisaveni ku ya eVukwetsimelwени
Ntsena ndzi kombela kufana na Yena.

³⁰⁸ Byebyo i vukwembu. Loko a tava a phakatiwile rhama ra Yena, U nyiketile ni lerin'wana. Loko a kariheriwile, A nga hlamulanga. A nga tlheriseli. Wa vona? Vukwembu, minkarhi hi nkwayo langutelani eka nchumu wun'we, "Minkarhi hinkwayo ndzi endla leswi tsakisaka Tatana." Wa vona? Ina, nkulukumba. Minkarhi hinkwayo. Byebyo i vukwembu. Wa vona?

³⁰⁹ Endzhaku kaloko mi tile kusuka *lahawani*, ku ta *lahawani*, ku ta *lahawani*, ku ta *lahawani*, sweswi mi ta eka xifaniso lexi nga hetiseka xa n'wana wa Xikwembu. Kambe mi fanela kuva ni *leswi*, ni hinkwaswo *leswi*, nakona a mi nga swikoti ku sungula ku kondza mi kuma *leswi*.

³¹⁰ Sweswi tsundzukani nyenyana ya ntima leyi nga ni tinsiva ta phigogo. Mi nga n'wi rivali. Wa vona? Mi nga ringeti ku swi engetela ku kondza kahlekahe mi tswariwa ra vumbirhi. Hikuva, n'wina, a swi nga tirhi, ni leswaku a mi—a mi nga swi endli swi tirha. Swi tata eka *leswi*, kumbe *leswi* lahawani, swi ta nhlanhleka kun'wana.

³¹¹ Kambe loko mi ta *lahawani*, mi ri tuva leri tswariweke ra vumbirhi hi xiviri, swingaleswi a mi engeteli nchumu. Swi ta engeteleriwa eka n'wina, wa vona, swi ta ehenhla, hi swona, mi ta eku hetisekeni sweswi. Hi swona.

³¹² Swingaleswi, xa vuntsevu, a hi engeteleni, Bibele yi teri lahawani, hi engetela rirhandzu ra vumakwerhu... nsovo wa vumakwerhu. Sweswi, sweswo hi swin'wana swa kahle, kona kwalahawani, xa vuntsevu, ni xa vunkombo. Hi swona. Hi engetela rirhandzu ra vumakwerhu. Hi swona. Loko hi nghena eka sweswo, rirhandzu ra vumakwerhu, tinghenisi wena hi wexe endzhawini ya yena, emphakeni. Sweswi u ri...

³¹³ "Loko makwerhu wa mina a ndzi dyoherile," kuvula Petro. "Xana ndzi nga n'wi rivalela," a ku, "ka nkombo hi siku?"

A ku, "Makume nkombo hi andzisa hi nkombo." Wa vona?

³¹⁴ Rirhandzu ra vumakwerhu. Sweswi, ma swi vona, loko makwerhu a huma echunini, mi nga n'wi heleli mbilu. Wa vona? Ee. Wa vona? Vanani ni tintswalo eka yena. Fambani, hi mukhuva wolowo.

³¹⁵ Un'wana a ku, ku nga ri khale ngopfu, a ku, "Xana u ta swi pfumerisa ku yini swilo leswi hi ndlela leyi u endlisaka xiswona, kutani wa ha ya eka Assemblies of God, na Oneness, ni hinkwato ka tona xana?" Swingaleswi nghanisani, wa vona, rirhandzu ra vumakwerhu. Wa vona? Wa vona? Hi ku tshembha leswaku, siku rin'wana, wa vona; n'wi lehiseleni mbilu, wa vona; vutikhomi, mi n'wi tiyisa na yena; vutivi, byo twisia leswi a swi pfumelaka, tsundzukani, swi le mbilwini ya yena, sweswo hi leswi swi nga xiswona; vunene, eka wena n'winyi, kuva swi famba na rirhandzu, vumbulwa, eka yena; kuva na ripfumelo ra leswaku siku rin'wana Xikwembu xi ta n'wi nghanisa eka swona. Wa vona?

³¹⁶ Vunene bya vumakwerhu, i xilo xa vunkombo. N'we, mbirhi, nharhu, mune, ntlanu, ntsevu, nkombo. [Makwerhu Branham a hlayelela ka nkombo exitsalelwani—Muhleri.] Wa vona, i xilo xa vunkombo. Swingaleswi, sweswi, mi le ku swi twisiseni.

³¹⁷ Swingaleswi, xin'wana lexi landzelaka, engetelani nsovo lowu, ku nga rirhandzu. Sweswo i ku funengetiwa ka ribye. Rin'wana ra masiku lawa, ekerekeni...

³¹⁸ Sweswi, ndza kombela, swi tiveka ni ka thepi, ni kun'wana, a ndzi le ku dyondziseni leswi ku kotisa dyondzo leyo hambukisa, leswi ndzi yaka ku swi vuleni sweswi. Kambe ntsena ndzi lava ku mi komba leswaku, hi ku pfuniwa hi Xikwembu, leswi nga swa ntiyiso hi, leswaku, Bibebe yo sungula leyi Xikwembu xi nga kala xi yi tsala a yi ri Zodiyaka exibakabakeni. Yi sunguriwile hi wanhwana la nga tiviki wanuna. Yi hetelela hi nghala Leo. Kutani loko ndzi fika eka Xilemo xa Vuntsevu ni xa Vunkombo, mi ta swi vona, loko Xilemo lexin'wana xi pfuriwile, mfungho wa Zodiyaka a ku ri khensa, nhlampfi ya xihambano. Kutani i nguva ya khensa leyi hi hanyaka eka yona, yi hlavuteriwile. Kutani xin'wana loko Xilemo xi fayiwile, Xi hlavuterile nghala Leo, ku nga ku Vuya ka vumbirhi ka Kreste. U tile, ro sungula, eka wanhwana; A ta, nakambe, eka nghala Leo. Ndzi ta swi yisa eka...

³¹⁹ Sweswi, a ndzi swi tivi loko ndzi tava ni nkarhi mixo lowu. Ndzi ta ya endla hi tindlela hinkwato, ku mi komba switepisi hinkwaswo swa tiphiramidi, ntsena ku fana hilaha, Bibebe ya vumbirhi ya Xikwembu yi tsariweke ha kona. Enoko u ti tsarile, a ti veka eka phiramidi.

³²⁰ Kutani xa vunharhu, hi minkarhi hinkwayo Xikwembu xi hetisekile eka xa vunharhu, swingaleswi Xi tiendlela Rito ra Xona N'winyi.

³²¹ Sweswi, lahawani, ma yi tsundzuka, eka phiramidi... Ndza vhumbha masocha ni van'wana lahawani a mi ri eEgipta.

Phiramidi a yi ambexiwanga. A yi kalanga yi ambexiwa. Rona—rona Ribye ra Xikontsi, ni hinkwaswo va ni swona, kambe va ha tama...

³²² Loko mi ri ni bili ya dolora eswikhwameni swa n'wina, yi languteni yona bili ya dolara, kutani mi ta kuma leswaku, hi hala vokweni ra xinene, yi ni gama leri nga ni mujeko wa Amerika. Kutani yi vuriwa leswaku, xilemo “xa United States.” Hi tlhelo lerin’wana, yi na Phiramidi, yi ri ni ribye lerikulu ri ambexiweke ni tinhlo ra munhu. Hi tlhelo leri yi tsariwile, “Xilemo lexikulu.” Kunene, loko leri ri ri tiko lerikulu, xana hikokwalaho ka yini xilemo lexikulu xi ngavi etikweni ra xona xana? Xikwembu xi endlela leswaku va nyika vumbhoni, swingari na mhaka ni leswaku u ya kwihi.

³²³ A ndzi ri ku vulavuleni na dokodela nkarhi wun’wana, kutani a ri ku ndzi vungunyeni hi makala, hi ku hanyisa hi swa Vukwembu. A hi yimile exitarateni. U teri, “Nkul. Branham, ntseña u hlanganisa vanhu tinhloko.” U teri, “A ku niku hanyisiwa, ehandle ka mirhi.”

³²⁴ Ndzi hundzulukile, ndzi languta xifaniso emovheni wa yena, a xi ri ni nyoka emhandzini. Ndzi teri, “Swa antswa u susa xikoweto xexo emovheni ya wena, swingaleswi, hikuva xikoweto xa wena n’winyi xi vula vumbhoni bya leswaku Xikwembu i muhanyisi.”

³²⁵ Dokodela wa xiviri wa swi pfumela sweswo. Teto i tin’anga ta vona leti nga dyondzangiki. Ina, nkulukumba. Nyoka emhandzini! Muxe u tlakuserile nyoka leyi a yi ri emhandzini ehenhla. A ku, “Ndzi Hosi leyi yi horisaka hinkwabyo vuvabyi bya n’wina.” Kutani va langutile eka nyoka ya leyo, eka ku hanyisiwa hi swa Vukwembu. Hambi swi ri tano va mbhonyelya hi ku lwisana na swona; hambiloko sayini ya vona yi mbhonyelya ku lwisana na vona. Yhuu!

³²⁶ Lahawani, tikweni ra hina, va vulavula hi leswi hi nga na swona, niku swi tekela ehansi, ni hi mali ya vona, wu nga nxavo wa vona, wu vula vumbhoni bya leswaku xilemo xa misava hinkwayo i Xikwembu. Xana ma ri vona tihlo leri nga yimela swona ehenhla ka sweswo, eka bili ya dolara xana? Xexo i xilemo lexikulu.

³²⁷ A xi kalanga xi nga vekiwa ehenhla ka Phiramidi. A va koti ku swi twisia leswaku hikokwalaho ka yini. Xihuku xa ribye xi tsan’wiwile yi nga, Nhloko, Kreste. Kambe Xi ta vuya, rin’wana ra masiku.

³²⁸ Sweswi, hi ku aka, vunene... Hi le ku akeni xitsundzuxo lexi, hi aka xifaniso lexi, wa vona, xi sunguriwaka hi masungulo ya ribye; ku nga ripfumelo, vunene, vutivi, yutikhomi, ku tiyisela, vukwembu, rirhandzu ra vumakwerhu. Xana swi endla yini xana? Swingaleswi swi rindzerile Nhloko

ya ribye, leri ri nga rirhandzu, hikuva Xikwembu i rirhandzu. Kutani Xa swi lawula, nakona hi Xona matimba ya hinkwaswo swilo leswi. Hi swona sweswo. Ina, nkulukumba.

³²⁹ Kona *kwalahawani*, kona *kwalahawani*, ma swi vona leswi ndzi nga swi khoma, lahawani e xikarhi, hinkwayo mintirho leyi yi nga lahawani, kutani lahawani ku ta magandlati lamantsongo. Xana i yini sweswo xana? Moya wo Kwetsima lowu enhlaka, hi Kreste, wa vona. Moya wo Kwetsima! Moya wo Kwetsima wu le henhla ka hinkwaswo *leswi*, wa swi thovhelela wu swi hlanganisa kun'we, wu aka (yini?) Kereke leyi hetisekeke, leswaku Ribye ra xihuku ri ta Yi ambexa.

³³⁰ Xana ku endliwa yini nakambe xana? Swi kombisiwile eka Tinguva Ta Tikereke Ta Nkombo, ni varhumiwa va ti Kereke ta nkombo.

³³¹ Ti sungurile endzhaku *lahawani*. Hi kwihi laha Kereke yi nga sunguriwa ro sungula xana? Xana hi kwihi laha Kereke ya pentekostal yi nga sunguriwa kona ro sungula xana? Hi Mukwetsimi Paul, eEfesa, yi nga nyeleti ya Nguva ya Kereke ya Efesa, eEfesa.

³³² Nguva ya vumbirhi ya Kereke a yi ri Smirna. "Vunene." Irenaeus, wanuna lonkulu loyi a yiseke Evhangeli ya Paul emahlweni.

³³³ Nguva leyi landzelaka ya Kereke a yi ri Pergamo, laha a kuri Martin. Martin a ri wanuna lonkulu loyi a tshamile. Paul, Irenaeus, Martin.

³³⁴ Swingaleswi eTiatira ku ta Columba. Ma swi tsundzuka xana? Hi leswi lahawani, swi pfapfarhutiwile *lahaya*. Columba. Endzhaku ka Columba...Tinguva ta Munyama ti nghene kwalahaya.

³³⁵ Swingaleswi ku ta Sarda, leswi swi vulaka *rifu*. Luther. Haleluya! Ku landzela yini? Xana ku landzerile yini endzhaku ka Sarda, Luther?

³³⁶ Swingaleswi ku ta Filadelfia. "Vukwembu." Wesley, ku hlawuleka! "Lavo lulama va hanya hi ripfumelo," ku vule Luther. Ku kwetsimisiwa hi Wesley.

³³⁷ Swingaleswi ku ta rirhandzu ra vumakwerhu, ha Laodekiya. Kutani hi pfumela Hungu lerikulu ra ku vonakarisiwa ka Eliya ra vumbirhi, hi siku ra makumu, ri ta kukula tiko.

³³⁸ Lahawani mi nga kona, Tinguva ta Tikereke ta Nkombo, ma nga magoza ya nkombo. Xikwembu a xi tiakela Kereke ya Xona, swikotisa munhu un'we eka lava va nga talangiki, eka xona N'winyi. Ku kwetsima, ni Matimba ya Xikwembu, ya enhlela ehansi ha *leswi*, xi Ti thovhelela kun'we. Hikwalaho, vanhu va Pentekostal lava va siyaka ma-Lutheran, va siyaka va-Wesleyan ni van'wana, a va switivi leswi va vulavulaka ha

swona. Ma swi vona, va hanyile eka xiphemu *lexi* xa tempele. Yaleylo hi yona ndlela, laha vanhu van'wana va yaka ehenhla vatlhela va wa. Kambe ku ni xiphemu xa xiviri xa sweswo, xi tshamela ku endla muako walowo leswaku wu ya emahlweni. "Ndzi ta tlherisela," ku vula Hosi.

³³⁹ Xana ma wu tsundzuka *Nsinya wa Mutekiwa* xana? Xana ma wu tsundzuka nchumayelo wa *Nsinya wa Mutekiwa* xana? Swi Wu dyile wu hela, kambe Xi wu tshenini. Va ni marhavi ya xidinominexini; Xi ma tshenile. Va pfuxile yin'wana kereke, marhavi ya xidinominexini; Xi yi tshenile. Kambe mbilu ya *Nsinya* walowo yi tshamela kuya emahlweni ni ku kula. "Kutani hi nkarhi wa ni madyambu ku tava na Rivoni." Wa vona? Kwalaho hiloko Kreste a ta, a nga Moya wo Kwetsima. Yesu u xikela ehansi a fika a tshama yena hi Yexe eNhlokweni ya Kereke kwalaho, nakona U ta pfuxa Kereke leyi, leyi yi nga Mirhi Lowu wu nga wa Yena. *Kwalahaya* endzeni ku ni Mirhi.

³⁴⁰ Kutani hi ndlela leyi Xikwembu xi hi langutelaka ha yona tani hi lava nga talangiki leswaku hi kula, hi ndlela leyi Xi nghaniseke Kereke ya Xona ha yona leswaku yi kula. Nguvu yin'wana na yin'wana ya Kereke, Yi hundzuka Kereke yin'we leyikulu. Wa vona?

³⁴¹ Vanakulorhi *lava* a va kali va lava leswi vanakulorhi *lava* va nga xiswona. *Lava* a va lavi leswi *lava* va nga xiswona. Wa vona? Kambe Xi tisile Kereke ya xona hi ndlela leyi fanaka. Xi tisile Kereke ya Xona—Xona hi ndlela leyi fanaka ni loko Xi tisa vanhu va Xona? Swingaleswi Petro u ri lahawani, xin'we, xa swilo swa nkombo: ripfumelo, vunene, (wa vona, swi ya emahlweni), vutivi, vutikhomi, ku tiyisela, vukwembu, rirhandzu ra vumakwerhu, engetelani vunene bya vumakwerhu, swingaleswi ni rirhandzu ra Xikwembu. Moya wo Kwetsima, a nga Kreste eka munhu wa Moya wo Kwetsima, u ta ehenhla ka n'wina, hi nkhuvulo wa ntiyiso wa Moya wo Kwetsima, kutani mi ta kuma vunene hinkwabyo lebyi nga lemeriwa eka n'wina. Swingaleswi, Xikwembu xi tshama eTabernakeleni, leyi vuriwaka Muako, Tabernakele leyi hanyaka yi nga ndzhawu leyi ku tshamaka Xikwembu.

³⁴² Loko munhu a khome swilo swa muxaka lowu, swingaleswi Moya wo Kwetsima wa ta eka yena. A swi na mhaka, leswaku mi nga ha vulavula hi tindzimi, mi nga ha encenyeta nyiko yihi ni yihi leyi Xikwembu xi nga na yona. Mi nga ha swi endla sweswo. Kambe ku kondza vunene lebyi byi nga *lahawani* byi ya eka n'wina, mi va mi nga ri va ntiyiso, masungulo lamanene ya ripfumelo. Kambe loko vunene byi kula eka n'wina, niku engetela leswiyani eka leswiyani, swingaleswi mi xitsundzuxo *lexi* hanyaka. Mi xikwembu xa xifaniso, *lexi* xi hanyaka xi ri karhi xi famba.

³⁴³ Kambe, ma va tiva, va—va vahedeni, va gandzela xikwembu xa xifaniso, xikwembu lexi xi ngo anakanyiwa. Kutani hi maanakanyelo va pfumela leswaku xikwembu lexi va ngo xianakanya xa va hlamlula. Byebyo i vuheneni. Xexo i Xirhma. Va khinsamela tinxaka hinkwato ta vakwetsimi ni swin'wana. Nakona va ni Mukwetsimi Cecelia, xikwembu xa yindlu, ni swin'wana swo hambanana swo tani hi sweswo. Va khinsamela sweswo, va tlhela va swi pfumela sweswo hi ndlela yo swi anakanyaka. Xana i—xana i swa muxaka wihi, wa Xikwembu lexi hanyaka.

³⁴⁴ Kambe loko hina, ku nga ri hi ndlela yo swi anakanya, kambe hi gandzela emahlweni ka Xikwembu lexi hanyaka, vunene lebyi hanyaka, vutivi lebyi hanyaka, ku tiyisela loku ku hanyaka, vukwembu lebyi byi hanyaka, Matimba lawa ya hanyaka ya humaka eka Xikwembu lexi hanyaka, ya endla munhu a hanya eka xifaniso lexi hanyaka xa xifaniso xa Xikwembu. Xana u endla yini xana? Swo fana ni leswi Yesu a swi endleke; a famba hi ndlela leyi Yena a fambisa xiswona, a endla swilo leswi Yena a swi endleke. Hikuva, a hi xilo lexi anakanyiwaka. Ku ni ntiyiso lowu wu hi khorwisaka.

³⁴⁵ Xana ma swi vona leswi ndzi swi vulaka xana? Ma swi vona hilaha vunene lebyi, nhundzu ya muako lowu, yi nga tsariwa endzeni ni tinxaka ta varhumiwa va Tikereke, ni tinguva ta Tikereke? Sweswi, rin'wana ra masiku lawa, hi ta ya teka rito rin'we eka marito lawa, hi ma dyondza, niku mi kombisa leswaku ya khorwisa. Ma famba swin'we hinkwawo ka wona. Hakunene. Wa vona? Oho, mina! Swi saseke njhani sweswo, wa vona, ku vona leswi ri—leswi ri swi endlaka.

³⁴⁶ Sweswi, yaleyo i Yindlu leyi Xikwembu xi tshamaka eka yona; wu nga ri muako lowu nga ni xingelengele lexikulu ehenhla ka wona, ni xihlungwani xo leha. Wa vona? "Kambe Miri lowu Yena a nga Ndzi lulamisela wona," Miri lowu Xikwembu xi nga tshamaka eka wona, lowu Xikwembu xi nga fambaka eka wona, lowo Xikwembu xi nga vonaka eka wona, lowu Xikwembu xi nga vulavulaka eka wona, lowu Xikwembu xi nga tirhaka eka wona. Amen! Wu ri xibye lexi hanyaka xa Xikwembu, Xikwembu xi famba hi milenge yimbirhi, eka n'wina. Wa Kwetsima! "Minkondzo ya lava lulameke yi leteriwa hi Xikwembu," Xikwembu lexi xi fambaka eka n'wina. "Hikuva eka n'wina ku tsariwile vuapostola, lebyi byi hlayiwaka hi vanhu hinkwavo." Kutani loko Vutomi lebyi a byi ri eka Kreste byi ri eka n'wina, mi ta tswala Vutomi lebyi Kreste a byi tswaleke.

³⁴⁷ Tani hilaha ndzi tolreveleke ku vula leswaku. Loko mi susa sapu ensinyeni wa muperekisi, kutani loko mi nga swikota ku wu rhurhusela, hi ku wu ncicela, ensinyeni wa muapula, nsinya wa muapula wu ta tswala maperekisi. Hakunene.

Hakunene-nene wu ta ma tswala. Swi nga ri na mhaka leswaku marhavi ya wona ma languteka njhani, wu ni sapu wa nsinya wa muapula eka wona, wa vona, kumbe hambi ku ngava nsinya wihi. Wa vona? Wu susa vutomi bya nsinya wa muapula, wu humesa hi nkwaswo, kutani wu byi nyiketa eka—eka ku hundzisela ka sapu, kutani wu ntswonga eka nsinya wa muperekisi wu yisa eka nsinya wa muapula. Xana ku humelela yini? A wu nga ha tswali maperekisi nakambe. Wa vona? Ee, nkulukumba. A swi nge tirhi. Loko vutomi bya nsinya wa maperekisi byi ta eka nsinya wa muapula, hambi swi ri tano, a wu nga ha tswali maapula. Wu ta tswala maperekisi, wa vona, wa vona, hikuva wu kuma vutomi eka wona.

³⁴⁸ Kunene, loko mi hi teka, sweswo a hi nchumu handle ka nhlampfurha, hi ri nhloko ya mfundzu, wa vona, nakona a ku na nchumu eka hina, hikuva hinkwerhu hi fele evudyohemi nile vubihini. Hinkwerhu hi le ka xiyimo xa muxaka lowu. Kutani swingaleswi hina, hi hexe, hi nga ha khizama hi hexe, hi tinyikela, ku fikela laha Xikwembu xi tekaka chupu ra Xona ro hundzisela, ri nga Vito ra Yesu Kreste, hikuva, “A ku ni Vito rin’wana ehansi ka Tilo leri nga ponisaka vanhu,” niku hundzisela Vutomi bya Kreste eka hina. Swingaleswi hi ni muxaka *lowu* wa ripfumelo, ripfumelo leri Kreste a ri na rona. Nakona ripfumelo ra Kreste a ri nga kongomisiwanga eka Vafarisi lava, kumbe Vasaduki lava, kumbe etimbiteni ta vona, tiketlele, ni mapani, nile ku hlantsweni ka vona. A ri kongomisiwile eRitweni ra Xikwembu, amen, swinene, ku kondza Kreste a va Rito, Rito ri endliwile nyama. Kutani swingaleswi loko hi nga kumeka hi hundzuseriwa hi Matimba ya Yena, leswaku hi fa emiehlekeweni ya hina, kutani ripfumelo ra hina ri va ripfumelo ra xiviri, haleluya, swingaleswi Vutomi bya Kreste byi hundzuseriweka hina. Hi va swivumbiwa leswi hanyaka swa Xikwembu, ndzhawu leyi Moya wo Kwetsima wu nga ta rhumela minkateko ya Yena leyi yi hatimaka hi kwalahaya, kutani hi va eka xifaniso xa Kreste.

³⁴⁹ Yesu u teri, “A swi tsariwanga xana? Mi Ndzi sorile, mi ku, ‘Ndzi N’wana wa Xikwembu.’ Xana a swi tsariwanga, leswaku, ‘Mi swikwembu.’ Xana nawu wa n’wina vinyi a wu vuli sweswo xana?” Tani hi Muxé, tani hi Eliya, tani hi vaporfeta lava hanyeke ekusuhi ni Xikwembu, ku fikela laha Xikwembu xi tincicelaka xona hi Xoxe eka vona. Kutani a va ti vulavulelanga, vona hi voxé, kambe i Xikwembu. “Mi nga teki ni miehleketo leyi yi nga ta ku, hikuva a hi n’wina lava mi vulavulaka. I Tatana loyi a tshamaka eka n’wina; A vulavulaka.” Marito ya Yena a hi ya yena, hikuva, vutomi bya yena, byi file.

³⁵⁰ Loko mi fa, mi humesa ngati emunhwini, ma n’wi fungha. Khombo ra kona hi leswaku, vunyingi bya vona a va kalanga

va funghiwa. Loko mi humesa ngati ya munhu, u fambile. Swingaleswi xilo xin'we lexi mi fanelaka ku xi endla i kuva mi nghenisa ngati yin'wana eka yena; u ta tlhela a hanya nakambe. Mi humesa ngati ya yena.

³⁵¹ Kutani sweswi hi nghenisile Ngati ya Yesu Kreste, wa vona, kutani sweswo swi tisa ripfumelo ra Yesu Kreste, vunene bya Yesu Kreste, vutivi bya Yesu Kreste, vutikhomi bya Yesu Kreste, ku tiyisela ka Yesu Kreste, vukwembu bya Yesu Kreste, rirhandzu ra vumakwerhu ra Yesu Kreste, ni rirhandzu ra Xikwembu, leri nga Yesu Kreste. Hi Yena Nhloko leyi yi mi lawulaka. Kutani mikondzo ya n'wina i masungulo, ripfumelo. Amen! Yi lawuriwile hi Nhloko, leyi tekaka...?...Kwalaho mi nga kona. Ku ni wanuna loyi a hetisekeke wa Xikwembu, loko a khomile vunene lebyi.

³⁵² Swingaleswi, Xikwembu, xi yimerile Kereke ya Xona tani hi Mutekiwa, wa wansati. Xikwembu xi yimerile Kereke ya Xona tani hi Mutekiwa. Nakona hi ndlela leyi Xi nghenisaka ha un'we-un'we leswaku a va n'wana wa Xona, ku ya eka Mutekiwa yaloye, nakona Xa ha tisile Mutekiwa eka tinguva leti, [Makwerhu Branham a gongondza ka nkombo exitsalelwensi—Muhleri.] ku fikela laha Xi tisaka Kereke leyi hetisekeke eka *leswi*.

³⁵³ Mikondzo ya mina ya famba. Hikokwalaho ka yini xana? Hikuva nhloko ya mina yi vula tano. Sweswi, yi ngaka yi nga fambi ku kotisa mavoko ya mina, hikuva i mikondzo ya mina. Luther a nge swikoti ku endla swilo leswi hi nga swi endla, hambi kuri va-Methodist, hikuva a vari van'wana. Wa vona? Mikondzo yi famba hi ku lerisa ka nhloko. Nakona nhloko a yi kalanga yi ku, “Sweswi, nkondzo, vana voko. Ndleve, u va matihlo.” Wa vona?

³⁵⁴ Kambe, nguva yin'wana na yin'wana, Xikwembu xi vekile swilo leswi eka Kereke ya Xona, niku swi longoloxa hi ku kombisa leswaku un'wana na un'wana u na swona leswi, u khomile minkoka leyi. Ni *Leyi*, loko yi tava yi hetisisiwile, yi tava Kereke ya Xikwembu leyi yaka eka ku Vutleriwa. Kutani xivumbiwa *lexi*, ni kuva xi hetisekile, i nandza wa Xikwembu, eka Kereke ya Xikwembu, leyi yi nga ta ya eku Vutleriweni. Wa kwetsima! Xana ma swivona leswi ndzi swi vulaka xana? Kwalaho mi nga kona. Ku ni nchumu lowu wu hetisekeke.

³⁵⁵ Hi loyi wanuna a taka *lahawani*, Paul, a vekaka masungulo. Irenaeus a sungula ku chela *leswi* eka wona. Loyi a landzelaka a chela *leswi*. Loyi a landzelaka a chela *leswi* eka wona. Un'wanyana *sweswo*, ni *sweswo*, ni *sweswo*, niku ya ehansi ku kondza ku ta fika nguva yo hetelela. Kambe a kuri yini? Wa hari Moya wun'we.

³⁵⁶ Moya lowu fanaka lowu tshamaka eka mina, wu ri, “Mavoko, ya fikelela endzhaku ka mhaka ya leyo.” Moya lowu fanaka wu ri, “Nkondzo, teka goza.” Xana ma swi vona leswi ndzi swi vulaka xana?

³⁵⁷ Swingaleswi, xifaniso hinkwaxo xa xivumbeko xa n’wina xi fumiwa niku lawuriwa hi swilo leswi, kambe xi ngaka xi nga lawuleki hi ku hetiseka ku fikela laha xi vaka ni swilo leswi swa nkoka.

³⁵⁸ Xana mi kale mi swi twa leswi xana? Mi nge ndzi mi byela leswi sweswi. Kutani mi swi hlayisa hi ntiyiso... Mi swi nghanisa etindleveni ta n’wina leti ti twaka. Wa vona? Nketani yi tiya hi swiphemu swa yona swo debya. Hi swona sweswo. A yi tiyi ehandleni ka loko yi debya.

³⁵⁹ A swi khathaleki leswaku ku tiya ka *leyi* ku endliwile ha yini, *leyi* yi endliwile; loko yi debya, kwalahaya hilaha yi tsemekaka ha kona. Kutani a yi nga ha tiyi kutlula ku debya kwaloko. [Makwerhu Branham a kongomisa eka mpfapfarhuto lowu wu nga exitsalelweni—Muhleri.] Sweswi loko mi swi khomile, mi ri mi na *leswi*, *leswi*, *leswi*, mi hava *leswi*, kwalahaya hi laha yi tsemekaka kona. Loko mi ri na *leswi*, kutani mi nga ri na swona *sweswo*, yi ta tsemeka kwalahaya. Mi na *leswi*, kutani mi ri hava *leswiya*, yi ta tsemeka. *Leswi*, kutani mi ri hava *leswi*, yi ta tsemeka. Wa vona? Kutani loko mi nga ri na... A mi nga swikoti ku va na *leswi* mi nga ri na swona *leswi*.

³⁶⁰ Swingaleswi loko mi tinyikela hi ku hetiseka ka vu xivumbiwa bya n’wina, swingaleswi Moya wo Kwetsima wu ta chulukela eka n’wina, eka vunene lebyi, kutani mi va tabernakele leyi hanyaka. Swingaleswi vanhu va ta languta va ku, “Yaloye i munhu loyi a taleke hi vunene, vutivi (u pfumela Rito), vutikhomi, ku tiyisela, vukwembu, rirhandzu ra yumakwerhu, u tele hi rirhandzu ra Moya wo Kwetsima. Wa vona, hi luya lahaya, u le ku famba-fambeni.” Xana i yini? Xifanano lexí lava nga pfumeriki va nga xi langutaka va ku, “Luyani i Mukreste. Luyani i wanuna, kumbe wansati, lava va tivaka leswi va vulavulaka ha swona. A mi se tshama mi vona munhu wa malwandla, wa kahle, munhu la nga ni vukwembu.” Mi lemeriwile. Xilemo xa kombisa matlhelo ha mambirhi. Ambi ma famba kumbe wa vuya, ntsena mi vona xilemo xi fana. Kwalaho mi nga kona. Wa vona? Loko wanuna kumbe wansati a khome *leswi*, swingaleswi Ribye ra xihuku ri chikela ehansi niku va lemelela eMfun’weni wa Xikwembu, leri nga Moya wo Kwetsima.

³⁶¹ Swingaleswi Rito, leri humaka *Lahawani*, ri tivonakarisa rona hi Roxe eka xivumbiwa xin’wana na xin’wana xa swivumbiwa leswi, wa vona, kutani ri endla Xivumbiwa lexí nga hetiseka xa Tabernakele ya Xikwembu lexí hanyaka,

leyi yi fambaka, leyi yi nga xikombiso lexi hanyaka xa Vu-Kreste. Leswi Kreste a ri xiswona, vanhu lava va tano, hikuva Vutomi bya Yena byi lahwani. Va le ka Kreste. Kutani vutomi bya vona byi file niku fihliwa eka Kreste, hi Xikwembu, niku lemeriwa kwalahaya hi Moya wo Kwetsima. Vakorinto vo Sungula 12. Hi swona sweswo. Wa vona? Mi tipimanisa leswaku mi file, swingaleswi mi tswariwile hi ripfumelo. Swingaleswi vunene ni leswin'wana swi engeteriwile eka n'wina ku kondza mi hetiseka, ku va xifaniso lexi hanyaka xa Xikwembu. A swi sasekanga sweswo xana? [Nhlengeletano yi ku, "Amen."—Muhleri.]

³⁶² Kutani swingaleswi Xikwembu, ha sweswo, xi tisile Tinguva Ta Nkombo Ta Kereke, ku kombisa magoza ya nkombo lawa Xi ya tiseke, Xi tiakele lava va nga talangiki hi xivumbeko xa Xona, Xi akile Kereke leyi yi nga hetiseka hi xivumbeko xa Xona. Kutani hi nkarhi wa ku pfuxiwa ka vafi, Miri lowu wu hetisekeke wu ta pfuxiwa wu ya hanya na Yena hilaha ku nga heriki, hikuva wona i Mutekiwa. Wa vona? Swingaleswi sweswo a swi tsemelela eka nguva yin'wana na yin'wana, eka nguva yin'wana na yin'wana leyi a yi ta.

³⁶³ Nakona ka hari na swo tala leswi lavekaka, mi tsundzuka. Ma swi tsundzuka leswi Paul a swi vuleke lahwani eka Vaheveru 11 xana? Mi nge ndzi mi hlayela swin'wana hi nga se pfala lahwani, ntsena xinkadyana. Kutani swingaleswi mi... Yi hi muxaka lowu wu nga ta mi endla mi ti twa mi chava loko ndzi... minkarhi hinkwayo, loko ndzi swi hlaya leswi. Ndzi ta kuma Vaheveru 11, kutani ndzi ya sungula hi vhese ya vu32.

*Kutani xana ndzi nga engeta, ndzi vula tihi ke?
Kasi ndzi nga heleriwa hi nkarhi loko ndzi vula
ta Gideon, ...ni ta Barak, ni ta... Samson, ni
ta... Yefta; ...Davida...ni ta... Samuel, ...ni ta
vaprofeta:*

*Volavo hi ku pfumela va hlurile matiko, va avanyisile
hi ku lulama, va kumile leswi va nga tshembhiswa
swona, va sivile milomu ya tinghala,*

*Va timile matimba ya ndzilo, va ponisiwile
eku kariheni ka fumu, va hanyisiwile mavabyini
ya vona, va endliwile tinenha, enyimpini, va
hangalasile... mavandla ya valala.*

*Vavasati va tlhela va nyikiwa vafi va vona hi ku
pfuka:... van'wana a va xanisiwa hi ku manyiwa miri,
a va manyiwile miri, va ala ku ntshuxiwa; leswaku va
ta vona ku pfuka loku tlurisaka hi ku saseka:*

³⁶⁴ Ku ya ehansi lahwani. Wa vona? [Makwerhu Branham a kongomisa eka leswi a swi tsaleke exitsalelwensi—Muhleri.] Swi kahle.

Kutani van'wana va ringiwile . . . hi ku soriwa . . . niku biwa, ina, niku . . . bohiwa . . . ni khotso:

Vadlayiwile va khandliwile hi maribye, va sahiwile, va ringiwile, va dlawe hi ku kariha ka . . . mafumu: va tsendzeleke hinkwako va ambele madzovo ya tinyimpfu ni ya timbuti; va lahlekeriwa ni hinkwaswo, va xanisiwa, va endliliwa hi nsele;

(Vona misava a yi nga va fanelanga:) . . .

³⁶⁵ Wa vona, hi ku tlherisela kwalahaya, mi swi xiyisisile eBibeleni ya n'wina.

. . . va tsendzeleka emananga, ne titshaveni, ne makheleni, ne mabakweni ya misava.

. . . volavo hinkwavo, ku te loko va endleriwe vumbhoni hi ku pfumela ka vona . . .

³⁶⁶ *Lahawani!* [Makwerhu Branham a kongomisa eka leswi a swi tsaleke exitsalelwemi—Muhleri.]

. . . vumbhoni hi ku pfumela ka vona, a vanyikiwanga leswi va swi tshembhisiweke: (Wa vona?)

Xikwembu xi hi lavele swin'wana leswi kulu kutlurisa, leswaku lava va nga riki na hina va nga tshuki va hetiseka.

³⁶⁷ Ma swi kuma ke? Vanhu lava va nga fela, *lahawani*, va tshembhele ni ku rindzela eka hina. Swingaleswi, Kereke *leyi* yi fanele yi ta eka ku hetiseka, ku endlela leswaku yi tissa ku pfuxiwa ka vafi. Nakona va le hansi, mimoya *leyi* yi nga ehansi ka altari, yi rindzerile Kereke *leyi* leswaku yi ta eka ku hetiseka ka Yona, kwalaho hiloko Kreste a ta.

³⁶⁸ Kutani Kereke *leyi*, ma swi vona, yi taya yi va yi ntsongo, yi va *leyi* yi nga talangiki. [Makwerhu Branham a kongomisa eka mpfapfarhuto lowu wu nga exitsalelwemi xa yena—Muhleri.] Hi nkwayo ka yona yi ta va ni vukarhi byo tala ku tlula byebyo, kambe ntsena kufana ni ku tsala xihambano xexo lahaya, wa vona. Yi fika endhawini *leyi* yi nga ntotswa. Ku kondza, Kereke, yi va *leyi* nga talangiki, yi fanele ku kumeka endhawini ku fikela laha yi vaka na muxaka wun'we wa ministri *lowu* va nga wu siya, hikuva, loko Nhloko *leyi* ya ribye yi ta vuya.

³⁶⁹ Ri ni tani hi xikhwama nyana *lahawani*, laha ri nga ta ya ri ya tshama kona lahaya, eka phiramidi ya ntoloveloo. Ntsena a kova xihuku lexi xi tshamaka ehenhla. I ximbyambani nyana, kutani xi fanele ku tshama kwalahaya ehenhla, hikuva xi humesa mati.

Kutani loko ri ta, Kereke *leyi* yi ta fanela ku lotiwa.

³⁷⁰ Hinkwaswo leswi, maribye hinkwavo eka phiramidi, ya pavalarile kahle ku fikela laha u nga ta tsandzeka ni ku

nghenisa xisingwani exikarhi ka wona, ya tika tithani, ma pavalarile kwalahaya. Leswaku va ma yimisile ku yini, a va swi tivi. Kambe va akile hi wona.

³⁷¹ Kutani ehenhla *lahawani*, loko Xihuku xa phiramidi xi ta, piramidi yona hi Yoxe, Miri wa Kreste wu ta fanelu ku lotiwa. Ku ngari ntsena mikhuva yin'wana kumbe dyondzo ya kereke, kumbe swin'wana leswi van'wana hi humaka eka swona. Wu ta fanele ku hetiseka tani hi Kreste, ku fikela, loko Yena a ta, Yena ni ministri wa lowo wu ta ringanelana hi ku phakatana kun'we. Wa vona? Swingaleswi ku tata ku Vutleriwa, kuya Ekaya.

³⁷² Langutani laha hi hanyaka kona sweswi, eLaodekiya, laha kereke yi nga kereke leyi nga nyanya swinene kutlula nguva leyi va nga tshama vava na yona. E Bibeleni, hi kuma leswaku, a yiri nguva yi ri yoxe ya kereke leyi Xikwembu a xi ri ehandle ka yona, xi ri ku gongondzeni, xi ri ku ringetenka ka ku vuyela endzhaku emuakwini wa Xona. Mikhuva na tidinominexini swi N'wi hlongorile a huma eka kereke leyi yi nga ya Yena. "Vonani, Ndzi yimile enyangweni ndza gogondza. Loko munhu un'wani a ri na torha ni kuva a nga pfula nyangwa, Ndzi ta nghena, ndzi lalela na yena." Wa vona? Lahawani swi tano, eka nguva ya kereke *leyi*. Va N'wi hlongorile hi xihatla, ku fikela va N'wi hlongola *lahawani* hi ku hetiseka. A va lavi ni nchumu ha Rona.

³⁷³ Sweswi ma swi vona laha hi yaka kona namunthla. Hambi kuri ku hela ka Nguva Ya Kereke Ya Laodekiya laha yi kufumelaka, ku kondza yona na Xikhatholiki, leyi yi avaneke *lahawani*, yi nga ta hlangana kun'we tani hi kereke yin'we leyikulu. Na nhlengeletano ya tikereke, swa fana tani hi Xikhatholiki.

³⁷⁴ Ku ni ku hambana kun'we ntsena, loko va nga tlhela va endla tano, sweswo i ku teka xilalelo. Wa lowo i nchumu lowu wu nga eka xifundzha xa vabishopo, lowu—lowu—lowu wu yimisaka Vukhatholiki na vuProtestantism ku hlanganya, ku nga xileriso xa xilalelo. Kereke ya Khatholiki yi ri, "I miri." Kutani kereke ya Protestant yi ri, "Xi yimela miri." Khatholiki va khorwisiwa ha xona. Ku khorwisiwa, hi leswaku, va teka xilalelo, va ri ni ku tshembha ka leswaku va rivaleriwile. Protestant yi xi teka hi ripfumelo, va ri karhi va khensa Xikwembu, eka xilalelo, leswaku ya rivaleriwile. Protestant yi ri, "Hi rivaleriwile." Khatholiki yi ri, "Hi le ku tshembheni ka leswaku hi rivaleriwile." Ku kholwa na xilalelo. Va swi vitana ku kholwa; hina hi xivitana xilalelo. Ku kholwa i ku tshembha leswaku swi tava tano. Xilalelo i ku tiva leswaku swi tano, ha N'wi khensa hikokwalaho ka xona. Wa vona? Nakona ku ni nchumu wun'we lowu va nga hlanganeki eka xona. Va ta wu endla.

³⁷⁵ Oho, swi languteka swi sasekile. Yi ta va hlanganisa, ku fambisa... Yi ta—yi ta fambisa hinkwato ti... Kunene, Bibebe

yi teri, "Kutani xivandzana lexi xi nyikile matimba eka muoswi," wa vona, xi va hlanganisa kun'we. Wa vona? Ntsena tani hilaha Bibele yi nge teri va ta swiendla, va le ku swi endleni sweswi. Swile ku landzeleni hi ntlawa, vhiki rona leri. Kungari hi leswaku ndzi lwsana ni vanhu va Khatholiki, a swi tano kutlula vanhu va Protestant.

³⁷⁶ N'wina ma Methodist na Baptist, ni vunyingi bya n'wina ma Pentekostal, loko tikereke ta n'wina tikongome ti ya eka nhlangano wa tikereke, loko va ri ni muako lowukulu wu nga akiwa lahaya eNew York, wa nhlangano walowo wa tikereke, swa fana ni leswi swi nga eka United Nations ni swin'wana. Va le ku ringetenka ku hlanganisa vuProtestantism ndzhawu yin'we.

³⁷⁷ Sweswi, ma Khatholiki va tlharihile eka sweswo, kutani va ta tisa Pope John wa vumakume mbirhi-nharhu, kumbe makume mbirhi-mbirhi, hambi a ngava wihi. U le ku ringetenka, hi ku ti yisa ehansi, hi ndlela yo titsongahata, ku tisa ripfumelo hinkwaro ra ma Protestant na ripfumelo ra ma Khatholiki, hindlela leyi Bibele yi nga teri va ta swi endla. Kwalaho mi nga kona. Kutani ma Protestants va wela eka swona, va njoveriwa, hi layini, ni ku nwela.

³⁷⁸ Hikokwalaho ka yini? Hikokwalaho ka yini? Hikuva a va swi khomi swilo *leswi*. *Vutivi*, "Rito ri lulamile." *Ku tiyisela*, "Lava va tshembhaka Hosi." Ma swi vona leswi ndzi swi vulaka xana?

³⁷⁹ Tani hi bishopo yaloye wa Methodist a vuleke siku rin'wana, loko va tava va swi hundzile sweswo. Kutani un'wana na un'wana wa switiva leswaku, njhani, leswi swi nga hloholotela sweswo, va ringeta ku kuma xikhongelo xin'wana lexi nga vuriwaka ekerekeni, kumbe exikolweni. Kutani va lava leswaku... Ndzi ehleketa leswaku i buku ya xikhongelo ya Presbyterian, kumbe yin'wana ya swin'wana, kutani vatswari va suwile xi-xi-xi xikolo hikuva a va nga amukeli xikhongelo lexi leswaku xi tirhisawa exikolweni. Kutani bishopo loyi wa Methodist a ri nakulorhi wa mukhalabya wo tlhariha, u yimile a ku, "Sweswo swi hoxekile." A ku, "A swi kona eka yumbiwa." U khomile rimoyana ra swona. A ku, "Tani hi le kerekeni ya hina ya Methodist," a ku, "ekerekeni ya hina ya Methodist," a ku, "vunyingi bya vanhu va hina va vulavula hi xikandala xa Hollywood, kutani makume nkaye-ntlhanu wa tipesente wa vona va ya va ya xi vona hi ndlela yin'wana."

³⁸⁰ Mhaka i yini xana? Va swi tshikile *leswi*. Hi swona sweswo. Va swi tshikile sweswo.

³⁸¹ A ndzi ri eku vulavuleni kwalahawani kamareni yaleyi, siku rin'wana, ni-ni-ni xirho xin'wana xa yi n'wana ya tikereke letikulu ta Methodist kwalahaya Falls City, yin'wana ya tikereke ta ximoya ta Methodist kwalahaya yi le Falls City.

Yi kombisa, nguva ya Methodist leyi yi taka yi landzelaka nguva ya hina kwalahaya, ya Pentekostal. Kutani u teri, “Eka St. Louis, Missouri, va endlile vulavisisi, kwalamu ka tinharihu kumbe mune wa tinhweti leti ti nga hundza, kutani va kumisisa.” Swi nga ha endleka wanuna ya loye a tshamile kwalahawani mixo lowu. Kunene, hi yena mukotraka loyi a nga eku akeni ka lowu, a hi lulamiselaka muako lowu. Main Street Methodist, hilaha a nghanaka kona, laha Makwerhu Lum na vona a nga mufundhisi. Swingaleswi hi kuma leswaku, eka sweswo, sweswo ndzi pfumela leswaku a va ri makume nkombo na swin’wana wa tiphesente ta vanhu va Methodist lava a va ri eka vulavisisi, byebyo, vulavisisi bya St. Louis, byi kombisa leswaku makume nkombo na swin’wana leswi nga twisisekiki swa tiphesente ta Methodists va zaha, ni makume ntsevu-nhungu wa ti phesente ta vona va nwa xihoko. Methodist! Kutani nchumu lowu wu chavisaka a kuri, loko vulavisisi byi nyikiwile, kumbe ku pimanyetiwa exikarhi ka vavanuna na vavasati; vavasati, a kuri makume nkombo, makume nkombo wa swin’wana swa tiphesente, ku ya eka kwalomu ka makume ntlhanu wa tiphesente ta vavanuna. Vavasati vo tala va zaha niku nwa ku tlula vavanuna. Makume nkombo wa tiphesente, makume nkombo na swin’wana wa tiphesente, vavasati va tele kutlula vavanuna.

³⁸² Sweswi ku nga humeleta yini loko hi nga ya ehansi eka Dyondzo ya Bibele ya ku ambala swo koma, niku boba misisi, ni swin’wana swo fana ni sweswo, wa vona, byi kwihivukwembu, vavasati va ti vula leswaku va ni vukwembu ni ku kwetsima? Makhadi ya mavandla ni swin’wana, vahembi, mahudza, va tsandzeka ni ku khoma ririm i leri ri nga ra vona. Ririm i leri ri nga ra vona ra vulavula na gubyia, niku ya hinkwako. Xana vavanuna vona va njhani? Makhadi ya mavandla, mintlangu ya galufu, va yimile lahaya va ambarile swiambalo swa hafu, ni swiambalo swa khale swo thyaka leswi va swi ambaleke ehenhla, va ri ni vavasati va vona lava va nembelelaka lahaya. A swi hlamarisi!

³⁸³ Ma ya vona makungu yalawa ya thyaka ya kokeke muchumayeri ya loye, muchumayeri wa khotso, mixo lowu? Ina, nkulukumba. A ndzi pfumeli leswaku wanuna yaloye u ni nandzu ha sweswo. Xana swi endlile yini xana? Yaloye i Makwerhu... A ndza ha ehleketa hi... [Un’wana a ku, “Dan Gilbert.”—Muhleri.] Ina. Dan Gilbert, muchumayeri wa khotso. Loko wanuna yaloye a tsutsumile a ya nghena a dlaya Dan, kwalahawani tinhweti tintsongo leti nga hundza, kutani sweswi nsati wa yena u langutele ku va na n’wana. Hikuva, Dan u file, a va nge swikoti ku ncicela ngati eka n’wana sweswi. U vule leswaku Dan u n’wi tsakisile ngopfu, kutani yaloye i wa yena... “Yaloye i n’wana wa Dan.” Tani hi... A ndzi pfumeli leswaku ku tlula ku pfumela leswaku—leswaku—wukuwuku ri na tinsiva ta tuva. Ee,

nkulukumba. Ndzi pfumela leswaku i mavunwa. Ndzi pfumela leswaku Dan Gilbert a ri wanuna wa Xikwembu. Nakona ndzi pfumela leswaku ya lawa a ya ri makungu ya Javulosi.

³⁸⁴ Ku kotisa nchumu walowo wu ringetaka ku va tlhandleka swikhongelo swa vona. Mukhalabya yaloye wa Methodist—bishopo wa Methodist a tlharihile ku ringanelu ku khoma sweswo. Loko a nga va na swona, loko sweswo swi ngava swi yile emahlweni, sweswo swi tava swi hlohloteriwile hi swin'wana. Hi swona sweswo.

³⁸⁵ Ntsena swi fana ni xiphiqo lexi nga kona xa ku hambanyisana eDzongeni, swa ha fana. Ndzi pfumela leswaku vavanuna va fanele ku ntshunxeka. Ndzi pfumela leswaku tiko leri ri yimele ntshunxeko. A ndzi n'wi voni nandzu Nkul. Kennedy kuva a rhumela mavuthu ehansi. Hambiswiritano, a ndzi—ndzi “dilara leyintshwa,” nakona a ndzi mu-Democrat. A ndzi mu-Rebuplican. Ndzi Mukreste. Swingaleswi ndzi... Kambe a ndzi pfumeli eka sweswo. A ndzi pfumeli leswaku vanhu va makhaladi va fanele ku xavisa tinfanelo ta vona to tswariwa eka maendlelo ya lawa, hambiswiritano. A ri ri—a ri ri vandla ra Republican. Ngati ya Abraham Lincoln yi ntshunxile vanhu va vona hikokwalaho ka kuva a ri munhu loyi a khongelaka. Ndzi ehleketa leswaku a va fanele ku yima eka vandla ra vona loko hileswaku va ya eku hlawuleni.

³⁸⁶ Kambe lexi ndzi nga xivulaka, jaha lero a ri ngari lahaya ntsena hikokwalaho ka sweswo, swikolo swa vona. Jaha lero i muaka-tiko. I mu-Amerika. Lowu i ntshunxeko wa hinkwavo. Muhlovo wa munhu a wu nga n'wi ncinci ku hambana ka yena. Hinkwerhu hi... “Xikwembu,” xi teri, “hi munhu un’we, u endlile ngati hinkwayo, ni matiko hinkwavo.” Hinkwerhu hi un’we. Kambe, jaha lero, a ri socha. Ra khale. U lwerile leswi nga swinene. A ri ni nfanelo yo ya exikolweni. Hi swona sweswo. Kambe a ri ni swikolo swo tala leswi a nga yaka eka swona.

³⁸⁷ Hi leswi nchumu wu nga xiswona. Loko mi swi landzelela, i swa siku ra namuntlha ra maendlele ya xidinominexini lahaya, lawa ya hlohlotelaka sweswo. Hikokwalaho ka yini xana? Va le ku dewuriseni ka tivhothi ta makhaladi kusuka eka Republican ku ya eka Democrat, nakona vale ku xaviseni ka tinfanelo ta vona to tswariwa ha swona. I ntiyiso hakunene. Moya wo Kwetsima a wu kona lahawani...

³⁸⁸ “A hi n'wi tshikeni loyi a nga na vutlhari.” “A hi n'wi tshikeni loyi a nga na vutivi.” Hakunene. Ntsena ku kotisa kereke leyi, nguva leyi yi nga kona sweswi, yi ti xavisaka. A mi swi voni leswi swi yaka eku humeleleni xana?

³⁸⁹ A ndzi na mhaka ni loko leswi swi kandziyisiwile. Lahawani swa ta. A haa. Ina. Xana mhaka i yini? Manana wa mina wa muduyuhari a tshamela ro vula leswaku, “Nyika Javulosi tinfanelo leti nga ta yena.”

³⁹⁰ Ku ni munhu un'we ntsena loyi a nga endla leswi swi twalaka, yaloye a ri Castro ehansi lahaya. Ina, nkulukumba. U yile ehansi lahaya. Nakona va mfumo a vari na kharisa ni swin'wana. Vona, a swi ri eka xiyimo xa nsuku, kufana na United States. A ta endla yini xana? U xavile tibondzo leti hinkwato. A kuma mali hilaha a nga kotaka ha kona. Xana u endlile yini kwalaho xana? U endlile nxavo wa mali ya vuxisi, a yi ncinka. A va veka endzhaku. Sweswo hi leswi ntsena tiko leri ri nga ta swi endla.

³⁹¹ Mi kale mi twa *Life Line* mixo wun'wana xana? Hikokwalaho ka yini, ma swi tiva, ntsena swi fana niloko u xavisa tibondzo hi nsuku. Tibondzo khale ti tekiwile. Nakona mfumo lowu wa sweswi wu yi tirhisela yini mali xana? Mali ya xibalo leyi va yi hlengleteke hi malembe ya makume mune kusukela sweswi. U swi endlile. Ya leyo i *Life Line* leyi yi humaka eWashington D.C., ku rhendzeleka hi tiko. Xibalo vale ku xitirhiseni, nakona va le ku ringetenka ku xava xa matiko yale handle. Kunene, ntsena va le ku xi humesenihndlila yin'wana. A mi swi voni xana? Sweswo swi fana ni leswi a va—a va ya eku swi endleni. Wa vona? Xana i yini? Sweswi, loko tiko leri ri ya eku hungukeni, nchumu wun'we ntsena lowu ri nga wu endlaka i ku hunguka. Nchumu wun'we ntsena lowu ri nga wu endlaka i kuva ri sala ri nga ri na mali.

³⁹² Walowo i nchumu wu ri woxe lowu wu twakalaka ku wu endla, ku ncinka nxavo wa mali. Kambe a va nga swi endlili, ehansi ka vurhangeri lebyi nga kona sweswi. Kereke ya Khatholiki ya Rhoma hi yona yi fumaka nsuku wa misava. Kutani lexi va nga xi endlaka i ku xavisela, "Vavanuna lava va swifumi," ni van'wana, "va misava," tani hilaha Bibele yi vuleke ha kona. Xana va ta endla yini, loko va nga si lahlekeriwela xana? The Brown and Williamson Tobacco Company, swo tala swa yona i swa Khatholiki, hi mukhuva wun'wana. Ni swilo leswin'wana hinkwaswo, xana va ta endla yini xana? Va ta swi amukela sweswo, nakona va ta tekela Rhoma mali, nakona ri xavisile tinfanelta rona to tswariwa. Rhoma ra ri seketela. Ina, nkulukumba. Ri ta ri seketela. Nakona va le ku kumeni ka ndzindza-nkhombo wo ringanelia sweswi, vale ku kumeni ka lowu wu nga va ringanelia, va wu tisa eka khabinete ya yena. Langutani leswi Nkul. Kennedy a swikombelaka.

³⁹³ Kutani loko mi vonile leswi, siku rin'wana, a kahari ni xilaveko xa ku hlawula nakambe. Xana hi wihi nkoka wa ku hlawula xana? Loko, va swi tsarile ephepheni, niku swi khorwisa emahlweni ka vanhu, nakona va ala ku endla swin'wana ha swona. Loko, va tiyisisile leswaku michini ya tiko hinkwaro yi rhiyiwile, leswaku va hlawurile Nkul. Kennedy hi hlawulo wa vuxisi. Xana Bibele a yi swivulangia leswaku u ta humeleta hi mano xana? Hakunene-nene, i

vuxisi. Sweswi, a ndzi le ku lwisaneni na vandla ra Democrat krtlula vandla ra Republican, kambe ntsena ndzi le ku vuleni timhaka leti ti humaka eka Bibele. Xana hi wihi nkoka wa ku hlawula xana? Va ri karhi va n'wi tiva loyi a nga ta humelela kwalahaya.

³⁹⁴ Xana i vangani va n'wina lava va tsundzukaka vuhami bya riqigho lebyi a byi ri ni vavasati vambirhi xana? Kutani loyi un'wana a ku, "Ndzi ya hlawula Nkul...." Kumbe, vavasati va ma Protestant va ku, "Ndzi ya hlawula Nkul. Kennedy."

Va teri, "Hinkwalaho ka yini xana?"

³⁹⁵ A ku, "Hikuva ndzi ehleketa leswaku i munhu wo tlhariha krtlula Nkul. Nixon. U tava Presidente wo antswa."

³⁹⁶ Hiloko a ku, "Loyi i wansati wa mu-Khatholiki. 'Xana u ya hlawula mani xana?'"

³⁹⁷ A ku, "Ndzi mu-Khatholiki, mu-Khatholiki wa mu-Rhoma, mu-Khatholiki lowo tshembheka." A ku, "Kutani ndzi ya hlawula Nkul. Nixon."

"Hikokwalaho ka yini xana?"

³⁹⁸ A ku, "Hikuva, ndzi ehleketa leswaku Nkul. Nixon u tava Presidente wo antswa hikuva u titolovete eka swilo swo tala. U tolovelanini swinene ni xikhomunisi." Wansati yaloye a vulavurilie mavunwa.

³⁹⁹ Ndzi na *Ti...leswi* va swi vitanaka, *Timhaka Ta Ripfumelo Ra Hina*, buku ya le henbla ya Khatholiki leyi va nga yi xavaka. Kutani yi vula leswaku kwalahaya, "Loko ku ri ni thikithi ra Khatholiki, leri ri lwisanaka na Protestant; loko mu-Khatholiki a nga hlawula mu-Protestant, a va tsemini eka xinakulobye xa kereke ya Khatholiki." Hi swona. "Kutani loko kuri ni va-Khatholiki vambirhi va rhangelaka hofisi yin'we, va ta hlawula mu-Khatholiki loyi a tshembhekaka eka 'kereke ya manana' kutani va hlawula vona."

⁴⁰⁰ Maswivona hilaha, mano ya lawa, leswi va ringetaka ku swi endla xana? Va fambisa mali, yo xava. Hikokwalaho ka yini xana? Va le ku ringetenka ku ri tshova. Nakona va le ku swi endleni, nakona ri tshovekile. Nakona i yini xana? Ri le ka xiyimo xa nsuku. Nakona kereke ya Khatholiki, vuhami, byi fuma nsuku wa misava. [Un'wana a ku, "Dzana na makume ntsevu-nhungu wa biliyoni ya tidolara."—Muhleri.] Dzana na makume ntsevu-nhungu wa biliyoni. Kwalaho mi nga kona. Ri cukumeterile tinfanelo ta rona endzhaku eka xiyimo xa nsuku, kutani n'wina vanhu ntsena hlayisani miti ya n'wina na swin'wana, kambe mi va kereke ya Khatholiki. Tiko i ra kereke ya Khatholiki. Swilo hinkwaswo swi tekiwa swi nghanisiwa endzeni tani hi sweswo, hi nxavo wa mali ya vona. Xana Bibele a yi vulavulanga ha sweswo xana? Xexo i xifaniso lexi Bibele yi hi yisaka eka xona.

⁴⁰¹ Leswi ndzi ringetaka ku swivula, makwerhu, namunlhia. Va ta ku, "Sweswo swi ta yi endla yi va kereke ya kahle. Yi ta hlanganisa vuProtestantism." Yi languteka yi ri kahle hi tihlo ra ntumbuluko, kambe vutivi bya misava leyi i vuphukuphuku eka Xikwembu.

⁴⁰² "Nakona swi tsakisile Xikwembu, ku ya hi—hi vuphukuphuku bya ku chumayela, ku ponisa lava lahlekeke, hi hofisi ya Vukwembu leyi Xi nga xiximela Hofisi ya Xona eka Kereke ya Xona, ku aka Kereke ehenhleni ka swilaveko leswi swa ximoya ku nga ri ehenhleni ka swin'wana na swin'wana leswi swi yelenaka na misava."

⁴⁰³ Petro u teri, "Kutani hikuva mi balekele ku bola ka misava hi ku navela ka mali, niku navela minkarhi ya kahle, niku tsaka, niku dya, niku nwa, ni ku navela loku a hi ri na kona. Mi ku balekerile. Kutani sweswi mi akiwile evuton'wini. Ndzi le ku vuleni ka leswi eka Kereke," u vule tano. Kwalaho mi nga xana. Xana mi kale mi swi hlaya xana? Xana ma swi kuma xana? Xana mi kale mi swi twa loko hi swi hlaya lahawani eka Petro wa Vumbirhi xana? Ntsena yingisani leswi a swi vulaka lahawani, swi saseke njhani leswi nga tsariwa lahawani, hi ndlela leyi a—a swi hlamuselaka ha kona. Swi kahle. N'wi yingiseleni tani hilaha a vulavulaka sweswi. Hi swona.

Petro, Simon Petro, nandza ni muapostola wa Yesu Kreste, eka lava...averiweke ku pfumela loku ringanaka ni ka hina hi ku saseka eku lulameni ka Xikwembu xa hina ni ka Yesu Kreste Muponisi wa hina:

...ku rhula a swi—a swi mi talele eku tiveni ka Xikwembu, ni ka Yesu Kreste Hosi ya hina,

Kuya hi—hi matimba ya vukwembu bya yena u hi nyikile hinkwaswo...

⁴⁰⁴ Xana i mani loyi a nga tava a ri mudya ndzhaka ya misava ni swilo hinkwaswo xana? [Un'wana aku, "Vakwetsimi."—Muhleri.] Hakunene. "Leswi swi fambelena... Ina. Hi swona.

...leswi swi fambelena ni vutomi ni swa vukwembu, hi ku tiva la hi vitaneke hi ku kwetsima ni ku kwetsima:

Ha swona hi nyikiwile ku tshembhisa loku kulukumba...ka xitshembhiso xo saseka: leswaku ha kona mi va niku averiwa ka vukwembu, hi ku sukela ku bola (Yingisani sweswo.) loku nga misaveni hi ku navela.

⁴⁰⁵ Ku navela ka mali, ku navela ka swilo leswikulu, ku navela ka ku duma, swilo leswi swi file eka mupfumeri. A hi na mhaka naswona. Nxaxa kumbe xidyumbana, xana hikokwalaho ka

yini ndzi fanele kuva na mhaka naswona; ku hanya kumbe ku fa, ku mbombomela kumbe ku humesiwa xana? Lowu i nchumu lowu ndzi tsakelaka eka wona, Mfumo wa Xikwembu. Hambi ndzi hlayisa muti wa mina, hambi ndzi hlayisa ndyangu wa mina, hambi ndzi hlayisa yini na yini, mi nge mina ndzi hlayisa Kreste, tshembha ra ku Kwetsima ka hina.

⁴⁰⁶ Ndzi ake, O Hosi, eka *Leswi*. Pfumelela Kreste a va Nhloko ya mina, loyi a nga ta tirha ha mina. Eka masungulo ya mina, ripfumelo ra mina leri ri nga eka Yena, pfumelela vunene, vutivi, vutikhomi, ku tiyisela, vukwembu, ni rirhandzu ra yumakwerhu, swi tirha eka mina, O Hosi, i xikhongelo xa mina. A ndzi na mhaka; ndza hanya kumbe ndza fa, ndza nwela kumbe ndza humesiwa; dinominexini, ku ri hava dinominexini; munghana kumbe ku nga ri ni munghana. Pfumelela ntirho Walowo wu tirha eka mina, pfumelela vunene bya Kreste, vutivi bya Yena, swi khuluka, leswaku ndzi ta kota ku dyondzisa lavan'wana.

⁴⁰⁷ “Hikokwalaho Xikwembu xi vekile eKerekeni, vaapostola, vaprofeta, vadyondzisi, varisi, ni va evhangeri, hinkwavo hi ku hetisisa niku tisa vunene hinkwabyo lebyi eka yona, kuri ku hetiseka kwaloko ka ku Vuya ka N'wana wa Xikwembu.” Rin'wana na rin'wana ra maribye ya *lawo* i nhundzu leyi yi humaka eka lero Rin'we. *Leri* i nhundzu ya Leri. Byi n'wana na byi n'wana bya vunene lebyi i bya Yena, nakona va byi chulula byi huma eka Yena, ku sukela ehansi eka vona. Amen.

⁴⁰⁸ I awara ya khume mbirhi. Xana swi ya kwihi hinkwaswo xana? Amen. Xana ma N'wi rhanda xana? [Nhlengeletano yi ku, “Amen.”—Muhleri.] Xana ma swi pfumela sweswo xana? [“Amen.”] Yingisani, n'wina lavantsongo.

⁴⁰⁹ Sesi Kidd u teri, mixo lowu, “Makwerhu Bill, a ndzi swi tivi loko ndzi ta ku vona nakambe.” Sweswo a swi lavile ku ndzi dlaya. Wa vona? U ehleketa leswaku wa dyuhala, nakona u tano. Ndzi khongerile Xikwembu leswaku xi n'wi hlayisa na Makwerhu Kidd, nkarhi wo leha.

⁴¹⁰ Mi nge ndzi mi byela, a hi switivi leswaku swi ta teka nkarhi wo tani hi kwihi ha ha kumeka swin'we. A ndzi swi tivi leswaku ndzi ta tshama nkarhi wo tani hi kwihi na n'wina. Xikwembu xi nga ha ndzi vitana kusuka lahwani emisaveni. Xi nga ha mi vitanelka eka nsimu ya ntirho wun'wana. Xi nga ha mi vitanelka kun'wana n'wina. A hi swi tivi. Kambe, a hi—a hi swi amukeleni. Hi nga ha swi pfumeleli swi hi hundza ntsena leswi. A hi swi tekeni sweswo.

⁴¹¹ Lahaya swi kona, eBibeleni. Lahawani swi kona, swa landzelelana hinkwaswo lahwani. Kutani ntsena loko a ndzi ri ni nkarhi wo swi endla! Mi ngaka mi nga ha swi endli hi siku rin'we. Ma swi tiva sweswo. Kambe, hi nga ha boha hinkwaswo kun'we!

⁴¹² Vonani, loko hi tava hi hetile hi hungu leriya lahaya, ma swi vona leswi Moya wo Kwetsima wu nga swi endla lahaya ekhumbhini, a mi swi vonanga xana? I vangani lava a va ri kona lahawani xana? [Nhlengeletano yi ku, “Amen.”—Muhleri.] Wa vona? Hakunene! Yi xikela ehansi, yi fika yi pfapfarhuta swo fana, Ntsumi yaleyo ya Hosi.

⁴¹³ Wa vona, i ntiyiso. Mi nga swi pfumeleli swi mi balekela. Khomelelani eka swona, vana. Khomelelani eka sweswo. Tsundzukani, akani ehenhla ka ripfumelo ra n’wina, vunene, vutiviti, ku tiyisela!

⁴¹⁴ Sweswi, lahawani, ndzi ehleketa leswaku a ndzi ri na xiphephani lahawani, loko ku ku a ndzi xi wisanga kun’wana laha a ndzi ri eku chumayeleni. Hi lexi lahawani. Ndzi khensile, makwerhu. Ndza ku khensa, swinene. Loko mi lava ku—ku xi langutisa, kutani mi vona loko kuri ni swin’wana leswi mi nga kotaka ku... Kumbexana xi ni maendlelo man’wana yo antswa kutlula lama nga lahaya, lama mi nga kotaka ku ma kopa. Ntsena ndzi ta xi yimisa lahawani, kutani mi ta xi vonisia kahle ni—ni ku tlhela mi xi thayipa.

⁴¹⁵ Kutani ndzi mi lava leswaku mi xi teka mi ya xi hlaya, ni ku xipimanisa, kutani mi endla ehenhleni ka xona. Mi nga xi hlayi ntsena, xipimaniseni, mi endla hilaha xiyulaka ha kona loko mi swi endla. Xi tekeni hi ku xitsembha eka n’wina. Mi nga vuli leswaku, “Kunene, ndzi tiphina hiloko ndzi xi yingisela.” Ndzi swi endlile, na mina. Kambe ku xi yingisela, swingaleswi ni ku xi amukela, swa hambana. Wa vona? Wa vona? Swa hambana. Wa vona?

⁴¹⁶ Ku ni swilaveko swa nkombo leswi swi endlaka xifaniso xa Xikwembu. Ku ni Tinguva ta Tikereke ta Nkombo, leti Xikwembu xi nga tisa Kereke eka xilaveko lexi. Nakona Xi vile ni varhumiwa va nkombo ku ta swi endla. Ku ni nkombo, nkombo, nkombo. Wa vona? Nkombo i—i nomboro ya Xikwembu ya ku hetisela, nakona nharhu i nomboro ya Xikwembu ya ku hetiseka. Swingaleswi, ku ni nharhu, ni tinkombo tinharhu. Swingaleswi, hi xihlayso, hi ximoya, hi Rito, hi mbhoni ya Moya wo Kwetsima, hinkwaswo ka swona swi hetisisile nchumu kun’we. A hi swi hlayeni.

⁴¹⁷ A hi swi engeteleni leswi eripfumelweni ra hina, swingaleswi, leswaku hi nga ha ta eka xifaniso lexi hetisekeke xa Kreste; leswi swi nga hlanganisiwa kun’we hi rirhandzu ra vukwembu, hi chava Xikwembu, hi va ni xichavo eka un’wana na un’wana etimbilwini ta hina, hi va ni ku hlönipha loku ku enteke eka van’wana, hi va ni rirhandzu ra vumakwerhu va xinuna ni vaxisati, hi ngavi na mikhuva yo biha, hi nga ri ni swin’wana kambe ku tengä ka Moya wo Kwetsima lowu wu hanyaka. Wa vona? Hi hanya kun’we, hi va Mukreste. Mi famba hi ripfumelo. Mi pfumelela vunene bya Xikwembu

byi khuluka ha n'wina; mi pfumelela vutivi bya Xikwembu, loko swi ta eka leswinene ni leswo biha. Loko Javulosi a tisa xin'wana lexi nga riki xa Matsalwa, fambelani ekule na swona. Hi swona sweswo.

⁴¹⁸ Ndzi nga ha va anakanya vaapostola a va kalanga va va ni maendlelo yo fana na ya hina. Va rhendzelekile, kumbexana vavanuna va marito lama ntsongo, ku kondza va fika ephulphitini. Va nghenile kutani va endla leswi a va fanele ku swi endla, vatlhela va huma. Ina, nkulukumba. A va ri ni matimba. A va ri ni vunene. A va nga ri niku phikizana ni vavanuna. A va tiva laha a va yimile kona. Hi swona hinkwaswo sweswo . A va tiva loyi va n'wi pfumeleke. A va tshamela ro famba eMoyeni. Ntsena va ri ku endleni . . .

⁴¹⁹ Ntsena tani hilaha ndzi vuleke ha kona vusiku byin'wana. Ku pfumela kun'we loku ntsongo, lexi Xikwembu xi lava ku xi endla, swingaleswi ku hava lexi nga va yimisaka. A va kalanga va yutisa kumbe ku dyondza, ni ku hamutana niku vilela tani hilaha hi swi endlaka, hambi va nga endla *leswi* kumbe *sweswo*. Va yile emahlweni va swi endla, hi mukhuva wolowo. Ntsena ku pfumela kun'we ntsena ka Xikwembu, ka swi endla sweswo, ntsena hi ku hatlisa. Hikokwalaho ka yini xana? Xana a va swi tiva njhani leswaku a kuri ku pfumela ka Xikwembu xana? A va ri ni vunene hinkwabyo lebyi byi nga lahawani, hi nkwaswo swilaveko leswi. Kutani ku pfumela loku ntsongo ko sungula eka Xikwembu ku pimanyiseni ni xin'wana na xin'wana xa *leswi*, ni Rito ra Xona. Va swi tivile leswaku a ri ri Rito ra Xikwembu, kutani va fambile va ya ekule. A va nga fanelanga va vilela ha nchumu. Loko Xikwembu xivulavurile, va fambile. Ha vulavula . . .

⁴²⁰ Xikwembu xi vulavula na hina, kutani hi ta ku, "Kunene, hi ta sungula. Hi ta vona loko hi nga hanya Vutomi lebyi." Xo sungula mi xitivaka, un'wana wa mi khunguvanyisa. Kunene, i ntiyiso, yaloye i Javulosi.

⁴²¹ A mi fanele mi swi vonile loko a ringeta ku ndzi susa eka nhlengeletano leyi mixo lowu. Mi ta fanelia ku va na sweswo nkarhi wun'wana. Oho, tintswalo! Ndzi fanele ku lwa minkarhi hinkwayo loko ndzi vulavula hi nhlengeletano. Kutani loko ndzi ya khongelela vavabyi, kutani un'wama a fa a nga ponisiwanga, ku va na tiqhingho ta makume nharhu leti ti nghenaka hi khume ra timinetse, loko va nga swi kuma hi ku hatlisa sweswo, ku ta ndzi sivela eka swona. "Oho, Makwerhu Branhams, u fanelia ku endla *leswi*." Kambe ku ni moya emhandzini. Hakunene. Ina.

⁴²² Vusiku byin'wana, ndzi vitaniwile endzhawini yin'wana. Jaha rin'wana, ndzi vulavurile na rona lahawani eka leswi mi swi vitanaka, supamakete, malembe nyana lama hundzeke. U vile xidakwa. A ndzi n'wi tiva mufana, mufana wa kahle

swinene, kambe a ri mudyohi. Kutani swingaleswi mana wa yena u vitanile. Ndzi ehleketa leswaku u vitanile Doc nkarhi wo hlaya. Ndzi...Vitanile, kutani va vitanile Billy, kutani—kutani eku heteleleni ndzi kumile hungu. Kutani loko ndzi tava ndzi kumile hungu, hi ku tshembheka lokunene, a ndzi kalanga ndzi lwa evuton'weni bya mina, ku tshirelala mufana yaloye.

⁴²³ Kutani loko ndzi fika kwalahaya, nakulorhi wa xisiwana a ndzi tiva khale. Kwalahaya a ri kona, a badamile kwalahaya, a nga ha titwi, kutani ntsena ku ya emahlweni. Tata wa yena a ringeta ku n'wi bambetela, kutani a ku, "Murhandziwa." Kutani wanuna u ni makume ntshanu, kwalomu ka makume ntshanu-n'we wa malembe hi vukhale. Kutani a ku, "Murhandziwa," *leswi*, "kutani a etlela hambi swi ri tano." Kutani a ri eku ringetenka ku pfuka. Swivokwani swa yena swa khale swi kurise *xisweswo*. Mufana a ri ni mfukuzani swinene ku kondza laha a nga ha ri nchumu kambe mfukuzani leyti tiyeke. Ni swirho hinkwaswo swa miri wa yena a swi ri ni mfukuzani. Hambi ti ri tihlanga ta ngati a ti ri na mfukuzani, hinkwaswo. Kutani kwalahaya a ri kona, a ri karhi a ringeta ku pfuka, ni ku ya emahlweni hi ndlela yaleyo.

⁴²⁴ Ndzi n'wi khomile hi voko, ndzi ku, "Woodrow, Woodrow, loyi i Makwerhu Branham."

⁴²⁵ Papa yena a ku, "A wu n'wi tivi xana? Loyi i Makwerhu Bill. Woodrow, loyi i Makwerhu Bill."

A ku, "A—ha. A—a—a," hi ndlela yaleyo.

⁴²⁶ Kutani papa yena a n'wi languta a ku, "Billy, u hlwele nyana."

Ndzi ku, "A ndzi hlwelanga. U kona kwalahawani." A ndzi ri enyimpini.

⁴²⁷ Kutani swingaleswi vafana van'wana, vafana van'wana vo tala, va vadyohi, a va yimile kwalahaya, ni van'wana va maxaka ya yena. Ndzi ku, "Maswivona, vafana, tilulamiseleni, hikuva mi ta fika exiyin'weni lexi. Mi fanele ku ta lahawani. Wa vona? Kumbexana ku nga ri hi mfukuzani lowu—lowu. Mi nga ha ta hi swin'wana, leswi humaka lahaya epatwini ra le henhla, mi ri karhi mi hobomulanelu ku fa hi ngati, kumbe swin'wana. Mi fanele ku ta eka swona." Hi vulavurile na vona.

⁴²⁸ A ndzi rindzele Moya leswi wu nga ta ndzi byela ku ndzi swiendla. Ku rindzela. Xo sungula mi xitivaka, ndzi twe ku pfumela kwaloko nyana loku ntsongo. "N'wi tlhandleki mavoko."

⁴²⁹ Ndzi tshunerile, ndzi ku, "Hi nkwerhu ka n'wina korhamisani tinhloko ta n'wina." Hinkwavo va korhamisile tinhloko ta vona, vanakulorhi vambirhi kumbe vanharhu lavantsongo lava a va ri kwalahaya.

⁴³⁰ Ndzi vekele mavoko ya mina ehenhla ka yena. Ndzi ku, “Hosi Xikwembu, pfumelela mufana a va ni ripfalo ra ku tiva leswi a nga taya a ya swiendla, hikuva u fanele ku hlangana na swilo leswi. U le ku feni. Javulosi loyi u n’wi chele xilondza, kutani wa famba. Nakona na yena u dakwele ro fa, kutani hi loyi eka xiylimo lexi. Ndza khongela leswaku U va na tintswalo eka yena.” Kutani loko ndzi n’wi khongelerile, hi mixo lowu landzelaka a tshamile, a ri karhi a vulavula na papa yena.

⁴³¹ Busty Rogers, loyi . . . Va ndzi vitanile lahawani exibedlhele, ku nga ri khale ngopfu. A ndzi humile siku lero, endzhaku kaloko ndzi chumayerile lahaya eMilltown laha Georgie Carter lontsongo a hanyisiweke kona. Hinkwerhu ka n’wina ma swi tsundzuka. Kutani kwalahaya loko Makwerhu Smith, muchumayeri wa mu-Methodist, u teri, “Loko un’wana a tshame a khuvuriwa, hi Vito ra Yesu Kreste, a humi etendeni ra mina,” hi ndlela yaleyo. Ehenhla lahaya eTotten’s ford, loko hi ri na nhlengelatano kwalahaya. Kutani, oho, u ndzi sorile eka hinkwaso leswi mi nga swi ehleketa. A ndzi kalanga ndzi vula na rito; ndzi lo ya emahlweni. A ndzi ri ni xileriso. Hosi yi ndzi kombile xivono. A kuri ni xinyimpfana ehansi lahaya, lexi a xi bohiwile kun’wanyana emananga. Ma xi tsundzuka xivona, hinkwerhu ka n’wina. Ndza pfumela leswaku ma xi tsundzuka. Xana ma ha xi tsundzuka xana? [Nhlengelatano yi ku, “Amen.”—Muhler.] Hakunene. Swi kahle. Swingaleswi a ndzi ri eku fambeni emananga, ndzi ri eku hloteni ka swona.

⁴³² Ndzi yile eTotten’s ford. Makwerhu Wright wa swi tiva lahaya. Hi famble, hi nga swi tivi leswi a hi fanele ku swiendla. Ndzi xavile xibokisana xa xisibi, hi xingwece. A ndzi fanele ku huma ndzi ya ehandle lahaya, ndzi ya yima kwalahaya ndzi chumayela exitepisini. U teri u gonya ehenhla, enhlonhlorini ya xiganga, kuya xavisa swin’wana. Ndzi famble na yena. A ku ri ni kereke leyikulu ya khale ya Baptist yi nga tshamisa kwalahaya, yi nga ri ni nchumu. Hosi yi ku eka mina, “Yima kwalahaya.”

⁴³³ Ndzi ku, “U ngeri ndzi ya ehandle lahawani, Makwerhu Wright.” Ndzi yimile. U yile ehenhla a tlhela a vuya.

⁴³⁴ Ndzi yile kwalahaya, kutani ndzi hlulekile ku pfula nyangwa. Ndzi ku, “Hosi, loko U ri eka leswi, U ndzi lava leswaku ndzi nghena ekerekeli, ndzi pfuleli nyangwa.” Ndzi tshamile ehansi kwalahaya kutani ndzi ehleketa.

⁴³⁵ Ndzi twile un’wana a taka; a ri karhi a famba, hiloko a ku, “Ku njhani? Ndzi ta ku byela,” a ku, “u lava ku nghena ekerekeli xana?”

Ndzi ku, “Ina, nkulukumba.”

A ku, “Ndzi ni xikhya lahawani.”

⁴³⁶ Hi sungurile nhlengelatano. Vhiki ro sungula, a swi tika a ku nga ri na nchumu. Hi vusiku byo sungula, ndzi vile ni

nhlengeletano, Makwerhu Wright ni ndyangu wa yena. Xo sungula mi xitivaka, emahelweni ya vhiki, a va kalanga va yima ejarateni hambi kuri ku yima, swi tika. Hambi swi ri tano xinyimpfani xexo a xi tanga. Makwerhu Hall u ponisiwile hi nkarhi wolowo, ni mufundhisu a landzela, ni hinkwavo ka vona. A ndzi kumanga laha xinyimpfana lexi a xi ri kona. Endzhaku nyana, ku suka eka Church of Christ, ehansi ka nhlochlrorhi, a kuri ni xinhwenyetana xa nkaye wa malembe ni tinhweti ta nhungu lexi a xi nga koti ku famba, xi ti etlelerile kwalahaya. Kwalahaya a xi ri kona. Ma xi tiva xitori hinkwerhu. Ina, nkulukumba.

⁴³⁷ Nhlikanhi wolowo loko Busty Rogers, wanuna lonkulu wa khale a yimeke kwalahaya . . . Ndzi humile ndzi ya kwalahaya. Kutani lahaya a ku yimile nhlengeletano ya Makwerhu Smith leyi a yi ri eku ndzi hlekeni, yi endla mafenya ha mina, ku va ndzi khuvula hi Vito ra Yesu. Ndzi humile ematini ya ndzhope ya Totten ford, laha a va ri na . . . [Xindhawani lexi ngariki na nchumu eka thepi—Muhleri]. . . ehenhla exikobyanini lahaya, kutani ntsena a va ri eku dumadumeni hi ku tika tani hilaha va nga kota ha kona. Madiyakoni yo tala ya humile na mina.

⁴³⁸ Ndzi ku, “Ndzi yimile lahawani enhlekanini lowu hi ku yimela Matsalwa yo Kwetsima ya Xikwembu.” Ndzi ku, “Ndzi hlayile eBibeleni lahawani laha Petro a nge teri, ‘Hundzukani, un’wana ni un’wana wa n’wina, mi khuvuriwa hi Vito ra Yesu Kreste eku khomeriweni ka swidyoho swa n’wina.’” Ndzi hundzuluka, ndzi nyiketa Buku eka un’wana wa madiyakoni.

⁴³⁹ Ndzi huma kwalaho, kutani ndzi ku, “Un’wana na un’wana loyi, a nga ta hundzuka evudyoheni bya yena, u fanele ku ta.” Ndzi huma kwalahaya ematini. Ndzi ku, “Eka mina swi languteka tani hiloko Tintsumi teto ti tshamile eka xigodo xin’wana na xin’wana sweswi, ti ri ku hlaleleni.” Oho, mina! Kwalomu ka nkarhi lowu a ndza ha khuvule kwalomu ka vambirhi kumbe vanharhu, nhlengeletano ya yena hinkwayo, vavasati va vona lava ambaleke swiambalo swa kahle swa siliki ehenhla, va bile mati yalawa, va kalakala hi rito leri tlakukeke. Ndzi khuvurile nhlengeletano ya yena ya khale hi Vito ra Yesu Kreste. Ma swi tiva. Ndzi na xona xifaniso xa kona. A xi ri kona kwalaho.

⁴⁴⁰ Xana a kuri yini xana? Ku engetela eka vunene bya n’wina. Wa vona? A hi byi tshikiseni sweswo. Xikwembu xa swi tiva leswaku xi ta swiendlisa ku yini. Xikwembu xa swi tiva leswaku xi ta swi humelerisa njhani. A hi va tshikeni va vula leswi va swi lavaka. A swi kali swi hambana. Ntsena yanani emahlweni ni ku famba.

⁴⁴¹ Busty Rogers a yimile kwalahaya, loko a ta vona sweswo, u teri, “Swingaleswi se ndzi pfumela hi mbilu ya mina hinkwayo.” Kutani u nghenile ematini, hi swiambalo swa yena leswa kahle, kutani u khuvuriwile hi Vito ra Yesu Kreste.

⁴⁴² Kwalomu ka malembe manharhu kumbe mune lama nga hundza, va ndzi vitanile lahawani exibedlhele xa New Albany. Kwalahaya a ri, eku feni, hi mfukuzani, ntsena a yi n'wi dya. Madokodela va n'wi tshikile ku kondza mixo lowu landzelaka, leswaku a hanya. A ku, "U le ku feni sweswi." Va ku, "Tana sweswi."

⁴⁴³ Ndzi enhlerile ekamareni, loko ndzi fikile, ndzi yima kwalahaya ndzi khongela. A ku, "Billy, ku ni nkwangulatilo wu rhendzelekaka ekhoneni yaleyo."

⁴⁴⁴ Kutani ndzi hundzulukile, ku wu languta. Ndzi ku, "Busty, i ntwanano. A wu nga fi. Ntwanano wa Ngati wu ku ponisile."

⁴⁴⁵ Ndzi n'wi vekile mavoko, ndzi ku, "Hosi Xikwembu, hilaha xivono xexo lexi nga lahaya xi tiyisisaka leswaku Wena u lahawani. Ntwanano wa Wena hi walowo, lo wu nge, 'Hi timbanga ta Yena hi hanyisiwile.'" Ndzi n'wi tlhandlekile mavoko, kutani kwalahaya a hola. Ndzi n'wi rhumela ekaya.

⁴⁴⁶ Kutani kwalomu ka mune kumbe ntlanu wa malembe, kwalomu ka mune wa malembe, loko hi ri karhi hi njovela ehenhla nale hansi enambyeni ni swin'wana, ku ya emahlweni. Kutani laha mfukuzani a wu ri kona eka nkolo wa khwiri, a ku omile, a kuri ni fundzu lerikulu. Madokodela, ni lava va nga va khale exibedlhele, va n'wi byerile leswaku va ta n'wi endla vutshunguri bya kobaliti lebyi byi nga tsanyusaka kwalaho, ku pfumelela swakudya swo tala leswaku swi rhelela hi nkarhi wun'we. A swi n'wi tikela ku dya swakudya swo tala, a fanele a dya hi ku nonoka. U rhelerile leswaku a ya lunghisiwa. A ndzi switivi loko a ha ri kona.

⁴⁴⁷ Swingaleswi loko va n'wi endlile vuhandzuri, va kume leswaku byi n'wi ngheniserile eka ku kavanyeteka ka swirho, kutani a va na xitroku. U limarile rihlanguti hi nkwaro hi ndlela yaleyo. Kutani xilo xin'we ntsena lexi a nga xi endlaka i ku rilela hafu. Kutani a ri na penisele, tani hi *sweswo*, kutani a famba, "a, a, a." Kutani u ringetile ku tsala, a rhurhumela tani hi *sweswo*, hi voko ra yena lerinene. Rihlanguti ra yena ra ximatsi, a ri biwile hi xitroku ku ya ehansi. Kutani a yimisa voko ra yena, "Yesu u ponisile, 1900 ni van'wana." A va swi kumanga.

⁴⁴⁸ Swingaleswi sweswi loko nsati wa yena a teri, "Makwerhu Branham, a ndzi swi twisisi leswaku u vula yini loko a ku tano."

⁴⁴⁹ Ndzi ku, "Manana Rogers, leswi a swi vulaka, a ku ri 1900 ni van'wana, lava va nga ponisiwa niku khuvuriwa hi Vito ra Yesu kwalahaya. Sweswi hi leswi a swi hakelaka sweswi. A nga chavi ku fa."

⁴⁵⁰ Ndzi ku, "Hosi Xikwembu, hlayisa vutomi bya yena. Ndza swi khongeleta, hi Vito ra Yesu, leswaku U ta hlayisa vutomi

bya yena.” Ndzi n’wi tlhandlekile mavoko. Xitroku xi n’wi sukerile. Ku kavanyeteka ku yima. Kutani a pfuka emubedweni. Kutani u le henhla sweswi, u le ku nyikeni ka vumbhoni.

⁴⁵¹ Engetela eka ripfumelo ra wena, vunene; engetela eka vunene bya wena, vutivi; eka vutivi bya wena, vutikhomi; eka vutikhomi bya wena, ku tiyisela; eka ku tiyisela ka wena, vukwembu; eka vukwembu bya wena, rirhandzu ra vumakwerhu; eka rirhandzu ra vumakwerhu ra wena, Moya wo Kwetsima, kutani Kreste u tata. Hikuva, ntsena mi le hansi ka Yena . . . Moya wo Kwetsima i Moya wa Yesu Kreste eKerekeni, ku vonakarisa vunene byebyo. Oho, mina!

Hi leyি lahwani, khume ntlhanu ku bile awara ya khume mbirhi.

Ndza rhandza . . . Ndza N’wi rhandza
Hikuva U sungurile a ndzi rhandza,
Endzhaku *lahawani*, loko mi nga si va nchumu.
Kutani a xa- . . . (Xana U endlile yini
xana?) . . . ku ponisiwa ka mina.
Ensinyeni wa Xihambano.

Xana swi te njhani ndzi va xi *leswi*? Hikuva U ndzi rhandzile, eku sunguleni.

Ndza N’wi rhandza, ndza N’wi rhandza
Hikuva U sungurile a ndzi rhandza . . . (Ku ni
xivangelo.)
A xava ku ponisiwa ka mina
Ensinyeni wa Xihambano.

⁴⁵² Ndza tiboha, mixo lowu, eka Yena, hi mbilu ya mina hinkwayo, leswaku, hi ku pfuniwa hi Yena ni tintswalo ta Yena, ndza khongela leswaku ndzi ta langutela eka yena masiku hinkwawo, ndzi nga rhuteli, ku kondza ndzi twa swilaveko leswi hinkwaswo swi khuluka exifanisweni lexintsongo xa khale xa mina, ku kondza ndzi vonakarisiwa eka Kreste la hanyakha. Hikokwalaho, U hundzukile mudyohi kufana na mina, leswaku ndzi nga hava . . . ku ta kululama ka Xikwembu, kufana na Yena. “U tekile ndzhawu ya mina; Hosi, u nge ndzi teka ya Yena sweswi.” Hikuva, xexo i xikongomelo xa Yena xa kuva a file. Xana i vangani lava va nga ta tiboha eka sweswo, hi tintswalo ta Xikwembu xana? [Nhlengeletano yi ku, “Amen.”—Muhleri.] Ha ha korhamisile tinhloko ta hina sweswi, hi yimisile mavoko ya hina. “Ndzi . . .”

⁴⁵³ Ndza tiboha eka swona, Hosi, ni kereke leyি yi tiboha eka swona, “Xifaniso lexi hetisekeke xa Yesu Kreste!”

Hikuva U sungurile a ndzi rhandza
A xava ku ponisiwa ka mina
Ensinyeni wa Xihambano.



XIFANISO XA MUNHU LOYI A HETISEKEKE TSO62-1014M
(The Stature Of A Perfect Man)

Hungu leri hi Makwerhu William Marrion Branham, ri sungurile ri hangalasiwa hi Xinghezi hi Sonto ni mixo, Nhlanguila 14, 1962, eTabernakeleni ya Branham eJeffersonville, Indiana, U.S.A., ri tekiwile kusuka eka nkandziyiso wa thepi ya maginetiki kutani yi tsariwa yi nga khomananga hi Xinghezi. Hundzuluxo lowu wa Xitsonga wu tsariwile wu hangalasiwa hi Voice Of God Recordings.

TSONGA

©2013 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
P.O. Box 178, SOMERSET WEST, 7129 CAPE PROVINCE,
REPUBLIC OF SOUTH AFRICA


VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

XIFANISO XA MUNHU LOYI A HETISEKEKE

TINGUVA TA KEREKE

YESU

VARHUMIWA



PETRO WA VUMBIRHI 1:1-8

MINTIRHO 7:44-49, VA-HEVERU 10:5, MATEWU 5:48

VA-EFESA 4:11-15, VA-HEVERU 11:32-40

*Leyi i khopi ya mpfapfarhuto lowu Makwerhu Branham a nga
wu mpfapfarhuta exitsalelwani ni hilaha a kongomisa kona
Hungu leri.*

Xitiviso Xa Mpumelelo Wo Kopa

Timfanelo hinkwato ti hlayisiwile. Buku leyi yi nga ha kandziyisiwa hi printara yale kaya leswaku munhu a ti tirhisela kumbe ku yi phakela, yi nga hakerisiwi, tani hi xitirhi xo hangalasa Evhangeli ya Yesu Kreste. Buku leyi a yi xavisiwi, yi humesiwa hi xikalo lexikulu, yi vekeriwa eka “website,” yi hlayisiwa eka tisisiteme leti ti nga swi kotaka kuva yi tekiwa, yi hundzuluxeriwa eka tindzimi tin’wana, kumbe yi tirhiseriwela eka nkwama lowu wu nga pfumeleriwa handle ka nhlamuselo leyi yi nga tsariwa ya ku pfumeleriwa hi Voice Of God Recordings®.

Vuxokoxoko byo tala kumbe nhundzu yin’wana leyi yi nga kona, mi komberiwa ku ti hlanganisa na:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org